

TruthSeekers

Rrënjët e besimit

Kartat Awana 1 - 33

© 2011 Awana® Clubs International

1 East Bode Road, Streamwood, IL 60107-6658 U.S.A.
internationalprogram@awana.org • (630) 213-2000

Përshtatur nga botimi për fëmijë, Themelet e qëndrueshme:
Nga krijimi të Krishti, New Tribes Mission

Të gjitha të drejtat e rezervuara. Shtypur në SHBA. Asnjë material nga ky publikim nuk mund të riprodhohet apo të përkthehet pa leje të shkruar nga botuesi.

Awana dhe logoja Awana janë marka të regjistruara të Awana Clubs International.
Të gjitha citimet nga Shkrimi, nëse nuk citohet ndryshe, janë marrë nga Diodatti, 1994. Përdorur me leje. Të gjitha të drejtat të rezervuara nga.

Bibla është Fjala e Perëndisë Koha e historisë



Xhaxhi Piteri pa Karolën dhe Xhonin që po zbrisnin rrugës.

“Përshëndetje, Karola! Përshëndetje, Xhon! Çfarë po bëni sot?” – thirri xhaxhi Piteri.

“Jemi të mërzitur” – tha Xhoni.

“Mamaja tha që mund të vinim e të vizitonim” – tha Karola. “Jam e gëzuar që erdhe të banosh afër nesh!”.

“Edhe unë” – pranoi Xhoni. “Sepse më pëlqen të vij këtu e të të takoj”.

“Të njoh unë ty!” – tha Karola. “Ty të pëlqejnë ëmbëlsirat që të jep”.

“Këtu ke të drejtë” – qeshi Xhoni.

Xhaxhi Piteri u çua dhe tha: “Më duket se kam diçka për ju. Po shkoj ta marr”.

Kur xhaxhi Piteri u kthye me ëmbëlsirat, Xhoni e pyeti se çfarë po lexonte dhe Karola i tha menjëherë: Biblën.

“Ti e lexon shumë Biblën, apo jo, xhaxhi Piter?” – pyeti Karola.

“Po, Karola, e lexoj. Është libri më i mrekullueshëm” – tha xhaxhi Piteri.

“Çfarë gjëje të mrekullueshme ka ky libër?” – pyeti Xhoni i çuditur.

“Është i mrekullueshëm, sepse është libri i Perëndisë: Perëndia e ka shkruar” – shpjegoi xhaxhi Piteri. “Ai u tha njerëzve të shkruanin fjalët e Tij, në mënyrë që Ai të komunikonte me njerëzit. Bibla është mesazhi personal i Perëndisë për secilin prej nesh”.

“Për ne?” – pyeti Karola e çuditur. “Mendova se është shkruar shumë kohë më parë”.

Xhaxhi Piteri shpjegoi se si Perëndia përdori mbi 40 njerëz, të tërë judenj përveç njërit, që të shkruanin mesazhin e Tij për vite me radhë derisa gjithçka që Ai dëshironte të na thoshte ishte shkruar. Ai tregoi se ishin dashur rreth 1500 vjet për ta shkruar të gjithën, por që Bibla është libri më i mrekullueshëm dhe më i përpiktë i tërë historisë.

“Bibla është historia e Perëndisë” – shpjegoi xhaxhi Piteri. “Ai e dha mesazhin e Tij përmes popullit jude, por mesazhi i Tij është për tërë botën”.

“Do të thuash që flet për Të?” – pyeti Xhoni. “Është një libër shumë i madh. Nuk e di se si mund ta lexojë dikush të tërin”.

“Po,” – u përgjigj xhaxhi Piteri, – “Bibla flet për Perëndinë. Është HISTORIA E TIJ! E kam lexuar disa herë dhe sa herë që e lexoj, më pëlqen më shumë. Bibla përmban të gjitha përgjigjet për tërë çështjet e rëndësishme të jetës. Bibla nuk ndryshon asnjëherë, sepse Perëndia nuk ndryshon asnjëherë. Gjithçka që ka shkruar mijëra vjet më parë është akoma e dobishme për ne sot”.

“Do të thuash që nuk është thjesht një mbledhje historish të vjetra?” – pyeti Karola.

“Absolutisht jo!” – pohoi xhaxhi Piteri. “Gjithçka e shkruar në Bibël është e vërtetë dhe është shkruar atje që ta mësojmë ne. Perëndia dëshiron që ne ta njohim”.

Xhoni, duke dëgjuar zërin e mamasë që po e thërriste, i tha xhaxhi Piterit: “Duhet të ikim tani, xhaxhi Piter, por do të kthehemi nesër për të mësuar më tepër për librin tënd të madh”.

Le të shohim në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

2 Timoteut 3:16a - “I gjithë Shkrimi është i frymëzuar nga Perëndia”.

Shkrimi: Fjala e Perëndisë; Bibla

Frymëzuar: Perëndia u dha Fjalën e Tij njerëzve që e shkruan mesazhin e Tij për ne

Le të mendojmë

Përgjigju këtyre pyetjeve dhe tregoja mësuesit.

1. Te kush shkuan për vizitë Xhoni dhe Karola?
a. Miqtë; b. Gjyshi; c. Xhaxhai.
2. Çfarë po lexonte xhaxhi Piteri kur mbërritën ata? _____
3. Pse xhaxhi Piteri tha që Bibla është libri i mrekullueshëm?
a. Bibla është shumë e madhe; b. Bila është libri i Perëndisë: Ai e ka shkruar; c. Ka shumë figura në të.
4. Kë përdori Perëndia për të shkruar Biblën?
a. Mbi 40 njerëz ndihmuan për shkrimin e Biblës. b. Treguesit e historive ndihmuan për shkrimin e Biblës; c. Mësuesit ndihmuan për shkrimin e Biblës.
5. Për kë e shkroi Perëndia Biblën? _____

Mësime nga Fjala e Perëndisë




Perëndia u shpalli Fjalën e Tij njerëzve të quajtur profetë.

Profetët e Perëndisë shkruan saktësisht atë që donte Perëndia të shkruhej.

Kur rrotujt dilnin jashtë përdorimit, bëheshin me kujdes kopje të reja.

Fjala e Perëndisë është përkthyer në mënyrë të përpiktë në shumë gjuhë.



Vargu përmendësh i kësaj jave thotë që Perëndia u tha njerëzve se çfarë mesazhi të shkruanin. Ndonjëherë Ai foli me zë të lartë; herë tjetër u foli me anë të vegjimeve; herë të tjera thjesht e vendosi mesazhin drejtpërdrejt në mendjet e tyre. Asnjë prej mesazheve në Bibël nuk është ideja e njeriut. Ato janë Fjala e Perëndisë dhe çdo fjalë është e vërtetë! Nuk ka asnjë libër tjetër në botë që të jetë shkruar në këtë mënyrë: Perëndia përdori njerëzit, duke kontrolluar saktësisht atë që shkruan. Bibla është mesazhi personal i Perëndisë për tërë njerëzit në çdo vend. Ajo është mesazhi më i rëndësishëm që është dhënë ndonjëherë. Bibla na flet për Perëndinë e na thotë se çfarë mendon për ne dhe se çfarë konsideron Ai si nevojat tona më të mëdha.



Plotëso këtë aktivitet dhe tregoja mësuesit.

Vendos shkronjat që mungojnë për të plotësuar vargun 2 Timotetut 3:16a.

I _ _ _ _ T _ _ _ SHK _ _ _ _ _ _ _ _ I

F _ _ _ _ _ _ _ _ N _ _ _ P _ _ _ _ _ _ _ .



Karta Awana 1 e përfunduar

Firma e mësuesit _____

Data _____

Vetëm Perëndia



Koha e historisë

“A e di, xhaxhi Piter?” – thirri Xhoni. “Pamë një të huaj që po flinte anës lumit”.

“T’i kishe parë të gjitha gjërat që kishte me vete” – shtoi Karola. “Nuk e di se si i mban të gjitha”.

“Vërtetë!” - tha Xhoni. “Ai kishte një elektrik dore, një jorgan portativ, një enë me ujë, një çantë shpine, roba, litarë...”.

“Kishte gjëra që nuk i kisha parë kurrë” – e ndërpreu Karola.

“Por nuk pashë ushqim” – tha Xhoni.

“Oh, Xhon! Ti mendon vetëm për ushqimin” – qeshi Karola.

“Ke të drejtë, Xhon” – tha xhaxhi Piteri. “Ka disa gjëra për të cilat kemi nevojë për të jetuar, si ushqimi. Megjithatë, shumë njerëz kanë më tepër nga sa u nevojitet. A e di që Perëndia nuk ka nevojë për gjë?”.

“Çfarë do të thuash, xhaxhi Piter?” – pyeti Karola.

Xhaxhi Piteri shpjegoi se Perëndia ka qenë dhe do të jetë gjithmonë. Ai ka ekzistuar para çdo gjëje që ka krijuar. Ai ka ekzistuar para se të kishte dritë, ajër, ushqim apo ujë; ai ka ekzistuar para engjëjve!”.

“Por, a ka pasur Perëndia një fillim?” – pyeti Xhoni.

“Jo,” – tha xhaxhi Piteri, – “Perëndia është i përhershëm: Ai nuk ka lindur dhe nuk ka fillim. Ai nuk plakët kurrë dhe nuk do të vdesë kurrë. Shiko, gjithçka tjetër ka pasur një fillim: njerëzit, kafshët, ajri, drita dhe bimët, por Perëndia është më i madh nga sa mund ta kuptojmë. Perëndia është më i madh nga të gjithë! Fjalët e para në Bibël janë: ‘Në fillim Perëndia...’. Në fakt Perëndia ekzistonte para fillimit”.

“Por, a nuk ishte Perëndia i vetmuar pa njerëz?” – pyeti Karola.

“Jo, Perëndia është shumë i veçantë” – u përgjigj xhaxhi Piteri. “Bibla na thotë që Ai është në të vërtetë tre persona në një. Ne e quajmë Perëndinë ‘Trini’. Perëndia Atë, Perëndia Bir dhe Perëndia Frymë e Shenjtë: që janë së bashku Perëndia i madh e i vetëm: Ai ka ekzistuar përgjithmonë. Ne nuk mund të kuptojmë se sa i mrekullueshëm është Ai”.

“Tani jam i ngatërruar” – tha Xhoni.

“Shiko, Xhon,” – u përgjigj xhaxhi Piteri, – “unë madje as që përpiqem që t’i kuptoj disa gjëra rreth Perëndisë. Thjesht i besoj ato gjëra si të vërteta, sepse Perëndia thotë që janë të vërteta. Perëndia nuk është si ne. Ai është shumë më i madh nga sa mund ta imagjinojmë! Por mund të mësojmë shumë për Të thjesht duke studiuar Fjalën e Tij, Biblën. Perëndia është me të vërtetë i mrekullueshëm dhe Ai dëshiron që ta njohim Atë!”.



“Neve na pëlqen të dëgjojmë për Të, xhaxhi Piter” – tha Karola.
“Le të shkojmë në shtëpi dhe le të numërojmë paratë, Xhon. Duam të kursejmë para që ta blejmë vetë Biblën”.

Le të shohim në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

Psalmi 90:2 - “Para se të kishin lindur malet dhe para se ti të kishe formuar tokën dhe botën, madje nga mot dhe përjetë ti je Perëndia”.

Përjetë: Vazhdon përgjithmonë, pa mbarim



Le të mendojmë

Përgjigju këtyre pyetjeve dhe tregoja mësuesit.

1. A ka pasur një kohë kur Perëndia nuk ka jetuar? Po / Jo.
2. A do të vdesë Perëndia? Po / Jo.
3. A ka pasur ndonjë kohë kur nuk ka pasur njerëz? Po / Jo.
4. Për çfarë ka nevojë Perëndia për të jetuar?
a. Ushqim; b. Ujë; c. Asgjë.
5. A mësojmë për Perëndinë në Bibël? Po / Jo.

Mësime nga Fjala e Perëndisë



Në vargun e sotëm përmendësh mësojmë që Perëndia nuk ka fillim. Ai nuk është krijuar nga dikush dhe Ai ka qenë gjithmonë i gjallë. Ai nuk ka lindur dhe nuk ka nënë apo baba si ti dhe unë. Ai na thotë që Perëndia nuk do të reshtë kurrë së ekzistuari. Perëndia nuk mund të vdesë kurrë dhe do të jetë gjithmonë i njëjti Perëndi.

Perëndia është më i madh dhe më i rëndësishëm se të gjithë. Ai është autoriteti më i lartë. Bibla na thotë që Perëndia njeh gjithçka dhe ndodhet në çdo vend në të njëjtën kohë. Ai është tani këtu dhe mund të na shikojë të gjithëve. Ai njeh tërë mendimet tona. Ne nuk mund të fshihemi nga Perëndia.

Perëndia është Frymë (Gjoni 4:24). Ai nuk ka nevojë për tokën për të jetuar dhe për shumë gjëra të tjerë që kemi nevojë ne njerëzit, sepse Perëndia nuk ka trup siç kemi ne. Perëndia nuk ka kokë, sy, duar (trung) apo këmbë. Ai nuk ka mish dhe



kocka si ne njerëzit, kafshët, zogjtë, peshqit apo rrëshqanorët, të cilët kanë nevojë për ushqim, ujë apo ajër për të jetuar.

Perëndia është Trini. Fjala Trini do të thotë Tre në Një. Në Bibël lexojmë që edhe pse ka vetëm një Perëndi, ka tre persona që janë po njësoj Perëndi. Të tre përmenden te Mateu 28:19: Perëndia Atë, Perëndia Bir dhe Perëndia Frymë e Shenjtë. Perëndia që është Ati dhe Perëndia që është Biri dhe Perëndia që është Fryma e Shenjtë janë një Perëndi i vetëm. Nuk ekzistojnë tre perëndi. Ata janë tërësisht njësoj në fuqi, njohje dhe dituri. Ne do të mendonim që Ati jetonte në fillim, pastaj Perëndia Bir lindi më vonë, por nuk është kështu. Ata, të tre, janë një Perëndi dhe janë të njëjtë dhe kanë jetuar përgjithmonë. E vështirë për t'u kuptuar? Po, me siguri për ne është e vështirë! Perëndia është aq i madh saqë ne nuk mund të kuptojmë gjithçka rreth Tij, por Fjala e Tij, Bibla, është e vërtetë. Ai nuk gënjen.



Plotëso këtë aktivitet dhe tregoja mësuesit.

Përdor fjalët e mëposhtme për të plotësuar vargun Psalmi 90:2

Para ____ kishin ____ malet ____ se ti ____
dhe ____, madje ____ dhe ____ je ____ (Psalmi 90:2).

lindur

formuar

nga

tokën

të

mot

Perëndia

përjetë

se

kishe

dhe

para

botën

të

ti

Karta Awana 2 e përfunduar

Firma e mësuesit _____

Data _____

Engjëjt e Perëndisë



Koha e historisë

“Ajo që dëgjova mbrëmë ishte një histori e frikshme” – tha Xhoni.

“Mamaja të tha që të mos shkoje në atë vend, Xhon. Ti dhe miqtë e tu mund të ishit futur në telashe me ata burra”.

“E di” – pranoi Xhoni. “Por historitë e tyre janë shumë interesante. Nuk doja të largohesha. O, përshëndetje, xhaxhi Piter”.

“Përshëndetje, fëmijë” – përshëndeti xhaxhi Piteri. “Ç’janë këto gjëra kaq interesante?”.

“Një histori që Xhoni dëgjoi mbrëmë” – u përgjigj Karola. “Mamaja i kishte thënë që të mos shkonte gjëkund, por ai shkoi gjithsesi, ndërsa mami shkoi te shtëpia e së motrës”.

“Xhon, nuk iu binde mamit?” – pyeti xhaxhi Piteri.

“Po, ashtu është” – pranoi Xhoni. “E di që bëra gabim, por ata burra tregojnë histori fantastike. Disa prej tyre janë interesante, por disa janë vërtet të frikshme. Ato ishin për frymërat e ndyra dhe pastaj ishin për frymërat e mira”.

“Xhon, ti duhet t’i bindesh mamit” – tha xhaxhi Piteri. “Duhet të shkosh e t’i kërkosh falje asaj nëse nuk i ke kërkuar ende. Dhe mamaja ka të drejtë: nuk duhet t’i dëgjosh ata burra. Ata nuk tregojnë të vërtetën”.

“Por, a ekzistojnë frymërat, xhaxhi Piter?” – pyeti Xhoni.

“Le të shohim se çfarë thotë Bibla për frymërat” – sugjeroi xhaxhi Piteri.

“Në Bibël?” – pyeti Xhoni.

“Po, në Bibël” – u përgjigj xhaxhi Piteri. “Ai është vendi për të gjetur të vërtetën. Historitë e atyre njerëzve do të fusin vetëm gënjeshtra në mendjen tënde, por Fjala e Perëndisë do të të tregojë se çfarë është e vërtetë dhe e mirë. A e dije që Bibla na tregon se tërë frymërat, të quajtur engjëj, u krijuan nga Perëndia?”.

“A e thotë me të vërtetë Bibla këtë?” – pyeti Karola.

“Po” – tha xhaxhi Piteri. “Në fillim Perëndia krijoi gjithçka. Ai krijoi tërë engjëjt. Ai i krijoi për t’i shërbyer Atij dhe për të qenë lajmëtarët e Tij. Ata duhej të adhuronin Atë, sepse Ai është Perëndia. Ai madje disave prej tyre u dha aftësi dhe detyra të veçanta për të bërë. Perëndia krijoi aq shumë engjëj, saqë do të ishte e pamundur t’i numëroje”.

“Dhe të gjithë ishin të mirë?” – pyeti Xhoni.

“Perëndia është i shenjtë” – u përgjigj xhaxhi Piteri. “Gjithçka që mendon, thotë dhe bën është e përsosur, ndaj tërë engjëjt u krijuan në mënyrë të përsosur; asnjë prej tyre nuk ishte i lig apo jo i mirë. Kur të vini herën tjetër do t’ju tregoj se çfarë thotë Bibla për atë që i ndodhi njerit prej engjëjve të veçantë të Perëndisë të quajtur Lucifer”.

“Shiko, xhaxhi Piter,” – tha Xhoni i gëzuar, – “mendoj se do t’i pëlqej më tepër historitë nga Bibla, sesa ato që kam dëgjuar vërdallë”.

Le të shohim në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

Gjoni 1:3 – “Të gjitha gjërat u bënë me anë të tij (fjala), dhe pa atë nuk u bë asnjë nga ato që u bënë”.

Le të mendojmë

Përgjigju këtyre pyetjeve dhe tregoja mësuesit.

1. Çfarë lloj historish po e trembnin Xhonin?
a. Për familjen e tij; b. Për frymërat e kësaj; c. Për kafshët.
2. A flet Bibla për frymërat? Po / Jo.
3. A quhen frymërat engjëj? Po / Jo.
4. Nga kanë ardhur engjëjt?
a. Janë të lindur; b. Kanë jetuar përgjithmonë; c. Perëndia i ka krijuar.
5. A ishin disa engjëj të kësaj kur i krijoi Perëndia? Po / Jo.

Mësime nga Fjala e Perëndisë



Gjithçka që bën Perëndia është e përsosur, sepse Perëndia është i Shenjtë. Fjala “i shenjtë” do të thotë i përsosur pa diçka të keqe apo të ligë. Kështu është Perëndia.

Kujtoni që Ai është Perëndia Frymë e Shenjtë. Ai është Fryma i përsosur që bën vetëm të mirën. Ai nuk ka bërë kurrë diçka të keqe.

Në fillim tërë frymërat që Perëndia krijoi ishin engjëjt të Perëndisë. Për shkak se Perëndia i krijoi, ata i përkasin Atij. Ata u krijuan të bënëin atë që donte Perëndia të bënin.

Perëndia nuk u dha engjëjve trupa kur i krijoi; ata nuk kanë mish dhe gjak si ne. Meqë ata nuk kanë trupa, ata mund të shkojnë ku të duan, por ata nuk janë në çdo vend në të njëjtën kohë si Perëndia. Engjëjt mund të jenë vetëm në një vend në një moment të caktuar kohe. Perëndia është më i madh se tërë engjëjt.

Nuk ka asgjë të vështirë për Perëndinë. Perëndia krijoi engjëjt më të fortë se ne, por ata nuk janë të plotfuqishëm si Perëndia. Engjëjt janë shumë të zgjuar, por ata nuk janë të gjithdijshëm si Perëndia.

Tërë engjëjt jetonin në qiell në fillim me Perëndinë. Edhe pse Perëndia është kudo, në çdo kohë, parajsa është vendi i Tij i banimit (Psalmi 11:4). Bibla na thotë që parajsa është një vend i mrekullueshëm, shumë më i mirë se çdo vend tjetër që kemi njohur apo mund të imagjinojmë.

Perëndia është i fuqishëm

Perëndia është
më i madhi

**Perëndia
është i
shenjtë**

Perëndia njeh gjithçka

Perëndia është
kudo



Plotëso këtë aktivitet dhe tregoja mësuesit.

Elimino shkronjat V, L dhe Y për të gjetur mesazhin e fshehur. Shkruaje mesazhin tek vijat më poshtë:

Y	P	L	V	E	Y	L	R	Y	Ë	V	V	Y
N	Y	L	L	D	Y	V	V	I	Y	A	L	V
B	L	V	L	Ë	Y	L	R	Y	V	I	L	V
Y	Y	L	G	V	V	L	J	V	I	L	L	Y
T	Y	L	L	H	Y	Y	V	Ç	V	L	K	V
L	A	Y	Q	L	Y	Ë	L	Y	E	Y	L	K
L	Z	V	I	Y	V	S	L	T	L	O	Y	N

Mesazhi: _____

Karta Awana 3 e përfunduar

Firma e mësuesit _____

Data _____

Engjëlli rebel



Koha e historisë

“Hej, Xhon, ku po shkon?” – pyeti Karola.

“Po shkoj të dëgjoj diçka më shumë rreth frymërave” – u përgjigj Xhoni.

E çuditur, Karola tha: “Mendova se i the mamasë që nuk do të shkoje sërish për të dëgjuar këto histori me miqtë e tu”.

“Nuk do të shkoj tek miqtë” – tha Xhoni. “Do të shkoj të dëgjoj për engjëllin e veçantë për të cilin po fliste xhaxhi Piteri javën që shkoi. A do të vish edhe ti?”.

“Sigurisht,” – u përgjigj Karola, – “të paktën tërë frymërat në Bibël janë të mirë; nuk ka asgjë për t’u frikësuar prej tyre!”.

“Përshëndetje, xhaxhi Piter” – thirri Xhoni ndërsa po vraponte për te shtëpia e xhaxhi Piterit. “Erdhëm për të dëgjuar historinë tënde rreth engjëllit të veçantë në Bibël”.

“Në rregull, uluni” – sugjeroi xhaxhi Piteri. “Ju kujtohet kur ju thashë që Perëndia u dha disa engjëjve detyra të veçanta për të bërë? Perëndia nuk i krijoi tërë engjëjt njësoj; disa ishin më të bukur, më të zgjuar dhe më të urtë se të tjerët. Perëndia krijoi një engjëll që ishte më i bukur nga të gjithë. Ai ishte shumë i zgjuar. Emri i tij ishte Lucifer. Perëndia e vendosi Luciferin përgjegjës të tërë engjëjve”.

“Luciferi duhet ta ketë dashur shumë Perëndinë që iu dha një pozitë aq e rëndësishme” – pohoi Karola.

“Ke të drejtë, Karola” – pranoi xhaxhi Piteri. “Luciferi duhet ta ketë dashur, t’i jetë bindur dhe t’i ketë shërbyer Perëndisë më shumë se çdo engjëll tjetër. Por pas ca kohësh Luciferi u bë shumë krenar për bukurinë e tij. Ai vendosi të mernte pozitën e Perëndisë si autoritet mbi çdo gjë: Luciferi u rebelua kundër autoritetit të Perëndisë mbi të”.

“Por unë mendova që Perëndia i krijoi tërë engjëjt të përsosur” – tha Xhoni.

“Perëndia i krijoi tërë engjëjt të përsosur” – tha xhaxhi Piteri. “Perëndia i donte të gjithë dhe i trajtonte shumë mirë. Asnjë engjëll nuk kishte arsye pse t’i kthente shpinën Perëndisë, sidomos Luciferi, por Luciferi u rebelua kundër Perëndisë. Ai ishte i pari që bëri të keqen”.

“Kjo është e tmerrshme” – tha Karola.

“Po, ishte” – pranoi xhaxhi Piteri. “Shumë nga engjëjt e Perëndisë ndoqën Luciferin dhe nuk iu bindën Perëndisë. Luciferi u bë drejtuesi i tyre”.

“A e dinte Perëndia se çfarë po bënin Luciferi dhe ndjekësit e tij?” – pyeti Xhoni.

“Perëndia krijoi tërë frymërat,” – u përgjigj xhaxhi Piteri, – “dhe e Ai dinte gjithçka që mendonin. Kujtoni që Perëndia është kudo dhe di çdo gjë. Ai e dinte saktësisht se çfarë po planifikonin”.

“Perëndia duhet të jetë trishtuar që ka parë engjëjt e Tij të rebelohen kundër Tij” – tha Karola e trishtuar. “Çfarë u ndodhi atyre?”.

“Karola,” – tha xhaxhi Piteri duke marrë Biblën e tij, – “në Bibël lexojmë që Perëndia është

Perëndia i vetëm i vërtetë. Perëndia nuk do të lejonte Luciferin të mernte pozicionin e Tij. Ai e largoi Luciferin nga pozicioni i tij i rëndësishëm i drejtimit mbi engjëjt. Luciferi dhe engjëjt që e ndoqën nuk mund të jetonin më në qiell, as të bëheshin shërbëtorë të Perëndisë. Luciferi ishte bërë armiku i Perëndisë, ndaj Ai ia ndryshoi emrin në Satan. Satan do të thotë “armik”. Perëndia përgatiti një vend të tmerrshëm ndëshkimi të përjetshëm për ta, të quajtur liqeni i zjarrit, dhe një ditë Ai do të hedhë Luciferin dhe tërë engjëjt e tij atje”.

“Perëndia duhet të jetë i fuqishëm, xhaxhi Piter” – tha Xhoni i mahnitur. “A është ky fundi i historisë së Luciferit?”.

“Jo, Xhon” – u përgjigj xhaxhi Piteri. “Bibla thotë më tepër për Luciferin, por, së pari, ka disa histori të tjera të rëndësishme në Bibël për të cilat dua t’ju flas”.

“Në rregull” – tha Xhoni. “Do të vijmë përsëri”.

Le të shohim në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

1 Kronikave 29:11a – “Jotja, o Zot, është madhështia, fuqia, lavdia, shkëlqimi, madhëria, sepse gjithçka që është në qiell dhe mbi tokë është jotja”.

Zot: Perëndia

Le të mendojmë

Përgjigju këtyre pyetjeve dhe tregoja mësuesit.

1. A u krijuan disa engjëjt të këqij? Po / Jo.
2. Kush është më i fuqishmi? a. Luciferi; b. Perëndia; c. Engjëjt.
3. A ishte Luciferi engjëlli i parë që bëri të keqen? Po / Jo.
4. Çfarë ndodhi me Luciferin kur nuk iu bind Perëndisë?
a. U shpërblye; b. Asgjë; c. Perëndia e përzuri nga qielli.
5. Çfarë gjëje tjetër do të bëjë Perëndia ndaj Luciferit dhe tërë engjëjve të këqij?
a. Asgjë; b. Do t’i ndëshkojë të gjithë në liqenin e zjarrit përgjithmonë; c. Do t’i kthejë përsëri në parajsë.

Mësime nga Fjala e Perëndisë



Perëndia krijoi engjëjt me dituri dhe fuqi të madhe, por ata u krijuan t'i shërbenin Atij. Perëndia është më i madh dhe më i rëndësishëm se engjëjt. Perëndia është sovran: autoriteti më i lartë.

Kur Luciferi vendosi të merrte pozitën e Perëndisë si autoritet mbi çdo gjë, ai u rebelua kundër autoritetit të Perëndisë. Perëndia i njihte mendimet e Luciferit dhe mendimet e çdo engjëlli rebel që e ndoqën. Perëndisë nuk mund t'i fshihet asgjë. Ai njih gjithçka para se të ndodhë. Ai është kudo, shikon gjithçka dhe njih çdo gjë.

Bibla na thotë se pas rebelimit të Luciferit, engjëjt e këqinj nuk ishin më shërbëtorë të Perëndisë. Kështu që ata filluan të urrenin Perëndinë dhe çdo gjë të mirë që pëlqen Perëndia. Ne e njohim tani Luciferin me emra të tjerë si "Satan" dhe "djall". Engjëjt që ndoqën Satanin quhen demonë.

Satani (Luciferi) dhe demonët e tij nuk mund të jetonin më në qiell, kështu që tani Perëndia i bëri të vinë rrotull në tokë. Një ditë Perëndia do të hedhë Satanin dhe demonët e tij në Liqenin e Zjarrit për t'u ndëshkuar përgjithmonë (Mateu 25:41). Të rebelohesh kundër Perëndisë është shumë serioze. Perëndia nuk do të tolerojë mosbindjen ndaj Tij. Perëndia ndëshkon gjithmonë mosbindjen dhe rebelimin.



Grafiku 4



Plotëso këtë aktivitet dhe tregoja mësuesit.

Gjej dhe rretho **fjalët e theksuara** te vargu në kutinë me shkronja më poshtë. Fjalët mund të gjenden horizontalisht dhe vertikalisht, nga të dyja krahët.

1 Kronikave 29:11a – “**Jotja**, o **Zot**, është **madhështia**, **fuqia**, **lavdia**, **shkëlqimi**, **madhëria**, sepse gjithçka që është në qiell dhe mbi tokë është **jotja**”.

K	D	Y	U	U	U	Y	Y	R	T	T	M
Z	V	V	L	H	L	D	D	R	S	T	A
O	H	H	I	D	A	D	A	X	A	X	D
T	H	H	X	X	A	N	X	A	D	A	H
V	S	H	K	Ë	L	Q	I	M	I	A	Ë
F	K	X	L	A	B	A	B	X	A	D	R
U	B	B	K	A	A	X	X	A	B	X	I
Q	K	X	L	A	V	D	I	A	A	A	A
I	B	S	X	S	A	S	A	S	A	S	A
A	K	B	X	A	D	A	B	A	D	X	D
K	B	X	D	B	X	A	X	A	B	S	X
M	A	D	H	Ë	S	H	T	I	A	X	B

Karta Awana 4 e përfunduar

Firma e mësuesit _____

Data _____

Diçka nga asgjëja

Koha e historisë



“Përshëndetje fëmijë!” - tha xhaxhi Piteri. “Çfarë po bëni?”.

“Përshëndetje, xhaxhi Piteri!” - thanë Xhoni dhe Karola në të njëjtën kohë.

“Oh, po punoj për një projekt për një nga lëndët e mia të shkollës” - tha Xhoni. “Por kam një problem me të”.

Xhaxhi Piteri pasi e pa mirë projektin që po bënte Xhoni e pyeti: “Çfarë do të bësh, Xhon, një top?”.

“Jo, një model të botës” - u përgjigj Xhoni. “Por nuk kam tërë gjërat që më duhen për ta mbaruar. Nuk e mendova se sa shumë gjëra do të më duheshin. Kam vetëm pak argjilë dhe tela...”.

“Po, dhe po bën rrëmujë!” - e ndërpreu Karola.

CHART

“Ajo ka të drejtë, po bëmë rrëmujë” - pranoi Xhoni.

“Shiko,” - tha xhaxhi Piteri, - “ky është një projekt i madh: duhet shumë punë për ta bërë. A e di se si u bë me të vërtetë bota?”.

“Nuk e di” - tha Xhoni. “A e di njeri?”.

“Po,” - u përgjigj xhaxhi Piteri, - “sepse Ai që e krijoi përdori dikë për ta shkruar se si e bëri”.

“Ku është shkruar?” - pyeti Karola.

“Në Bibël” - u përgjigj xhaxhi Piteri. “Perëndia, i Cili krijoi tërë frymërat, krijoi edhe tokën. Ai ishte i vetmi në fillim dhe Ai e dinte saktësisht se çfarë ndodhi. Kujtoni, Perëndia është një, megjithatë Perëndia është tre persona në një: Perëndia Atë, Perëndia Bir dhe Perëndia Frymë e Shenjtë: të gjithë kanë marrë pjesë në veprën madhështore të krijimit”.

“A thotë Bibla se si e bëri?” - pyeti Xhoni.

“Po” - u përgjigj xhaxhi Piteri. “Bibla thotë që Perëndia krijoi qiellin dhe tokën. Ai thjesht foli dhe u bë drita”.

“Prit pak!” - e ndërpreu Xhoni. “Çfarë përdori Perëndia për të bërë tokën dhe nga erdhi drita?”.

Xhaxhi Piteri tha duke qeshur: “Zanafilla, libri i parë i Biblës, na thotë që Perëndia bëri gjithçka nga asgjëja. Perëndia është i plotfuqishëm; nuk ka asgjë të pamundur për Të”.

“Por nga e dinte Perëndia se si të bënte qiellin dhe tokën?” - pyeti Karola.

Xhaxhi Piteri shpjegoi se si neve na duhet të mësojmë se si t'i bëjmë tërë gjërat që bëjmë.

Ne nuk kemi lindur me njohuri dhe kuptim. Disa njerëz shkojnë në shkollë për të



mësuar, megjithatë ata asnjëherë nuk do të mësojnë për çdo gjë. Perëndia nuk kishte nevojë që dikush t'i mësonte se si të bënte qiejt dhe tokën, sepse Ai njih dhe kupton plotësisht gjithçka. Perëndia është i gjithëdijshëm.

“Është shumë e vështirë të kuptosh se si dikush mund të jetë aq i fuqishëm dhe i zgjuar, apo jo?” - pyeti xhaxhi Piteri.

“Sigurisht!” - pranoi Xhoni. “Herën tjetër dua të dëgjoj se si u bë pjesa tjetër e tokës”.

Le të shohim në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

Hebrenjve 11:3 - “Me anë të besimit ne kuptojmë se bota është ndërtuar me fjalën e Perëndisë, sa që ato që shihen nuk u bënë prej gjërave që shihen”.

Ndërtuar: bërë

Shihen: e dukshme

Le të mendojmë

Përgjigju këtyre pyetjeve dhe tregoja mësuesit.

1. Çfarë po përdorte Xhoni për të bërë modelin e tij të botës?
a. Asgjë; b. Baltë dhe tela; c. Letër.
2. Si u bë bota e vërtetë?
a. Nuk e dimë; b. Ka ekzistuar gjithmonë; c. Perëndia e bëri.
3. Çfarë përdori Perëndia për të bërë botën?
a. Asgjë; b. Shkëmbinj dhe baltë; c. Baltë dhe tela.
4. A foli Perëndia dhe u bë drita? Po / Jo.
5. A i tha dikush Perëndisë se si të bënte tokën? Po / Jo.

Mësime nga Fjala e Perëndisë




Zanafilla 1:1-8

Bibla ndahet në 66 libra. Libri i parë i Biblës quhet “Zanafillë”. Fjala “**zanafillë**” do të thotë “**fillësë**”. Çdo gjë ka një fillim, përveç Perëndisë, i cili ka jetuar para fillimit. Në Librin e Zanafillës, në kapitullin e parë dhe në vargun e parë (Zanafilla 1:1), thuhet: “Në fillim Perëndia krijoi qiejt dhe tokën”. Fjala “**krijoi**” do të thotë “**të bësh diçka nga asgjëja**”.

Pasi Perëndia krijoi tokën, ajo nuk kishte formë apo trajtë (Zanafilla 1:2). Ajo ishte plotësisht bosh. Toka ishte e mbuluar nga errësira dhe uji. Uji mbulonte tërë botën, kështu që nuk kishte tokë të thatë. Nuk kishte jetë në asnjë pjesë të tokës: as njerëz, as kafshë dhe as bimë.

Perëndia është i plotfuqishëm dhe Ai ishte gati të përdorte fuqinë e Tij të madhe për të krijuar gjërat në tokën që bëri. Te Zanafilla 1:3 shohim që Perëndia krijoi dritën për këtë botë të errët thjesht duke folur! “Pastaj Perëndia tha: ‘U bëftë drita!’”. Dhe drita u bë”. Te Zanafilla 1:4 Perëndia thotë që drita ishte e mirë. Perëndia bëri gjithçka të mirë, sepse Ai është i shenjtë, që do të thotë se Ai është i përsosur. Perëndia e ndau dritën nga errësira. Ai e quajti dritën “ditë” dhe errësirën “natë”. Kjo ishte dita e parë në fillim të botës.

Ditën e dytë Perëndia krijoi ajrin dhe qiellin (Zanafilla 1:6-8). Perëndia foli dhe uji që mbulonte tokën u nda. Kjo do të thotë që uji u ngjiti në majë të “kupës qiellore” apo “qiellit” dhe pjesa tjetër e ujit mbulonte tokën poshtë qiellit. Vetëm Perëndia mund të krijojë. Ai është më i madh nga sa mund të imagjinojmë, por Ai na ka dhënë Biblën, Fjalën e Tij, në mënyrë që të mësojmë prej Tij!






Plotëso këtë aktivitet dhe tregoja mësuesit.

Plotëso vendet bosh me fjalët e mëposhtme

dritën ujë
ajër dhe qiell natë

1. Ditën e parë Perëndia krijoi _____, të cilën e quajti
ditë dhe errësirën _____.
2. Ditën e dytë Perëndia krijoi ajrin dhe qiellin. Ku i vendosi dhe çfarë kishte sipër tyre?



Karta Awana 5 e përfunduar

Firma e mësuesit _____

Data _____

Perëndia krijoi gjithçka

Koha e historisë

“Shiko, Karola! Po mbijnë!” - thirri Xhoni.

“Çfarë po mbin?” - pyeti Karola.

“Farat që mbolla në kopshtin tim” - tha Xhoni. “Shikoj!”.

“Ke të drejtë, Xhon, po mbijnë!” - thirri Karola. “Sa lloje mbolle?”.

“Mbolla tetë lloje farërash” - u përgjigj Xhoni. “Kam gjashtë lloje perimesh dhe dy lloje lulesh. Nuk mund ta besoja sa shumë lloje të ndryshme farërash kishte te dyqani që më tregoi xhaxhi Piteri në qytet”.

Duke marrë një qese të hapur farash, Karola tha: “Është e vështirë që të kuptoj se si nga çdonjëra prej këtyre farave të vogla mund të bëhet një bimë. Ato janë të thara, por kur i vendos në tokë dhe u shton ujë, mbin një bimë. Mos! Më ranë në tokë: çfarë rrëmuje! U përhapën përtokë! Oh, përshëndetje xhaxhi Piteri!”.

“Duket sikur Xhonin po e ndihmon dikush në kopsht” - tha xhaxhi Piteri duke qeshur.

“Karola po bën rrëmuje!” - u ankua Xhoni. “Dhe farat janë shumë të vështira për t’u mbledhur. Ato janë shumë të vogla”.

“Më thuaj, Karola, a ranë në rreshta të drejtë?” - pyeti xhaxhai i saj.

“Jo,” - tha Karola, - “ato u shpërndanë gjithandej. Nuk mund të gjej shumicën e tyre”.

Xhaxhi Piteri pa kopshtin e Xhonit dhe tha: “Xhon, duket se ke qenë në gjendje t’i vendosësh farat në rreshta të vegjël në kopshtin tënd. Shiko këtë rresht të drejtë të lastarëve jeshilë! Fëmijë, a e kuptoni që tërë këto fara e kanë pasur origjinën e tyre nga bimët që krijoi Perëndia në fillim? Kur Perëndia krijoi jetën bimore vendosi brenda çdo bime aftësinë për të prodhuar fara, të cilat do të bëheshin bimë të reja si e para që Ai bëri. Ndaj, edhe pse një bimë thahet, ajo bën fara që rriten në bimë si e para: dhe ato bimë prodhojnë fara që rriten në bimë të tjera si e para, e kështu me radhë. Perëndia jep jetë dhe Ai është i vetmi që vazhdon procesin!”.

“Nuk më kishte shkuar kurrë mendja këtui!” - tha Karola. “Por ti the që në Bibël thuhet që Perëndia krijoi gjithçka”.

“Mësuesi im në shkollë thotë që gjithçka ndodhi rastësisht” - tha Xhoni. “Ai thotë që tërë llojet e ndryshme të gjërave thjesht ‘evoluan’ me kalimin e viteve”.

“Xhon, a e vure re se çfarë ndodhi me farat që hodhi Karola?” - pyeti xhaxhi Piteri. “Ato u shpërndanë gjithandej, apo jo? Po farat që mbolle ti? A nuk janë në një rresht të drejtë? Ku qëndron ndryshimi?”.

“Ajo është rrëmuja, kurse unë jo” - tha Xhoni duke qeshur.

“Xhoni!” - thirri Karola. “Nuk doja t’i rrëzoja. Ato thjesht ranë përtokë”.

“Karola, mund të thuash që farat ranë atje rastësisht, apo ajo?” - pyeti xhaxhai i saj.

“Por Xhoni vendosi saktësisht se ku do t’i vendoste farat e tij dhe ato janë në një rresht të drejtë. Çfarë mendoni? A mendoni që tërë modelet e ndryshme te lulet, pemët, gjethet dhe kafshët ndodhën po ashtu, thjesht rastësisht?”.

“Nuk ka mundësi!” - tha Karola. “Do të ishte e pamundur. Dikush duhet t’i ketë bërë ashtu!”.

“Ke shumë të drejtë, Karola” - pranoi xhaxhi Piteri. “Perëndia i bëri. Ai është krijuesi i çdo gjëje. Ai vendosi se si do të dukej dhe rritej gjithçka”.

“Nuk e dija që kishte kaq shumë gjëra për të mësuar në Bibël” - tha Xhoni. “Dhe ne jemi vetëm në fillim!”.

Le të shohim në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

Zanafilla 1:1 - “Në fillim Perëndia krijoi qiejt dhe tokën”.

Le të mendojmë

Përgjigju këtyre pyetjeve dhe tregoja mësuesit.

1. Si u vendosën farat në një rresht të drejtë në kopshtin e Xhoni?
a. Ranë atje; b. Mbinë vetë; c. I mbolli Xhoni.
2. Kur Karolës i ranë farat, a ranë në një rresht të drejtë? Po / Jo.
3. A ndodhi gjithçka rastësisht: evoluoi me kalimin e viteve? Po / Jo.
4. A krijoi Perëndia gjithçka? Po / Jo.
5. Kush vendosi se çfarë lloje lulesh do të rriteshin në tokë?
a. Askush; b. Perëndia; c. Ndodhën rastësisht.




Zanafilla 1:9-25

Në vargun e sotëm përmendësh thuhet që Perëndia bëri qiejt dhe tokën. Ditën e parë Ai bëri dritën dhe ditën e dytë Ai ndau ujërat që mbulonin tokën dhe bëri ajrin e qiellin (kupën qiellore) midis tyre. Ditën e tretë Perëndia mbledhi ujërat që mbetën në tokë dhe bëri detet, duke bërë të shfaqet toka e thatë. Pastaj Perëndia bëri tërë bimët dhe pemët. Vetëm Perëndia ka njohurinë dhe fuqinë për të krijuar jetën bimore. Perëndia bëri bimët për të plotësuar nevojat tona: për të siguruar ushqim, oksigjen, dru dhe shumë më tepër. Ai bëri gjithashtu bimët për të na treguar dashurinë e Tij. Ai bëri bimët me shumë ngjyra, madhësi, forma, shije dhe aroma që ne t'i shijonim. Gjithçka që projektoi dhe krijoi Perëndia atë ditë ishte e përsosur; nuk kishte barëra të këqija apo fruta e perime të prishura, sepse Perëndia, krijuesi, është i përsosur.

Ditën e katërt Perëndia foli dhe dielli, hëna dhe yjet u krijuan. Ai i vendosi atje ku deshë. Vetëm Perëndia ka njohurinë dhe fuqinë për të krijuar diçka kaq të madhe! Gjithçka që bëri Perëndia ditën e katërt ishte e mirë dhe e përsosur.

Ditën e pestë Perëndia krijoi shumë shumë lloje krijesash ujore dhe zogjsh. Ditën e gjashtë Perëndia krijoi shumë lloje të ndryshme kafshësh. Vetëm Perëndia ka njohurinë dhe fuqinë për të krijuar kafshët. Njeriu nuk ka krijuar kurrë një kafshë. Tërë qeniet e gjalla që bëri Perëndia ditën e pestë e të gjashtë ishin të mira dhe të përsosura. Perëndia bëri gjithçka nga asgjëja. Ai bëri çdo gjë të mirë dhe të përsosur në fillim, sepse Perëndia është i mirë dhe i përsosur. Çdo ditë ne mund të hedhim vështrimin përreth dhe mund të shohim gjërat që ka bërë Perëndia.





Plotëso këtë aktivitet dhe tregoja mësuesit.

Në të majtë ndodhen ditët e javës. Në të djathtë ndodhen gjërat që krijoi Perëndia në këtë këto ditë. Hiq një vijë nga dita e javës te gjërat që krijoi Perëndia atë ditë.


Dita e parë	krijesat ujore dhe zogjtë
Dita e dytë	dielli, hëna dhe yjet
Dita e tretë	drita
Dita e katërt	kafshët
Dita e pestë	ajri dhe qielli (kupa qiellore)
Dita e gjashtë	toka, deti, bimët dhe pemët

Karta Awana 6 e përfunduar

Firma e mësuesit _____

Data _____

Perëndia krijon njeriun



Koha e historisë

“Xhon, ku po shkon me atë kafazin?” - thirri Karola. “Ai është i imi!”.

“Oh, përshëndetje Karola” - tha Xhoni duke qeshur. “Do të vija të të pyesja nëse mund ta marrja”.

“Jo, nuk mund ta marrësh!” - tha Karola e zemëruar. “E bëra dhe e përshtata atë kafaz për papagallin tim”.

“A ka dikush ndonjë problem?” - pyeti xhaxhi Piteri, ndërsa po shkonte drejt Xhonit dhe Karolës. “Arrita t’ju dëgjoj që nga shtëpia ime”.

“Përshëndetje, xhaxhi Piter” - tha Karola. “Jam e mërzhitur me Xhonin. Bëra një kafaz shumë të këndshëm për papagallin tim. Ka një vend për të vendosur ushqim dhe ujë, një degë që të ulet dhe një mbulesë për ta mbrojtur nga dielli dhe shiu. U lodha shumë që ta bëja këtë kafaz siç duhet, sepse ky zog është shumë i veçantë për mua. Tani Xhoni do që ta marrë dhe ta përdorë”.

“Por ti nuk e ke futur akoma papagallin brenda, Karola” - tha Xhoni. “Kështu që mendova se mund ta përdorja”.

“Por e kam bërë unë!” - tha Karola. “Më përket mua dhe mund të bëj çfarë të dua me të”.

“Mund të nxjerrim një mësim të mirë nga ky kafaz” - tha xhaxhi Piteri.

“Çfarë do të thuash?” - pyeti Xhoni.

“Shiko,” - u përgjigj xhaxhi Piteri, - “Karola bëri këtë kafaz. Ajo e ka të sajën dhe i takon asaj të bëjë atë që do me të, sepse ajo e bëri. Ajo e projekttoi për një qëllim të veçantë. A je ndalur ndonjëherë për të menduar që Perëndia bëri njeriun?”.

“Perëndia bëri njeriun?” - pyeti Xhoni. “Mësuesi i shkollës thotë se njeriu ka evoluuar”.

“Bibla na thotë që Perëndia e bëri njeriun nga pluhuri i tokës” - tha xhaxhi Piteri. “Por trupi nuk kishte jetë në të, derisa Perëndia hukati në trupin e njeriut, pastaj ai u bë një person i gjallë. Vetëm Perëndia mund t’i japë jetë njeriut. Ata që mendojnë se njeriu ka evoluuar nuk e kuptojnë që Perëndia është Krijuesi i njeriut, zotëruesi i njeriut. Njeriu i përket Perëndisë. Perëndia është Ai që e di se çfarë është më e mira për njeriun”.

“Oh, tani e kuptoj, xhaxhi Piter,” - tha Karola e gëzuar, - “ti na the herën e kaluar që Perëndia ka krijuar tokën, dritën, ujin, bimët dhe pemët për njeriun, të cilin do ta krijonte më pas”.

“Ke të drejtë, Karola” - pranoi xhaxhai i saj. “Perëndia e krijoi gjithçka në mënyrë të dashur, të kujdesshme dhe të përsosur, si përgatitje për krijimin e Tij përfundimtar: njeriun! Çfarë vendi të veçantë i dha Perëndia njeriut. Perëndia e quajti njeriun e parë Adam. Ai është paraardhësi i tërë njerëzve. Njeriu duhet të kujdeset për gjërat e Perëndisë këtu në tokë dhe të sundonte mbi peshqit, zogjtë dhe kafshët. Perëndia kishte të drejtën të vendoste se kujt do t’ia jepte tokën, sepse Ai krijoi dhe zotëronte

gjithçka. Prandaj, Ai mund t'ia jepte kujt të donte”.

“Ke të drejtë, xhaxhi Piter” - pranoi Xhoni. “Unë me të vërtetë nxora një mësim sot! Më vjen keq që ta mora kafazin, Karola. Ai të përket ty dhe ti ke të drejtën të bësh çfarë të duash me të, ashtu si Perëndia ka të drejtën të bëjë atë që do me krijimin e Tij”.

Le të shohim në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

Zanafilla 1:27 - “Kështu Perëndia krijoi njeriun simbas shëmbëlltyrës së vet, simbas shëmbëlltyrës së Perëndisë; Ai krijoi mashkullin e femrën”.


Shëmbëlltyrë: Ngjashmëri

Le të mendojmë

Përgjigju këtyre pyetjeve dhe tregoja mësuesit.

1. Kush e bëri kafazin?
a. Xhoni; b. Karola; c. Xhaxhi Piteri.
2. Kush e kishte kafazin?
a. Xhaxhi Piteri; b. Xhoni; c. Karola.
3. Kush e krijoi njeriun?
a. Njeriu evoluoi; b. Perëndia; c. Askush nuk e di.
4. Kujt i përket njeriu?
a. Askujt; b. Engjëjve; c. Perëndisë.
5. A e krijoi Perëndia tokën që njeriu të jetonte në të? Po / Jo.

Mësime nga Fjala e Perëndisë



Zanafilla 1:26-31; 2:7

Ditën e gjashtë Perëndia krijoi kafshët, por krijoi edhe njeriun. Perëndia vendosi se si do të bëhej njeriu, ashtu siç vendosi për engjëjt, diellin, hënën, yjet, tokën dhe çdo gjë tjetër që duhej bërë në tokë. Njeriu ishte gjëja më e rëndësishme që krijoi Perëndia në tokë, kështu që Ai vendosi ta bënte sipas “shëmbëlltyrës së Tij”. Çfarë do të thotë kjo? Perëndia nuk ka trup prej mishi dhe kockash si ne. Perëndia po flet për atë pjesën tonë që nuk mund të shihet. Bibla e quan këtë pjesë shpirt dhe frymë. Perëndia krijoi trupat tanë si “shtëpi” të kësaj pjesë që nuk duket, shpirtin dhe frymën. Perëndia planifikoi që kjo pjesë e padukshme e njeriut të kishte mendje, emocione dhe vullnet të krijuar sipas shëmbëlltyrës së Perëndisë.

Ngaqë Perëndia ka një mendje, Ai planifikoi të bënte njerëzit me mendje në mënyrë që ata të mendonin dhe të kishin aftësinë për ta dashur.

Ngaqë Perëndia ka emocione (ndjenja), vendosi që të krijonte gjithashtu njeriun me ndjenja, si dashuria, urrejtja, trishtimi, gëzimi dhe zemërimi. Ne mund të shohim të Perëndia që emocionet janë të mira. Ai është shumë i mirë dhe i dashur, por zemërohet gjithashtu ndaj të keqes. Perëndia e do njeriun, por dëshironte gjithashtu që njeriu të ishte në gjendje ta donte Atë.

Perëndia ka gjithashtu vullnet; Ai është në gjendje të vendosë që të bëjë diçka apo të mos e bëjë. Prandaj Perëndia vendosi ta bëjë njeriun në mënyrë që ky të ishte në gjendje të bënte zgjedhje ashtu siç bën Perëndia. Perëndia dëshironte që njeriu të ishte në gjendje të zgjidhte të donte dhe t’i bindej Atij.

Perëndia e vuri njeriun në ngarkim të tokës dhe të gjithçkaje që ishte në të. Perëndia zgjodhi Adamin që të ishte administratori i tërë tokës. Perëndia i foli Adamit dhe i tha atij që do të ishte përfaqësuesi i Perëndisë në tokë. Perëndia, duke i dhënë Adamit këtë përgjegjësi, i bëri njeriut një nder të madh.





Plotëso këtë aktivitet dhe tregoja mësuesit.

Mbush vendet bosh me fjalët që ndodhen në listë:

1. Njohë Perëndinë
2. Zgjedhë të bindet
3. Dojë Perëndinë

PERËNDIA E KRIJOI NJERIUN SIPAS SHËMBËLLTYRËS SË PERËNDISË

Me një MENDJE në mënyrë që njeriu të mund të _____.

Me EMOCIONE në mënyrë që njeriu të mund të _____.

Me një VULLNET në mënyrë që njeriu të mund të _____.

Karta Awana 7 e përfunduar

Firma e mësuesit _____

Data _____

Kopshfi i Edenit



Koha e historisë

“Çfarë po bën, Xhon” - pyeti Karola. “Duket sikur po bën një kafaz zogjsh si i imi”.

“Po, i premtova Tomit që do t’i bëja një të tillë” - pohoi Xhoni.

“Ku e more sharrën?” - pyeti Karola. “Unë i thashë xhaxhi Piterit të priste dërrasën, sepse ai tha se ishte shumë e rrezikshme që ne të përdornim sharrën”.

“E di,” - u përgjigj Xhoni, - “por xhaxhi Piteri ka ikur dhe unë nuk doja që të prisja për të, ndaj ia mora. Do ta përdor me kujdes. Mos ki merak”.

“Xhon, më mirë mos e përdor atë sharrë!” - e paralajmëroi Karola. “Xhaxhi Piteri do të mërzitet shumë me ty”.

“Përse do të mërzitem?” - pyeti xhaxhi Piteri, ndërsa po shkonte drejt Xhonit dhe Karolës.

“I thashë Xhonit që ti do të mërziteshe, sepse nuk doje që ne të përdornim sharrën,” - tha Karola, - “por ai mendon se e di se çfarë është më e mira për të”.

“Jam shumë i zhgënjyer nga ty, Xhon” - tha xhaxhi Piteri i trishtuar. “Ta thashë qartë që nuk doja që ta përdorje atë sharrë. Të thashë ngaqë jam në merak për ty dhe nuk dua që të lëndohesh. Tani nuk mund të të lejoj që t’i përdorësh veglat e mia, sepse nuk kam besim se ti mund të më bindesh”.

“Atëherë, nëse nuk mund të përdor sharrën,” - tha Xhoni, - “nuk do ta bëj dot kafazin që i premtova mikut tim. Atij do t’i duhet ta bëjë vetë!”.

“Jam i gëzuar që Perëndia nuk heq dorë nga ajo që planifikon të bëjë” - tha xhaxhi Piteri.

“Kur Ai fillon të bëjë diçka, Ai gjithmonë e mbaron! Po sikur Perëndia të reshtte së krijuari tokën dhe tërë gjërat që bëri për t’i vendosur në të? Po sikur Ai të mos mbaronte së bëri njeriun? Ne nuk do të ishim gjallë, apo jo?”.

“As Ai nuk do të mund ta kishte mbaruar nëse do të kishte të njëjtat probleme që kam unë me projektin tim” - u ankua Xhoni.

“Perëndia nuk është si ne, Xhon” - tha xhaxhi Piteri. “Asgjë dhe askush nuk mund të ndalojë Perëndinë për të bërë tërë planet e Tij. Askush nuk mund ta ndalojë Perëndinë. Satani nuk mund ta ndalojë Perëndinë. Perëndia është më i madh se të gjithë! Kur Perëndia premtonte të bëjë diçka, ne mund të jemi plotësisht të sigurt që Ai do ta bëjë!”.

“A e mbaroi Perëndia gjithçka që planifikoi të bënte në gjashtë ditët për të cilat folëm, xhaxhi Piter? - pyeti Karola.

“Po” - u përgjigj xhaxhi Piteri. “Perëndia e mbaroi për gjashtë ditë gjithçka që donte të bënte. Ditën e shtatë ai bëri pushim nga puna e Tij e krijimit”.

“Perëndia duhet të ketë qenë shumë i lodhur nga tërë ajo vepër!” - tha Karola.

“Jo” - tha xhaxhi i saj. “Perëndia nuk ishte i lodhur. Ai pushoi, sepse Ai mbaroi gjithçka që kishte planifikuar të bënte! Ai nuk kishte asgjë tjetër për të bërë”.

“Çfarë i ndodhi njeriut të quajtur Adam, i cili ishte krijuar nga Perëndia?” - pyeti Xhoni.

Xhaxhi Piteri u ul në një trung dhe shpjegoi: “Ngaqë Perëndia e donte shumë Adamin, ai

bëri një kopsht të bukur posaçërisht për të. Në kopsht Perëndia vendosi tërë perimet dhe frutorët që Adami kishte nevojë për të qëndruar i shëndetshëm, i fortë dhe i lumtur. Bibla na tregon për Adamin dhe këtë kopsht të veçantë. Le të shohim se çfarë thotë”.

Le të shohim në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

Psalmi 24:1 - “Zotit i përket toka dhe të gjitha gjërat që janë mbi të, bota dhe banorët e saj”.

Le të mendojmë

Përgjigju këtyre pyetjeve dhe tregoja mësuesit.

1. A mund t'i besonte xhaxhi Piteri Xhonit pasi ky nuk iu bind atij? Po / Jo.
2. A e mbajti Xhoni premtimin që i bëri mikut të tij? Po / Jo.
3. A i mban Perëndia premtimet e Tij? Po / Jo.
4. Sa ditë iu deshën Perëndisë për të mbaruar krijimin e gjithçkaje?
a. Shtatë ditë; b. Ai nuk e mbaroi; c. Gjashtë ditë.
5. A bëri Perëndia një kopsht të veçantë për Adamin meqë e donte? Po / Jo.

Mësime nga Fjala e Perëndisë



Zanafilla 2:1-17

Për shkak se Perëndia krijoi dhe zotëron njeriun, Ai kishte të drejtën ta vendoste atje ku donte dhe t'i thoshte se çfarë të bënte. Kështu Perëndia e vendosi Adamin në një kopsht të bukur të quajtur Eden. Perëndia i tha Adamit të kujdesej për kopshtin, por Adami nuk kishte pse të punonte shumë, sepse gjithçka ishte e përsosur. Perëndia, kur krijoi gjithçka në fillim, nuk i ujste bimët me anë të shiut; nuk kishte rënë **shi**, por përdorte vesën që dilte nga toka.

Perëndia, kur e vuri Adamin në kopsht, nuk e la në dorë të Adamit për të vendosur se çfarë ishte e drejtë dhe çfarë ishte e gabuar. Perëndia i foli Adamit dhe i tha se çfarë nuk duhet të bënte dhe se çfarë do të ndodhte nëse nuk bindej. Sot Perëndia na ka dhënë Biblën në mënyrë që të dimë se çfarë i pëlqen dhe çfarë nuk i pëlqen.

Perëndia vendosi shumë pemë frutorë në kopsht për ushqim. Ai vendosi gjithashtu dy pemë shumë të rëndësishme në mes të kopshtit: **pema e jetës** dhe **pema e njohjes të së mirës e të së keqes**. Perëndia donte që Adami të kishte atë që ishte e mirë. Nëse hante nga pema e jetës, ai do të **jetonte përgjithmonë**. Vetëm një pemë nuk ishte “e lejueshme” për Adamin. Ai nuk duhet të hante nga pema e quajtur **pema e njohjes të së mirës dhe të së keqes**. Adami nuk dinte gjë për gjërat e këqija apo të liga, sepse gjithçka rreth tij ishte e mirë. Por nëse Adami zgjidhte të mos i bindej Perëndisë dhe të hante nga **pema e njohjes të së mirës e të së keqes**, ai do të dinte se çfarë ishte e keqe, Adami **do të ndahej menjëherë frymërisht nga Perëndia**. Ata nuk mund të ishin më miq si më parë. Nëse hante nga pema, ai nuk do të jetonte përgjithmonë; një ditë **ai do të vdiste**. Jo vetëm trupi i tij do të vdiste, por edhe ai do të pësonte të njëjtin ndëshkim të tmerrshëm, Liqenin e Zjarrit, të cilin Perëndia e përgatiti për Satanin dhe engjëjt e tij që e ndoqën, sepse nuk u bindën. Nëse hante nga pema, ndëshkimi i Adamit do të ishte i përbetshëm!

Perëndia donte vetëm atë që ishte e mirë për Adamin. Ai nuk donte që Adami të hante nga pema e njohjes të së mirës e të së keqes. Perëndia e donte Adamin dhe dëshironte që të shijonte dashurinë dhe miqësinë e Adamit.

Ndëshkimi për mëkatin është

VDEKJA



Plotëso këtë aktivitet dhe tregoja mësuesit.

Gjej kuptimin e plotë të **fjalës** me shkronja të ngatërruara dhe vendosi në hapësirën më poshtë:

1. Perëndia bën gjithmonë atë që planifikon. Perëndia bën gjithmonë atë që

_____.

TMERONP

2. Perëndia pushoi ditën e shtatë, sepse tërë puna e Tij e krijimit ishte

_____.

RAUMABR

3. Në fillim tërë bimët ujiteshin nga një avull që dilte nga toka; nuk kishte

_____.

HIS

Karta Awana 8 e përfunduar

Firma e mësuesit _____

Data _____

Perëndia bëri Evën

Koha e historisë



“Ky gripi është i tmerrshëm” - u ankua Xhoni.

“Më duket se do të më zërë edhe mua” - tha Karola.

“Edhe unë e kalova para një jave” - shtoi xhaxhi Piteri. “A e dini që në fillim nuk kishte sëmundje?”.

“Kjo do të ishte fantastikel!” - thirri Xhoni i gëzuar. “Sepse kur jam i sëmurë, nuk mund të dal jashtë nëse moti nuk është i mirë”.

“Në fillim,” - tha xhaxhi Piteri, - “moti ishte i përsosur. Gjithçka ishte e përsosur, dhe ishte e tillë sepse Perëndia është i përsosur, dhe Ai krijoi gjithçka të përsosur dhe të mirë”.

“A ishte edhe Adami i përsosur?” - tha Karola.

“Po, Karola, ishte” - u përgjigj xhaxhai i tij. “Perëndia e krijoi Adamin të përsosur. Adamit nuk i duhej që të punonte shumë për ta mbajtur kopshtin të pastër. Nuk kishte barëra të këqija që rriteshin në të”.

“Adami duhet të ketë qenë i lumtur në një vend të tillë të mrekullueshëm” - tha Karola.

“Imagjino tërë pemët, lulet, perimet, pemët frutore dhe frutat e pyllit: tërë ngjyrat, aromat, zërat dhe gjërat e mira për t’u ngrënë!”.

“Po” - pranoi xhaxhi Piteri. “Mendoj që ishte. Perëndia e dinte me saktësi se për çfarë kishte nevojë Adami. Perëndia e dinte që Adami kishte nevojë për një shoqe me të cilin të fliste dhe të qëndronte. Perëndia i bëri Evën që të jetonin së bashku në kopsht”.

“A e bëri atë nga pluhuri?” - pyeti Xhoni.

“Jo” - u përgjigj xhaxhi Piteri. “Bibla na thotë këtu në librin e Zanafillës që Perëndia e vuri Adamin në gjumë dhe hoqi një prej brinjëve të Adamit. Nga ajo brinjë Perëndia bëri gruan e parë, të quajtur Eva”.

“Si e bëri Perëndia këtë?” - pyeti Karola.

“Perëndia e di si t’i bëjë gjërat” - kujtoi xhaxhi Piteri. “Ai është i plotfuqishëm dhe Ai njih gjithçka!”.

“A u martuan?” - pyeti Karola.

“Po, u martuan” - u përgjigj xhaxhi Piteri. “Ky ishte plani i përsosur i Perëndisë për Adamin dhe Evën. Ata kishin miqësi të përsosur me njëri-tjetrin dhe me Perëndinë. Perëndia madje shkonte dhe fliste me ta në kopsht, dhe Ai u dha punën më të rëndësishme në tokë: të ishin sunduesit e çdo gjëje që bëri Ai”.

Le të shohim në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

Zanafilla 2:23 - “Dhe njeriu tha: ‘Kjo së fundi është kocka e kockave të mia dhe mishi i mishit tim. Ajo do të quhet grua sepse është nxjerrë nga burri’”.

Le të mendojmë

Përgjigju këtyre pyetjeve dhe tregoja mësuesit.

1. A kishte sëmundje në fillim? Po / Jo.
2. A ishte moti i përsosur në fillim? Po / Jo.
3. Nga çfarë e bëri Perëndia Evën?
a. Nga pluhuri; b. Nga asgjëja; c. Nga brinja e Adamit.
4. A i bëri Perëndia Adamin dhe Evën të përsosur? Po / Jo.
5. A u martuan Adami dhe Eva? Po / Jo.

Mësime nga Fjala e Perëndisë




Zanafilla 2:18-25

Perëndia e vuri Adamin si zotëronjës mbi çdo kafshë, kështu që Perëndia i dha Adamit përgjegjësinë për t'u vënë emra. Perëndia krijoi njeriun shumë ndryshe nga kafshët. Kafshët nuk u krijuan sipas shëmbëlltyrës së Perëndisë, kështu që ata nuk mund të njihnin, donin dhe bindeshin Perëndisë si njeriu.

Adami kishte nevojë për dikë me të cilin mund të fliste dhe të qëndronte. Asnjë kafshë nuk mund t'i plotësonte këtë nevojë. Ngaqë Perëndia e donte Adamin dhe dëshironte më të mirën për të, vendosi t'i bënte një shoqe. Vetëm Perëndia mund të bënte një shoqe për Adamin. Adami dhe Eva nuk ishin në siklet nga njëri-tjetri. Gjithçka që njihnin ishte e mirë dhe ata nuk kishin turp. Perëndia bëri Evën për Adamin në mënyrë që të martoheshin, të jetonin së bashku dhe të kishin fëmijë. Martesa është e mirë, sepse Perëndia e krijoi martesën. Fëmijët dhe familjet janë shumë të veçantë për Perëndinë; ishte ideja e Perëndisë për burrin dhe gruan të kishin fëmijë.

Perëndia bëri vetëm një burrë, Adamin, nga toka dhe vetëm një grua, Evën, nga brinja e Admit. Perëndia u tha atyre të kishin fëmijë në mënyrë që mbarë bota të mbushej një ditë me njerëz. Adami është paraardhësi i tërë njerëzve në çdo vend, i çdo kombësie: njerëz të çdo race, ngjyre dhe gjuhe. Çdo person rrjedh nga ky njeri i parë, Adami.





Plotëso këtë aktivitet dhe tregoja mësuesit.

Vendosi këto pjesë të vargut në rendin e tyre të duhur. Mund ta shkruash tërë vargun apo të vendosësh numra.

- _____ Ajo do të quhet grua
- _____ “Kjo së fundi është kocka e kockave të mia
- _____ Sepse është nxjerrë nga burri”.
- _____ Dhe njeriu tha:
- _____ Dhe mishi i mishit tim.

Karta Awana 9 e përfunduar

Firma e mësuesit _____

Data _____

Pyetje, pyetje, pyetje!



Koha e historisë

Karola dhe Xhoni panë xhaxhi Piterin të ulur në oborrin e tij dhe iu afruan për të folur me të.

“Xhaxhi Piter, a të thashë se sa e gëzuar jam që more shtëpi afër nesh?” - tha Karola.

“Po, më the Karola, dhe unë jam i gëzuar që u shpërngula këtu” - u përgjigj xhaxhi Piteri.

“Më pëlqen shumë që flas me ty dhe Xhonin për Biblën”.

“Kjo është një prej arsyeve se përse jam kaq e gëzuar që erdhe kaq afër nesh, xhaxhi Piter” - tha Karola. “Pasi na flet për një histori në Bibël, unë me Xhonin kthehemi në shtëpi dhe mendojmë për pyetjet e shumta që kemi për atë që thotë Bibla, por meqë ti jeton afër nesh, ne thjesht mund të vijmë në çdo kohë dhe të t'i bëjmë ty pyetjet”.

“Jam i gëzuar që mund t'ju ndihmoj ty dhe Xhonin për të gjetur përgjigjet për pyetjet tuaja” - tha xhaxhi Piteri.

“Kur të kurseni para të mjaftueshme për të blerë Biblën tuaj, do të jeni në gjendje t'i gjeni vetë përgjigjet e disa prej pyetjeve”.

“Ne po pyesim veten,” - tha Xhoni, - “se ku ndodhet ky kopsht i bukur i Edenit dhe kush po kujdeset tani për të?”.

“Këto janë pyetje me vend, Xhon,” - tha xhaxhi Piteri, - “por së pari dua t'ju pyes ty dhe Karolën për disa nga historitë e Biblës për të cilat kemi folur. Është e rëndësishme që ju të kuptoni gjërat për të cilat kemi folur deri tani, para se t'ju tregoj se çfarë i ndodhi kopshtit të Edenit”.

“E di” - tha Xhoni i gëzuar. “Le ta bëjmë si lojë! Ti bëj pyetje, xhaxhi Piter, dhe do të shohim se kush do t'u përgjigjet më shumë pyetjeve, Karola apo unë”.

“Kjo është ide e shkëlqyer, Xhon” - tha Karola. “Mendoj se do të jetë qejf të shohim se sa nga gjërat që na ka mësuar xhaxhi Piteri nga Bibla kujtojmë”.

“Në rregull” - pranoi xhaxhi Piteri. “Bëhuni gati për shumë pyetje. Ngrini dorën nëse dini përgjigjen. Ai që e ngre dorën i pari ka mundësinë të përgjigjet i pari”.

Le të mendojmë

Pyetje:

Bibla: Perëndia na dha Biblën, sepse Ai dëshiron që të komunikojë me ne. Ai dëshiron që ta njohim Atë dhe që të dimë se si të jetojmë.

1. Kush është autori i Biblës? **Perëndia**
2. Kë përdori Perëndia për të shkruar Biblën? **Ai përdori mbi 40 vetë, të gjithë judenj përveç njërit.**
3. Për kë është shkruar Bibla? **Për çdo njeri në tërë botën.**
4. A ka ndryshuar Bibla gjatë viteve që kur është shkruar? **Jo, Bibla nuk ka ndryshuar dhe nuk do të ndryshojë.**
5. Për sa vjet është shkruar Fjala e Perëndisë? **1500 vjet.**

Perëndia: Perëndia është sovran. Perëndia është më i madh se të gjithë dhe më i rëndësishëm se të gjithë; Ai është autoriteti më i lartë.

1. A ka Perëndia një trup fizik? **Jo, Ai është Frymë dhe nuk ka mish dhe kocka si ne.**
2. A ka pasur ndonjë kohë kur Perëndia nuk ka ekzistuar? **Jo.**
3. A ndryshon Perëndia ose a mund të vdesë? **Jo, Perëndia është gjithmonë i njëjti. Ai nuk mund të vdesë kurrë, sepse është i përjetshëm.**
4. Ne kemi nevojë për ushqim, ujë, ajër, tokën për të ecur dhe diellin për të na ngrohur, por për çfarë ka nevojë Perëndia? **Perëndia nuk ka nevojë për diçka.**
5. Ku është Perëndia? **Perëndia është kudo në çdo kohë.**
6. Sa perëndi ka? **Ka vetëm një Perëndi.**
7. Kush janë tre personat e Trinisë? **Perëndia Atë, Perëndia Bir dhe Perëndia Frymë e Shenjtë.**
8. Çfarë përdori Perëndia për të bërë qiejt dhe tokën? **Perëndia nuk përdori asgjë. Ai e bëri gjithçka nga hiçi.**
9. Si krijoi Perëndia gjithçka? Duke folur dhe i duke urdhëruar gjërat që të shfaqen. Nuk ka asgjë që Ai nuk mund ta bëjë. Ai di gjithçka dhe ka fuqi të bëjë çdo gjë.
10. Çfarë tha Perëndia për gjithçka që kishte bërë? **Ai tha që gjithçka ishte e mirë.**
11. Pse e bëri Perëndia gjithçka të përsosur? **Sepse Ai është i përsosur.**
12. Pse përgatiti Perëndia kaq larmi dhe bukuri dhe bëri aq shumë gjëra të mira në tokë për njeriun? **Sepse Perëndia është i dashur dhe i mirë.**
13. Pse Perëndia është me të drejtë zotëruesi i çdo gjëje? **Sepse Ai krijoi çdo gjë dhe i dha jetë çdo gjëje.**
14. Pse Perëndia ka të drejtën për të kërkuar bindje nga ne? **Sepse Ai është Krijuesi dhe zotëruesi ynë.**

Engjëjt dhe Satani:

1. Nga erdhën të gjitha frymërat? **Ato u krijuan nga Perëndia.**
2. A i krijoi Perëndia frymërat me trupa prej mishi dhe kockash? **Jo.**
3. A i krijoi Perëndia tërë frymërat të mira apo i krijoi disa të mira e disa të këqija? **Perëndia i krijoi të gjitha të mira.**
4. Pse i krijoi Perëndia frymërat? **Për të qenë shërbëtorët e Tij.**
5. Ku jetonin ata në fillim kur Perëndia i krijoi? **Me Perëndinë në qiell.**
6. A është secila prej frymërave kudo në të njëjtën kohë si Perëndia? **Jo, ka frymëra në mbarë botën, por ato nuk mund të jenë kudo në të njëjtën kohë si Perëndia.**
7. Kush ishte engjëlli më i zgjuar dhe më i bukur i krijuar nga Perëndia? **Luciferi.**
8. Çfarë pozicioni i dha Perëndia Luciferit? **Drejtimin mbi tërë engjëjt e tjerë.**
9. Kujt duhet t'i shërbente dhe t'i bindej Luciferi? **Perëndisë, Krijuesit të tij.**
10. Çfarë planifikoi të bënte Luciferi? **Ai planifikoi të ishte si Perëndia dhe të zinte pozicionin e Perëndisë.**
11. Kush tjetër e ndoqi Luciferin në rebelimin e tij kundër Perëndisë? **Shumë nga engjëjt.**
12. Çfarë bëri Perëndia për rebelimin e tyre? **Perëndia e hoqi Luciferin dhe engjëjt që u bashkuan me të në rebelim nga pozicioni i tyre si shërbëtorë të Perëndisë.**
13. Cili është emri i Luciferit tani dhe çfarë do të thotë ai emër? **Satani, që do të thotë armik, kundërshtar dhe paditës.**
14. Çfarë vendi ndëshkimi përgatiti Perëndia për Satanin dhe demonët e tij? **Liqenin e zjarrit, si vendin e tyre të ardhshëm të ndëshkimit.**
15. Kundër kujt është Satani? **Kundër Perëndisë dhe gjithçkaje që do Ai.**

Njeriu: Perëndia nuk i krijoi njësoj njeriun dhe kafshët. Kishte një ndryshim të madh ndërmjet tyre! Perëndia e bëri njeriun sipas shëmbëlltyrës së Tij. Kjo do të thotë që Perëndia e bëri njeriun si vetja: me mendje në mënyrë që njeriu të mund të njihte Perëndinë, me emocione në mënyrë që njeriu të donte Perëndinë dhe me vullnet në mënyrë që njeriu të mund të zgjidhte t'i bindej Perëndisë.

1. A ishte njeriu i mirë apo i keq kur Perëndia e krijoi? **Njeriu ishte i mirë.**
2. Pasi u krijua njeriu i parë, Adami, mbi kë i dha kontroll Perëndia? **Mbi tokën dhe gjithçka që kishte në të.**
3. Ku e vendosi Perëndia Adamin pasi e krijoi? **Në një kopsht të bukur, të quajtur Eden, të cilin vetë Perëndia e përgatiti për Adamin.**
4. Cilat ishin dy pemët shumë të rëndësishme që Perëndia i vendosi në kopshtin e Edenit? **Pemën e jetës dhe pemën e njohjes të së mirës e të së keqes.**
5. Për cilën frutë i tha Perëndia Adamit se do të vdiste nëse do ta hante? **Nga pema**

e njohjes të së mirës e të së keqes.

6. Çfarë nënkuptonte Perëndia kur tha që njeriu do të vdiste? **Njeriu do të ndahej menjëherë nga Perëndia: nuk do të ishin më miq. Ai nuk do të jetonte përgjithmonë: një ditë ai do të vdiste dhe do të shkonte përfundimisht në të njëjtin ndëshkim të tmerrshëm, në liqenin e zjarrit, të cilin Perëndia e përgatiti për Satanin dhe ndjekësit e tij.**
7. Kë krijoi Perëndia për Adamin pasi e vuri atë në kopshtin e Edenit? **Perëndia krijoi Evën.**
8. Pse e krijoi Perëndia Evën? **Perëndia e donte Adamin dhe nuk donte që Ai të ishte vetëm. Meqë asnjë kafshë nuk do të ishte një shoqëri e mirë për të, Perëndia bëri dikë të veçantë për Adamin. Gjithashtu Perëndia donte që njeriu të kishte fëmijë.**

Përko referencën me vargun e saktë.

1. 2 Timoteut 3:16a; 2. Psalmi 90:2; 3. Gjoni 1:3; 4. 1 Kronikave 29:11a
5. Hebrenjve 11:3; 6. Zanafilla 1:1; 7. Zanafilla 1:27; 8. Psalmi 24:1;
9. Zanafilla 2:23

- _____ Dhe njeriu tha: “Kjo së fundi është kocka e kockave të mia dhe mishi i mishit tim. Ajo do të quhet grua sepse është nxjerrë nga burri”.
- _____ Në fillim Perëndia krijoi qiejt dhe tokën.
- _____ Kështu Perëndia krijoi njeriun simbas shëmbëlltyrës së vet, simbas shëmbëlltyrës së Perëndisë; Ai krijoi mashkullin e femrën.
- _____ Para se të kishin lindur malet dhe para se ti të kishe formuar tokën dhe botën, madje nga mot dhe përjetë ti je Perëndia.
- _____ Të gjitha gjërat u bënë me anë të tij (fjala), dhe pa atë nuk u bë asnjë nga ato që u bënë.
- _____ Zotit i përket toka dhe të gjitha gjërat që janë mbi të, bota dhe banorët e saj.
- _____ Jotja, o Zot, është madhështia, fuqia, lavdia, shkëlqimi, madhëria.
- _____ I gjithë Shkrimi është i frymëzuar nga Perëndia.
- _____ Me anë të besimit ne kuptojmë se bota është ndërtuar me fjalën e Perëndisë, sa që ato që shihen nuk u bënë prej gjërave që shihen.

Karta Awana 10 e përfunduar

Firma e mësuesit _____

Data _____

Adami dhe Eva nuk i binden Perëndisë

Koha e historisë



“Nuk arrij ta besoj atë që dëgjova” - thirri Xhoni.

“Çfarë Xhon?” - pyeti Karola.

“Një mikun tim e arrestuan sot në qytet” - u përgjigj Xhoni. “Ai gjithmonë bën gjëra të çmendura dhe vjedh ndonjëherë. Këtë herë e kapën duke vjedhur te shtëpia e një polici. A mund ta besosh këtë?”.

“A do të shkojë në burg?” - pyeti Karola.

“Nuk e di,” - u përgjigj Xhoni, “por ai e dinte se ajo që po bënte ishte e gabuar dhe se mund të futej në telashe të mëdha po të vidhte. Ai tha se e shtyu djalli të bënte një gjë të tillë”.

“Kjo është qesharake” - tha Karola. “Kush do të donte të ndiqte djallin? Unë me siguri që jo!”.

“As unë” - pranoi Xhoni.

Xhaxhi Piteri, i cili po dëgjonte Xhonin dhe Karolën, tha: “A do të çuditësit po t’ju thoja se shumica e njerëzve që e ndjekin djallin nuk planifikojnë ta ndjekin? Satani është shumë i zgjuar. Por ai shpesh e ndryshon veten, në mënyrë që njerëzit të mos e kuptojnë që është ai”.

“Por, a nuk është gjithçka rreth djallit e keqe?” - pyeti Karola.

“Po,” - u përgjigj xhaxhai, “por ai shpesh bën që të duket shumë i mirë dhe njerëzit mashtrohen”.

“Nuk besoj se djalli do të më mashtronte mua!” - pohoi Xhoni me krenari.

“Bën mirë të mos flasësh kaq shpejt, Xhon” - paralajmëroi xhaxhi Piteri. “Emri Satan, një emër tjetër i djallit, do të thotë mashtrohet, dinak. Kujto Adamin dhe Evën, burrin dhe gruan e përsosur që krijoi Perëndia? Satani shkoi edhe tek ata”.

“Do të thuash që shkoi në kopsht?” - pyeti Karola.

“Po, shkoi” - u përgjigj xhaxhi Piteri i trishtuar. “Te Zanafilla 3 na tregohet gjithçka për këtë. Xhon, miku yt tha se djalli e ‘shtyu’ të vidhte, por njerëzit jo vetëm që mashtrohen për të mos iu bindur Perëndisë, por ata gjithashtu zgjedhin që të mos i binden Atij”.

“A u mashtroa Adami apo zgjodhi që të mos bindej?” - pyeti Xhoni.

“Adami nuk u mashtroa,” - u përgjigj xhaxhi Piteri, - “ai zgjodhi të mos bindej. Bibla thotë se Eva u mashtroa, por jo Adami. Ai e dinte se çfarë po bënte dhe se do të futej edhe në telashe! Le ta lexojmë tërë historinë te Zanafilla 3”.

Le të shohim në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

Psalmi 119:160 - “Shuma e fjalës sate është e vërteta; dhe të gjitha dekretet e tua të drejta qëndrojnë përjetë”.

Shuma: E tërë

Të drejta: Tërësisht të mira

Dekretet: Ligjet

Qëndrojnë përjetë: zgjasin përgjithmonë



Le të mendojmë

Përgjigju këtyre pyetjeve dhe tregoja mësuesit.

1. Çfarë bëri shoku i Xhonit?
a. U largua; b. Vodhi; c. Kopjoi.
2. A tha shoku i Xhonit: “Djali më shtyu që ta bëj”? Po / Jo.
3. Si e ka ndryshe emrin Djalli?
A. Adam; b. Eden; c. Satan.
4. A do të thotë “mashtrules” emri i Satanit? Po / Jo.
5. A zgjedhin disa njerëz të ndjekin Satanin? Po / Jo.

Mësime nga Fjala e Perëndisë



Zanafilla 3:1-8

Jeta në kopshtin e Edenit ishte e kënaqshme për Adamin dhe Evën; gjithçka ishte e përsosur. Perëndia ishte miku i tyre; Ai i donte ata dhe u dha atyre gjithçka që kishin nevojë. Ata ishin shumë të lumtur.

Satani e dinte paralajmërimin e Perëndisë ndaj Adamit rreth pemës së njohjes të së mirës e të së keqes. Satani, ngaqë urren Perëndinë, dëshironte të shkatërronte burrin e gruan që Perëndia kishte bërë dhe që i donte. Kështu Satani planifikoi të mashtronte Evën.


Satani nuk donte që Eva të kuptonte që ishte ai, kështu që u maskua si gjarpër në mënyrë që ta mashtronte. Eva nuk kishte frikë nga gjarpri, sepse në kopsht kafshët ishin të gjitha miqësore. Gjarpri (Satani) pyeti Evën nëse Perëndia kishte thënë me të vërtetë që ata nuk mund të hanin nga çdo pemë në kopsht (Zanafilla 3:1). Eva tha që Perëndia u kishte thënë të hanin nga çdo pemë përveç njërës. Nëse hanin nga ajo pemë, ata do të vdisnin (Zanafilla 3:2-3). Por Satani i tha asaj se ajo nuk do të vdiste; ajo do të bëhej si Perëndia dhe do të ishte e zgjuar. Ajo do të njihje të mirën dhe të keqen (Zanafilla 3:4-5).

Satani po e quante Perëndinë gënjeshtar, por vetë Satani është gënjeshtar. Perëndia nuk gënjen! Satani nuk i ishte bindur autoritetit të Perëndisë dhe donte që edhe Eva të mos i bindej. Ai dëshiron që të gjithë të mos i binden dhe të shkojnë me të në vendin e ndëshkimit të përgjeshëm, Liqenin e Zjarrit.

Eva besoi që Satani po thoshte të vërtetën; ajo besoi se do të ishte e zgjuar si Perëndia nëse **hante nga pema e njohjes të së mirës e të së keqes**.

Eva hëngri frutin nga pema dhe i dha edhe Adamit. Ata të dy zgjodhën të hanin nga pema që Perëndia u kishte thënë të mos e hanin. Të dy e dinin se Perëndia kishte thënë që nëse hanin nga pema, ata do të vdisnin me siguri (do të ndaheshin nga Perëndia). Menjëherë ata njohën të mirën dhe të keqen dhe u vunë në siklet nga trupat e tyre të zhveshur. Ata mbuluan trupat e tyre me gjethe fiku në mënyrë që Perëndia të mos shikonte trupat e tyre.

Për herë të parë ata kishin frikë nga Perëndia dhe nga ajo që mund të bënte. Perëndia u kishte thënë tashmë atyre se çfarë do të ndodhte nëse hanin nga pema e njohjes të së mirës e të së keqes; dhe ata e dinin që Perëndia e mban Fjalën e Tij. Ai nuk e ndryshon mendjen.





Plotëso këtë aktivitet dhe tregoja mësuesit.

Shëno se cilat nga këto karakteristika janë të Perëndisë dhe cilat të Satanit.

1. Perëndia

2. Satani

- ___ Ai ka gjithmonë të drejtë.
- ___ Ai është gënjeshtar dhe mashtrues.
- ___ Ai është i përsosur.
- ___ Ai urren Perëndinë dhe njeriun.
- ___ Ai e do njeriun.

Karta Awana 11 e përfunduar

Firma e mësuesit _____

Data _____

Mallkimi dhe premtimi i Perëndisë



Koha e historisë

“Si është puna, fëmijë?” - pyeti xhaxhi Piteri. “Dukeni sikur keni humbur diçka”.

Xhoni dhe Karola i shpjeguan xhaxhi Piterit se çfarë kishte ndodhur. Ata i kishin thënë vëllait të tyre më të vogël dhe mikut të tij që të qëndronin larg bojës që po përdorte Xhoni, sepse mund të binte mbi ta dhe të prishte rrobat e tyre. Kur Xhoni u largua për pak minuta, ata nuk iu bindën dhe u bënë me bojë anembanë. Dy djemtë e vegjël nuk e dinin që Xhoni i kishte parë, ndaj u larguan dhe u fshehën në mënyrë që askush të mos i shikonte bluzat e tyre dhe të mësonte që e kishin bërë ata. Xhoni e pa se ku u fshehën, por i thirri për të parë nëse do të dilnin dhe do t'i thonin atij se çfarë kishin bërë. Djemtë nuk po dilnin nga vendi ku ishin fshehur.

“Xhoni nuk e di se çfarë duhet të bëjë më pas” - pohoi Karola. “A duhet të shkojë t'i nxjerrë apo të presë derisa të dalin vetë?”.

“Shiko, kjo ngjan shumë me atë që i ndodhi Adamit dhe Evës në Bibël” - tha xhaxhi Piteri. “Pasi Adami dhe Eva hëngrën nga pema e njohjes të së mirës e të së keqes, ata e dinin që kishin bërë gabim dhe u përpoqën t'i fshiheshin Perëndisë. Por ngaqë Perëndia shikon gjithçka, Ai pa gjithçka që bënë dhe kudo ku shkuan. Ai madje e thirri Adamin me emër, ashtu si Xhoni thirri vëllanë, për të parë nëse Adami dhe Eva do të dilnin nga vendi i fshehtë dhe do të pranonin që kishin gabuar që i kishin besuar Satanit në vend të Tij”.

“A u përgjigjën ata kur i thirri Perëndia?” - pyeti Xhoni.

“Po,” - u përgjigj xhaxhi Piteri, - “por kishin frikë nga Perëndia, sepse nuk i ishin bindur Atij. Adami dhe Eva kishin arsye për të pasur frikë! Ata e dinin që kishin vepruar gabim dhe e dinin se çfarë u kishte thënë Perëndia se do të ndodhte nëse nuk do t'i bindeshin Atij. Ndaj, në vend që të thoshin që e kishin gabim, Adami fajësoi Evën që i dha frutën nga pema”.

“Atëherë, a i dënoi Perëndia,” - pyeti Karola, - “apo thjesht i paralajmëroi që të mos e bënin përsëri?”.

“Perëndia di gjithçka dhe nuk do të lejojë asnjë që t'i shpëtojë ndëshkimit duke fajësuar dikë tjetër” - tha xhaxhi Piteri. “Jo vetëm që Adami dhe Eva u ndëshkuan, por Perëndia e dinte që ishte Satani që foli përmes gjarprit për të tunduar Evën. Kështu që edhe ai u ndëshkua!”.

Xhoni u mendua për një çast dhe pastaj tha: “Mendoj se duhet të shkoj e të nxjerr vëllanë e vogël dhe të flas me të dhe shokun e tij. Nuk mendoj se janë aq të vegjël sa të mos nxjerrin një mësim nga Adami dhe Eva!”.

Le të shohim në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

Hebrenjve 4:13 - “Dhe nuk ka asnjë krijesë që të jetë e fshehur para tij, por të gjitha janë lakuriq dhe të zbuluara para syve të Atij, të cilit ne do t’i japim llogari”.

Krijesë: Gjë e gjallë **Lakuriq:** Të zbuluar
Japim llogari: Do t’i përgjigjemi

Le të mendojmë

Përgjigju këtyre pyetjeve dhe tregoja mësuesit.

1. Pse u fshehën Adami dhe Eva nga Perëndia?
a. Për qejf; b. Kishin frikë, sepse nuk iu bindën Atij; c. Ata donin të flinin.
2. A mund të fshihet dikush nga Perëndia? Po / Jo.
3. Kë fajësoi Adami për mosbindjen ndaj Perëndisë?
a. Gjarprin; b. Perëndinë; c. Evën.
4. Kë fajësoi Eva për mosbindjen ndaj Perëndisë?
a. Perëndinë; b. Gjarprin; c. Adamin.
5. A e dinte Eva që ishte Satani ai që foli përmes gjarprit? Po / Jo.

Mësime nga Fjala e Perëndisë



Zanafilla 3:9-20

Perëndia njeh gjithçka dhe do të ndëshkojë çdo mëkat! Perëndia njeh gjithçka që mendojnë dhe planifikojnë të bëjnë Satani dhe frymërat e tij të këqija. Perëndia do të ndëshkojë Satanin dhe tërë ndjekësit e tij për tërë veprat e tyre të këqija dhe mosbindjen e tyre të tmerrshme ndaj Perëndisë.

Sapo Adami dhe Eva nuk iu bindën Perëndisë dhe ndoqën këshillën e Satanit, ata u ndanë nga Perëndia dhe u kontrolluan nga Satani. Ata nuk ishin më bijtë e Perëndisë. Ata ishin bijtë e Satanit. Satani u bë perëndia i kësaj bote. Këtë donte Satani; ai mendoi se e kishte mundur Perëndinë dhe do të kishte kontrollin e botës dhe tërë njerëzve përgjithmonë.

Por askush nuk mund të fitojë kundër Perëndisë: Ai është Krijuesi shumë i lartë. Meqë Perëndia e donte aq shumë Adamin dhe Evën, premtoi që do të dërgonte një **çlirimtar** që do të mundte Satanin dhe do të shpëtonte njerëzimin nga pushteti i tij. **Çlirimtar është dikush që na shpëton apo çliron: çlirimtari na bën të lirë.** Perëndia planifikoi që Çlirimtari i premtuar do të ishte djalë i një virgjëreshe, e cila nuk ishte martuar apo nuk kishte jetuar kurrë me një burrë. Ky çlirimtar do t'i shtypte një ditë kokën Satanit (Zanafilla 3:15)!

Ne shohim gjithashtu që Perëndia është **plot hir dhe i mëshirshëm. Hiri është mirësia e Perëndisë ndaj mëkatarëve që nuk e meritojnë** (njerëz që bëjnë gjëra të këqija apo të liga). **Mëshira është rruga e Perëndisë (përmes një çlirimtari) që mëkatarët të shpëtojnë nga ndëshkimi që meritojnë!**

Çlirimtari nuk do të vinte shumë shpejt. Adami dhe Eva duhet të ndëshkoheshin tani. Perëndia i foli Evës dhe i tha asaj që për shkak se nuk iu bind Atij, ajo dhe tërë nënat e ardhshme do të vuanin në lindje dhe burri i saj do ta sundonte. Ndëshkimi i Adamit ishte që toka do të mallkohej dhe do të kishte barëra të këqinj e gjemba. Ai duhet të punonte shumë për të siguruar ushqimin për familjen e tij. Ngaqë Adami mëkatoi, Perëndia i tha atij dhe Evës që trupat e tyre do të vdisnin një ditë dhe do të ktheheshin në dhe. Meqë Adami është njeriu i parë, tërë njerëzit në çdo vend janë pasardhës të Adamit dhe do të vdesin si ai. Adami dhe Eva nuk kishin se çfarë t'i thoshin Perëndisë për atë që kishin bërë. Pa Çlirimtarin edhe ne, si pasardhës të Adamit, do t'i përgjigjemi Perëndisë për gjithçka që kemi menduar dhe bërë në jetët tona.



Plotëso këtë aktivitet dhe tregoja mësuesit.

IHR _ _ _

Me shkronjat e ngatërruara më poshtë formo fjalën që do të thotë:

**MIRËSIA E PAMERITUAR E
PERËNDISË.**

ARLÇRIMIT

Me shkronjat e ngatërruara më poshtë formo fjalën që do të thotë:

DIKUSH QË NA SHPËTON.

Karta Awana 12 e përfunduar

Firma e mësuesit _____

Data _____

Parashikimi dhe gjykimi i Perëndisë



Koha e historisë

Xhaxhi Piteri po shikonte Karolën që po nderte rrobat pas shtëpisë së saj kur i tha: “Me sa duket boja nuk ka dalë nga bluzat e Tomit”.

“Ke të drejtë” - pranoi Karola. “Nuk mund ta besoj se çfarë bëri vëllai im i vogël! Ai me shokun e tij u përpoqën t’i hiqte vetë bojërat, në vend që të kërkonin ndihmë. Kjo gjë vetëm sa e përhapoi bojën më shumë dhe tani bluza nuk bën më. Nëse do të kishte ardhur te ne, do të mund ta hiqnim bojën”.

“Shiko, Karola,” - tha xhaxhai i saj, - “ndonjëherë të gjithë duhet të sjellim ndër mend që ka disa gjëra që nuk mund t’i bëjmë dot për veten. Kemi nevojë për ndihmë. Kujto disa raste kur ti dhe Xhoni kishit të njëjtat probleme”.

“Për shembull?” - pyeti Xhoni ndërsa po i afrohej xhaxhi Piterit nga pas.

“Unë po mendoja për problemin tonë të mëkatit, Xhon” - u përgjigj xhaxhi Piteri. “Mëkatet janë ato gjëra të këqija që bëjmë, dhe kujtoj shumë raste kur ti dhe Karola nuk bindeshit dhe pastaj përpiqeshit të mbulonit atë që kishit bërë gabim, apo të rregullonit atë që kishit thyer. Nuk funksionoi me prindërit tuaj; as Perëndia nuk do të pranojë asnjë gjë që do të përpiqemi të bëjmë vetë për të zgjidhur çështjen e mëkateve tona”.

“Ashtu si Adami dhe Eva bënë kur u përpoqën të mbulonin trupat e tyre me gjethe fiku?” - pyeti Karola.

“Ke të drejtë” - pranoi xhaxhi Piteri. “Perëndia refuzoi t’i pranonte veshjet që bëri Adami dhe Eva. Ai donte t’i mësonte ata që qysh në çastin kur mëkatuan, nuk mund të bënin asgjë për të qenë të pranueshëm para Perëndisë. Idetë e njeriut nuk janë të mira. Perëndia pranon vetëm atë që bëhet sipas mënyrës së Tij”.

“Atëherë, çfarë donte Perëndia që të vishnin ata?” - pyeti Xhoni. “Atje nuk kishte vend për të blerë roba”.

“Jo, nuk kishte,” - u përgjigj xhaxhi Piteri, - “por Perëndia kishte tashmë një plan për të siguruar veshje për fajtorët: për Adamin dhe Evën. Perëndia vrau një kafshë. Ishte vdekja e parë në botë e shkaktuar nga mëkati. Gjaku i kafshës u derdh, pastaj Perëndia mori lëkurën e kafshës, bëri roba me lëkurën e saj dhe veshi me të Adamin dhe Evën. Perëndia e bëri këtë gjë për Adamin dhe Evën, edhe pse ata nuk e meritonin”.

“Pse nuk u tha Perëndia që t’i bënin vetë rrobat?” - pyeti Karola.

“Ata tashmë ishin përpjekur me gjethe e fikut” - kujtoi xhaxhi Piteri. “Vetëm Perëndia mund t’u siguronte roba që i bënin të pranueshëm para Tij”.

“Ata duhet të kenë qenë të trishtuar kur kanë parë një nga kafshët e tyre të vdiste në mënyrë që të kishin roba” - tha Karola e trishtuar.

“Po, me siguri kanë qenë,” - pranoi xhaxhi Piteri, - “por Perëndia po u kujtonte Adamit dhe Evës që mosbindja ndaj Tij solli vdekjen në botë”.

Le të shohim në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

Romakëve 5:12 - “Prandaj, ashtu si me anë të një njeriu të vetëm mëkati hyri në botë dhe me anë të mëkatit vdekja, po ashtu vdekja u shtri tek të gjithë njerëzit, sepse të gjithë mëkatuan”.

Mëkat: Gjëra të këqija, të liga

Vdekje: Ndarje përgjithmonë nga Perëndia

Le të mendojmë

Përgjigju këtyre pyetjeve dhe tregoja mësuesit.

1. A janë mëkat gjërat e këqija që bëjmë? Po / Jo.
2. A i pëlqeu Perëndia rrobat që bënë Adami dhe Eva? Po / Jo.
3. Çfarë përdori Perëndia për të bërë rroba për Adamin dhe Evën?
a. Copë; b. Gjethe; c. Lëkurë kafshësh.
4. Nga se u shkaktua vdekja e parë në botë? a. Aksident; b. Mëkati; c. Sëmundja.
5. A është vdekja ndëshkimi për mosbindjen ndaj Perëndisë? Po / Jo.


Mësime nga Fjala e Perëndisë



Zanafilla 3:21-24; 4:1-2

Kur Perëndia bëri Adamin dhe Evën, ata nuk dinin asgjë për të mirën apo për të keqen. Por kur nuk iu bindën Perëndisë, Krijuesit të tyre, ata zbuluan se jo gjithçka ishte e mirë. Satani kishte mashtruar Evën, por Adami dhe Eva duhet të kishin pasur besim te Perëndia. Perëndia u kishte dhënë atyre gjëra të mira për të ngrënë. Ata madje kishin mundësinë për të ngrënë nga pema e jetës dhe të jetonin përgjithmonë. Por ata zgjodhën të mos i bindeshin Perëndisë dhe të hanin nga pema e njohjes të së mirës dhe të së keqes: e vetmja pemë të cilën Perëndia i kishte ndaluar ta hanin. Tani, për shkak se nuk iu bindën Perëndisë, **Ai nuk do t'i lejonte të hanin nga pema e jetës.** Prandaj Perëndia nxorri Adamin dhe Evën, babain dhe nënën e të gjithëve ne, nga kopshti, larg pemës së jetës. Në lindje të kopshtit të Edenit Perëndia vuri disa nga engjëjt e Tij të mirë të quajtur kerubinë dhe një shpatë zjarri e cila vërvitej në çdo anë për t'u siguruar që Adami dhe Eva të mos ktheheshin dhe të hanin nga fruti i pemës së jetës. Tani ata do të plakeshin dhe do të vdisnin.

Kaini dhe Abeli, dy bijtë e Adamit dhe Evës, lindën jashtë kopshtit, larg pemës së jetës, sepse Adami, babai i tyre, ishte jashtë kopshtit. Kaini dhe Abeli lindën mëkatarë (dikush që bën gjëra të këqija), sepse babai i tyre, Adami, ishte mëkatar. Nëse Adami nuk do të kishte mëkatur, Kaini dhe Abeli do të kishin lindur me aftësinë për të njohur, dashur dhe bindur Perëndisë. Por ata lindën nën kontrollin e Satanit. Adami nuk ishte vetëm babai i Kainit dhe Abelit, por edhe babai i tërë njerëzve të lindur në tokë. Prandaj, për shkak se Adami nuk iu bind Perëndisë dhe u nda prej Tij, tërë njerëzit në këtë botë kanë lindur mëkatarë, të ndarë nga Perëndia, por me Satanin si atin e tyre. Kjo do të thotë që edhe pse Perëndia është Ai që u jep jetën tërë njerëzve, edhe ne, ashtu si Kaini dhe Abeli, nuk jemi në gjendje të njohim, duam dhe bindemi Perëndisë.






Plotëso këtë aktivitet dhe tregoja mësuesit.

Vendos shkronjat që mungojnë për të plotësuar Romakëve 5:12

Pr _____ aj, _____ si _____ të _____
 _____ të _____ m _____
 _____ në b _____ dhe me _____ të mëk _____ t v _____
 _____, po ash _____ v _____ u _____ tek _____
 _____ nj _____ t, sepse _____ gj _____
 m _____ k _____ t _____.



Karta Awana 13 e përfunduar

Firma e mësuesit _____

Data _____

Kaini dhe Abeli



Koha e historisë

“Përshëndetje, Karola. Përshëndetje, Xhon” - përshëndeti xhaxhi Piteri. “Dukeni shumë të lumtur. Si është puna?”.

“Kemi një surprizë për mamin!” - tha Karola. “Do të gëzohet shumë!”.

“Keni ujitur kopshtin?” - pyeti xhaxhi Piteri.

“Jo,” - u përgjigj Xhoni, - “bëmë diçka më të mirë se kjo! Pastruam oborrin”.

“A i mban mend ato lulet që kishte në dorë kur ishte ulur me ne në verandë?” - pyeti Karola. “Atëherë, ne i mbollëm përreth shtëpisë. A nuk duken fantastike! Mamaja do të jetë me të vërtetë e habitur! Mezi po pres të shoh fytyrën e saj”.

“Fëmijë,” - tha xhaxhi Piteri, - “erdha t’ju takoj sepse, para se të shkonte për të bërë pazarin, mamaja juaj më kërkoi që të vija dhe të shikoja nëse po ujisnit kopshtin”.

“Oh, e dimë që ajo na tha të bënim këtë,” - tha Xhoni, - “por bimët nuk ishin fishkur akoma. Pamë që kopshti ishte rrëmujë dhe filluam ta pastronim”.

“Dhe mendova se ajo do të ishte vërtetë e lumtur po t’i shikonte ato lulet të mbjella këtu përreth” - shtoi Karola. “Asaj i pëlqejnë gjërat e bukura”.

“Fëmijë, më vjen keq t’ju prish qejfin,” - tha xhaxhi Piteri i trishtuar, - “por a nuk mendoni se duhet të kishit ujitur kopshtin në fillim, ashtu siç ju kërkoi mamaja?”.

“Shiko, siç tha Xhoni,” - u përgjigj Karola, - “bimët nuk ishin aq të thara. Ato mund të prisnin edhe një ditë, ndaj ne bëmë diçka që menduam se asaj do t’i pëlqente më shumë. Dhe u kënaqëm më shumë”.

“E shikoj që jeni kënaqur” - tha xhaxhi Piteri. “Nuk mendoj se e keni kuptuar se çfarë keni bërë, por nuk i jeni bindur mamasë tuaj. Dhe ju nuk keni besuar me të vërtetë se ajo e ka pasur me tërë mend atë që ju ka thënë”.

“Por ne bëmë diçka vërtetë të mirë!” - thirri Xhoni.

“Xhon, Karola, kemi të bëjmë me diçka shumë serioze këtu” - tha xhaxhi Piteri. “Kush i jep udhëzimet në shtëpinë tuaj?”.

“Babi dhe mami” - u përgjigj Karola.

“A e dëgjove mamanë dhe a i besove asaj kur të tha se çfarë donte që të bëje?” - pyeti xhaxhai i saj.

“Jo,” - u përgjigj Karola, - “por ne e ndihmuam atë në një mënyrë tjetër, duke pastruar kopshtin dhe duke mbjellë lulet”.

“Më vjen keq t’ju them,” - tha xhaxhi Piteri, - “por ju, jo vetëm nuk i jeni bindur asaj, por keni bërë diçka që nuk duhet ta kishit bërë. Mamaja juaj ju tha që ato lule duhet të mbilleshin rreth shtëpisë së gjyshes, jo tuajës”.

“Do të thuash që harxhova tërë atë kohë duke i mbjellë?” - tha Xhoni duke psherëtitur.

“Oh, Xhon,” - tha Karola, - “kemi bërë një gjë të gabuar! Më vjen keq!”.

“Fëmijë,” - i ndërpreu xhaxhai i tyre, - “besimi dhe bindja janë shumë të rëndësishme. Ju shkoni të ujisni kopshtin ndërsa unë do të shkuloj lulet. Pastaj dua që të shohim diçka në Bibël. Është historia e dy vëllezërve, Kainit dhe Abelit”.

Le të shohim në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

Fjalët e Urta 14:12 - “Është një rrugë që njeriut i duket e drejtë, por në fund ajo të nxjerr në rrugët e vdekjes”.

Le të mendojmë

Përgjigju këtyre pyetjeve dhe tregoja mësuesit.

1. A donte Xhoni dhe Karola ta bënin mamane të tyre të lumtur? Po / Jo.
2. Çfarë u kërkoi të bënin mamaja e Xhonit dhe Karolës?
a. Të mbillnin lule; b. Të pastronin oborrin; c. Të ujisnin kopshtin.
3. A do të ishte e lumtur mamaja e Xhonit dhe Karolës kur të shikonte lulet e mbjella?
Po / Jo.
4. A besuan dhe u bindën Xhoni dhe Karola mamasë së tyre? Po / Jo.
5. A i erdhi keq Xhonit që nuk u bind? Po / Jo.

Mësime nga Fjala e Perëndisë



Zanafilla 4:3-25

Pasi Adami dhe Eva u dëbuan nga kopshti i Edenit për shkak të mëkatit të tyre, nuk kishte mundësi që ata t'i afroreshin Perëndisë sipas mënyrës së tyre. Ata nuk mund t'i jepnin gjë Perëndisë për të paguar për mëkatet e tyre. As bijtë e tyre, Kaini dhe Abeli, të cilët kishin lindur me mëkat. Perëndia e urren mëkatin.

Ngaqë Perëndia i donte ata, Ai planifikoi një rrugë se si mund t'i afroreshin Atij. Ishte Perëndia që vendosi për këtë rrugë. Nuk ishte rruga e njeriut. Ata duhet të sillnin një dele si ofertë për Të. Ata duhet të therrnin kafshën në mënyrë të tillë që gjaku i kafshës të derdhej. Bibla thotë në mënyrë të qartë se gjaku duhet të derdhej për mëkatin. Gjaku i sakrificës për mëkatin ishte pjesë e planit të Perëndisë për çlirimin e njeriut nga mëkati, Satani dhe vdekja. Gjaku i kafshës nuk shlyente mëkatin e njeriut. Mëkati duhet të paguhej me anë të vdekjes së qenies njerëzore. Qengji ishte **një flijim zëvendësues: dikush që vdiste në vend të mëkatarit**.

Adami dhe Eva mësuan bijtë e tyre, Kainin dhe Abelin, rreth Perëndisë dhe se si të bënin flijime të pranueshme për Të. Një ditë Abeli solli një prej deleve më të mira para Perëndisë si ofertë. Abeli theri delen në mënyrë që të rridhte gjak, ashtu siç kishte thënë Perëndia. Abeli e bëri këtë, jo për të paguar për mëkatin e tij, por ngaqë ai pranoi para Perëndisë se ishte mëkatar. Ai i besonte asaj që Perëndia u tha prindërve të tij, Adamit dhe Evës, rreth dërgimit të një çlirimtari njerëzor që do të shkatërronte Satanin dhe do të shpëtonte njeriun nga pushteti i Satanit. Perëndia ishte shumë i lumtur me ofertën e Abelit, kështu që Ai fali Abelin për mëkatin e tij dhe e pranoi atë.



Vëllai i Abelit solli gjithashtu një ofertë para Perëndisë, por nuk ishte kafshë, ashtu siç i kishte udhëzuar Perëndia. Ishin gjëra të mira që ishin rritur në kopsht. Perëndia refuzoi Kainin dhe ofertën e tij, sepse ai iu afrua Perëndisë sipas mënyrës së tij, sipas ideve të tij dhe jo sipas mënyrës që kishte urdhëruar Perëndia. Perëndia shpjegoi se pse, por Kaini vetëm sa u zemërua. Ai nuk dëgjoi Perëndinë. Në vend të kësaj ai dëgjoi Satanin, u bë xheloz për vëllanë e tij, Abelin, dhe e vrau. Meqë Perëndia është kudo dhe njeh gjithçka, Ai pa Kainin që vrau Abelin. Kaini duhet të ndëshkohej. Përsëri Kaini nuk dëgjoi Perëndinë. Ai u largua nga Perëndia dhe ndoqi rrugët e Satanit.

Perëndia i dha Adamit dhe Evës një fëmijë tjetër, Sethin, në vend të Abelit. Sethi lindi gjithashtu me mëkat, por i besoi Perëndisë ashtu si Abeli. Perëndia planifikoi që Çlirimtari do të vinte tani nga pasardhja e Sethit. Megjithatë Satani do të vazhdonte planin e tij për të ndaluar Çlirimtarin që të mos vinte.



Plotëso këtë aktivitet dhe tregoja mësuesit.

Vendos pjesët e vargut siç duhet dhe shkruaje në vijat më poshtë ose vendos një numër për çdo pjesë të vargut.

___ por në fund ajo të nxjerr

___ Është një rrugë

___ në rrugët e vdekjes

___ që njeriut i duket

___ e drejtë

Fjalët e Urta 14:12

Karta Awana 14 e përfunduar

Firma e mësuesit _____

Data _____

Perëndia gjykon tërë botën

Koha e historisë



“Xhaxhi Piter, a e kujton atë shokun për të cilin të fola që kishte vjedhur te shtëpia e një polici?” - pyeti Xhoni.

“Po, e kujtoj” - u përgjigj xhaxhi Piteri.

“E di çfarë, e pashë sot” - tha Xhoni. “Ai nuk kishte nxjerrë ndonjë mësim nga arrestimi. Ai po mburrej sot se sa shumë gjëra kishte vjedhur dhe nuk ishte kapur”.

“Kam qenë duke pyetur veten” - tha Karola.

“Për çfarë, Karola” - pyeti xhaxhai i saj.

“Po sikur një person të mos kapet?” - pyeti Karola. “Dua të them, nëse vjedh diçka apo bën diçka të keqe, por askush nuk e di. Mendoj që nuk do të ndëshkohet kurrë, apo jo?”.

“Nuk është e vërtetë, Karola” - u përgjigj xhaxhi Piteri. “A kujton se çfarë ndodhi me Adamin dhe Evën kur u nxorën nga kopshti? A mund të futeshin në kopsht pa e marrë vesh Perëndia?”.

“Jo,” - tha Karola, - “Perëndia sheh gjithçka”.

“Ke të drejtë” - pranoi xhaxhi Piteri. “Perëndia shikon dhe do të ndëshkojë çdo mëkat. Ndëshkimi për mëkatin ishte vdekja për Adamin dhe Evën, ndëshkim i cili është i njëjtë edhe për ne sot”.

“Po mëkatet e vogla?” - pyeti Xhoni.

“Mëkati është mëkat” - u përgjigj xhaxhi Piteri. “Perëndia është i shenjtë. Ai nuk do të tolerojë mëkatin. Mëkati na ndan nga Perëndia. Ne të gjithë kemi lindur mëkatarë. Vetëm Perëndia mund të sigurojë një mënyrë se si njeriu mëkatar t’i afrohet Atij”.

“Xhaxhi Piter, kam një pyetje” - tha Karola. “Nëse mëkati është kaq i tmerrshëm dhe Perëndia do të gjykojë çdo mëkat, pse njerëzit vazhdojnë të mëkatojnë?”.

“Pyetje me vend” - tha xhaxhi Piteri. “Bibla na thotë që në fakt njerëzit duan më shumë mëkatin e tyre sesa Perëndinë. Ajo na thotë edhe që erdhi një kohë kur njerëzit u bënë aq mëkatarë, saqë e kishin mendjen vetëm që të bënin gjëra të këqija”.

“Kjo është e tmerrshme!” - tha Karola. “Ata duhet të kenë pasur ndonjë person si ty që duhet t’u ketë folur për mëkatin e tyre”.

“Shiko,” - tha xhaxhi Piteri duke buzëqeshur, - “ata kishin Noeun dhe Bibla e quan atë predikues të drejtësisë. Për 120 vjet Perëndia dhe Noeu i paralajmëruan njerëzit e kohës së tij që të pendoheshin: të praninin se ishin mëkatarë dhe t’i besonin premtimit të Perëndisë për një çlirimtar. Por ata refuzuan të dëgjonin. Ata interesoheshin vetëm për vete dhe për kënaqësitë e tyre”.

“Kujtoj që kam dëgjuar për përmbytjen, arkën dhe kafshët” - tha Xhoni.

“Kjo është vetëm një pjesë e saj” - tha xhaxhi Piteri. “Pjesa e rëndësishme e historisë është gjykimi i mëkatit nga Perëndia ndaj tërë botës dhe mbrojtja e tij ndaj Noeut dhe familjes së tij. Ata i besuan Perëndisë dhe Perëndia i shpëtoi”.

Le të shohim në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

Ezekieli 18:32 - *“Unë në fakt nuk ndjej asnjë kënaqësi me vdekjen e atij që vdes” thotë Zoti, Zoti. “Ndërroni rrugë, pra, dhe do të jetoni”.*

Kënaqësi: Gëzim, hare

Ndërroni rrugë: Ndaluni së mëkatuari

Le të mendojmë

Përgjigju këtyre pyetjeve dhe tregoja mësuesit.

1. Cili është ndëshkimi i Perëndisë për mëkatin?
a. Burgimi; b. Vdekja; c. Paga e një gjobe.
2. A është e vërtetë që nëse nuk kapes, nuk ndëshkohesh? Po / Jo.
3. A ndëshkohemi për mëkatet e vogla? Po / Jo.
4. A i duan njerëzit mëkatet e tyre më tepër sesa duan Perëndinë? Po / Jo.
5. A u shpëtuan Noe dhe familja e tij nga përmbytja, sepse besuan në Perëndinë?
Po / Jo.

Mësime nga Fjala e Perëndisë




Zanafilla 6:3-22; 7

Historia biblike e Noeut ndodhi 1500 vjet apo më shumë pas krijimit të Adamit. Perëndia ishte i pranishëm dhe u tha profetëve të Tij të shkruanin për të. Kishte shumë njerëz që jetonin në tokë, së bashku me Noeun, gruan e tij dhe tre bijtë e tyre, Semin, Kamin dhe Jafetin. Megjithatë shumica e njerëzve ndoqën rrugët mëkatore të Kainit dhe ishin të interesuar vetëm të kishin atë që mendonin se ishte argëtim. Ata nuk mendonin fare se si t'i pëlqenin Perëndisë. Nuk kishte asgjë të fshehtë ndaj Perëndisë; Ai pa dhe urreu mëkatën e atyre njerëzve, por Ai gjithashtu i donte dhe kërkonte që të pendoheshin (të ndryshonin mendje për mëkatën e tyre dhe nevojën për një çlirimtar). Fatkeqësisht ata u bënë edhe më mëkatarë dhe u rebeluan kundër Perëndisë. Ata gjithashtu nuk dëgjonin Noeun kur u shpallte mesazhin e Perëndisë.

Njerëzit ishin aq të këqinj saqë Perëndia tha se do t'i shkatërronte dhe po ashtu gjithçka tjetër që kishte bërë dhe që u kishte dhënë. Megjithatë, për shkak të dashurisë dhe mëshirës së Perëndisë, një njeri dhe familja e tij nuk do të shkatërroheshin. Noeu dëgjoi fjalët që i tha Perëndia. Ai u pendua, i besoi Perëndisë dhe iu afrua Atij sipas mënyrës që i kishte dhënë Ai, me anë të flijimit të kafshëve. Ai besoi se Perëndia do të dërgonte një ditë çlirimtarin për ta shpëtuar nga mëkatet e tij. Perëndia pranoi Noeun për shkak të besimit të tij në Të. Perëndia i tha Noeut se Ai do të dërgonte një përmbytje të madhe, e cila do të mbulonte tërë tokën me ujë.

Perëndia i tha Noeut të ndërtonte një arkë të madhe, në mënyrë që tërë ata që besonin në Perëndinë të shpëtoheshin nga përmbytja. Noeu duhet të ndiqte udhëzimet e Perëndisë për ndërtimin e arkës. Duhet të kishte vetëm një derë për t'u futur në arkë. Askush nuk kishte parë shi më parë, por Noeu i besoi dhe iu bind Perëndisë dhe ndërtoi arkën sipas mënyrës që i tha Perëndia.

Noeu paralajmëroi njerëzit për 120 vjet se Perëndia do t'i shkatërronte, nëse nuk pendoheshin. Ata refuzuan të dëgjonin kështu Perëndia i tha Noeut të merrte familjen e tij e kafshët që zgjodhi Ai të shpëtonte dhe të futej në arkë përmes një dere. Pasi të gjithë u futën brenda, Perëndia e mbylli derën. Ata që ishin jashtë arkës nuk kishin tani mundësi shpëtimi nga zemërimi i Perëndisë, sepse Perëndia i kishte lënë jashtë arkës.



Perëndia ka nën kontroll gjithçka në tokë, shiun, erën, diellin, hënën, yjet dhe gjithçka tjetër. Tani, kur u mbush koha që përmbytja e Perëndisë të vinte në tokë, Perëndia bëri që uji që kishte vendosur sipër në qiell, të binte në tokë si shi për 40 ditë dhe net derisa tërë toka u mbulua, edhe malet dhe pemët më të larta. Të gjithë ata që ishin jashtë arkës u shkatërruan nga Perëndia. Vetëm Noeu, familja e tij dhe kafshët e zgjedhura jetuan.



Plotëso këtë aktivitet dhe tregoja mësuesit.

Gjej dhe rretho fjalët më poshtë. Fjalët në kuti gjenden horizontalisht dhe vertikalisht, nga të dyja krahët.

Noeu, shiu, arka, dera, përmytja, mëkati dhe kafshët.

A	Y	L	B	B	N	F	P	V	O	I	I
N	O	E	U	B	N	N	Ë	C	C	F	S
B	U	L	L	B	F	F	R	C	C	S	S
V	K	B	B	V	V	F	M	L	C	M	A
B	K	S	H	I	U	F	B	L	A	Ë	A
A	I	B	B	V	F	F	Y	L	A	K	A
R	K	N	D	B	N	F	T	L	G	A	T
K	Y	N	E	O	O	G	J	G	G	T	T
A	U	N	R	O	N	G	A	G	G	I	T
U	U	O	A	N	O	O	K	K	K	F	F
I	Y	N	O	O	K	A	F	S	H	Ë	T
O	Y	O	N	N	N	H	H	J	J	K	K

Karta Awana 15 e përfunduar

Firma e mësuesit _____

Data _____



Perëndia kujtohet për Noeun pas përmbytjes

Koha e historisë

“Xhaxhi Piter, po mendoja për diçka” - tha Xhoni.

“Për çfarë?” - pyeti xhaxhai.

“Kam vënë re,” - u përgjigj Xhoni, - “që në klasën time në shkollë dhe në librat e historisë, nuk thuhet asgjë për Perëndinë”.

“Ajo që po thua është shumë e vërtetë” - tha xhaxhi Piteri. “Shumë njerëz nuk i besojnë Perëndisë dhe ata nuk shohin ndonjë nevojë për ta përfshirë Atë dhe veprat e Tij të mëdha në histori”.

“Kjo është qesharake” - tha Karola. “Perëndia është më i madhi! A e dinë ata se si është Perëndia?”.

“Kjo është një pyetje me vend” - u përgjigj xhaxhi Piteri. “Shumë njerëz vetëm sa kanë dëgjuar për Të dhe janë shumë të ngarkuar në jetët e tyre, sa nuk kanë kohë as të mendojnë për Perëndinë. Edhe pse Perëndia është më i rëndësishmi, përgjatë historisë, njerëzit kanë refuzuar ta dëgjojnë Atë. Atyre nuk u intereson Fjala e Tij. Ata madje sajuan perëndi të rremë për veten dhe i adhuruan ata”.

“Por Perëndia krijoi gjithçka” - tha Xhoni. “Ai është më i madh se çdo gjë apo se cilido perëndi i rremë që mund të bëjnë ata!”.

“Ke të drejtë” - pranoi xhaxhai i tij. “Por njerëzit janë më tepër të interesuar t’i pëlqejnë vetes, se sa të kujdesen për njohjen e Atij që i krijoi”.

“A e lejoj këtë Perëndia?” - pyeti ai Karolën.

“Karola, a e kujton përmbytjen” - kujtoi xhaxhi Piteri. “Perëndia gjykoi tërë botën atëherë, sepse njerëzit refuzuan të besojnë tek Ai! Të gjithë vdiqën përveç Noeut dhe familjes së tij. Ata besuan te Perëndia, si pasojë Ai u kujdes për ta”.

“Çfarë ndodhi pas përmbytjes?” - pyeti Xhoni. “A besuan te Perëndia tërë njerëzit që lindën nga familja e Noeut?”.

“Më vjen keq t’ju them se nuk besuan” - u përgjigj xhaxhi Piteri. “Njerëzit ishin mëkatarë në atë kohë, ashtu si edhe tani. Perëndia mban një regjistër të çdo veprë të njerëzve. Megjithatë, edhe pse Perëndia njeh çdo mendim që kemi dhe çdo fjalë që themi, Ai nuk do të dërgojë një përmbytje përsëri për t’i shkatërruar tërë njerëzit”.

“Çdo mendim dhe veprë? Kjo është e frikshme!” - tha Xhoni. “Perëndia e urren akoma mëkatin, apo ajo?”.

“Po” - u përgjigj xhaxhi Piteri. “Perëndia nuk ndryshon kurrë. Ai është gjithmonë i drejtë, i shenjtë dhe besnik. Le të shohim në Bibël ku na tregohet për një rast tjetër kur gjykimi i Perëndisë ndaj mëkatit të njeriut ndryshoi rrjedhën e historisë”.

Le të shohim në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

Isaia 45:18 - “Sepse kështu thotë Zoti që ka krijuar qiejt, ai, Perëndia që ka formuar tokën dhe e ka bërë; ai e ka vendosur, nuk e ka krijuar pa trajtë, por e ka formuar që të banohej: ‘Unë jam Zoti dhe nuk ka asnjë tjetër’”.

Banohej: jetohej, popullohej

Le të mendojmë

Përgjigju këtyre pyetjeve dhe tregoja mësuesit.

1. A është Perëndia më i fuqishmi në historinë tonë? Po / Jo.
2. A duan të gjithë njerëzit të mësojnë dhe mendojnë për Perëndinë? Po / Jo.
3. A adhurojnë disa njerëz perëndi dhe gjëra të rreme, të cilat i kanë bërë me duart e tyre? Po / Jo.
4. A është Perëndia më i madh se gjithçka që ka krijuar apo që ka bërë njeriu? Po / Jo.
5. A e urren apo e ndëshkon përsëri Perëndia mëkatin? Po / Jo.


Mësimet nga Fjala e Perëndisë



Zanafilla 8:1-17; 9:1-2, 12-15; 11:1-9


Perëndia i kishte premtuar Noeut se Ai do ta ruante atë dhe familjen e tij të sigurt në arkë. Ai nuk e harroi Noeun dhe të tjerët në arkë. Ai tha se do të shkatërronte gjithçka jashtë arkës dhe e bëri. Perëndia bën atë që thotë. Perëndia nuk ndryshon apo harron.

Perëndia ndali shiun. Ai dërgoi një erë të fortë për të tharë ujin dhe toka e thatë u shfaq përsëri. Perëndia vuri një ylber në qiell si shenjë për të treguar se Ai nuk do ta shkatërronte kurrë botën me anë të përmbytjes. Perëndia e ka mbajtur premtimin e Tij. Perëndia i dha Noeut dhe bijve të tij, Semit, Kamit dhe Jafetit, kontroll mbi tërë kafshët, zogjtë dhe peshqit ashtu siç i kishte dhënë kontroll Adamit në fillim. Ashtu si me Adamin, Perëndia donte që Noeu dhe bijtë e tij të kishin shumë fëmijë në mënyrë që njerëzit të përhapeshin në tokë. Bibla na thotë që shumë



vjet pas përmbytjes kishte shumë njerëz në tokë. Ata kishin dëgjuar për përmbytjen dhe ata e dinin se Perëndia ishte Krijuesi i tyre, por shumica e pasardhësve të Noeut harruan shpejt gjykimin e Perëndisë në tokë me anë të përmbytjes. Ata e injoruan me dëshirë Perëndinë. Ata nuk ishin të interesuar të njihnin, adhuronin apo besonin Perëndinë, apo t'i bindeshin Fjalës së Tij. Ata ishin nën ndikimin e Satanit dhe donin të bëheshin të mëdhenj dhe të rëndësishëm; mendjet e tyre u bënë edhe më të këqija dhe të marra. Satani po drejtonte paraardhësit tanë të rebeloheshin kundër Perëndisë. Satani dëshiron që njerëzit të adhurojnë perënditë e rreme si dielli, hëna, yjet, zogjtë apo kafshët. Satanit nuk i intereson se çfarë adhurojmë për aq kohë sa nuk adhurojmë Perëndinë e vetëm të vërtetë e të gjallë.

Në vend që të mbushnin tërë tokën me njerëz, ashtu siç i kishte urdhëruar Perëndia, ata nuk iu bindën me dashje Atij dhe ndërtuan një qytet (Babelin) dhe një kullë të gjatë në mënyrë që të qëndronin së bashku dhe t'i bënin një emër vetes (Zanafilla 11:4). Njeriu u krijua nga Perëndia për të bërë vullnetin e Tij në tokë, jo vullnetin e vet. Perëndia e dinte që nëse populli rebel do të qëndronte bashkë, ata do të harronin shumë shpejt Perëndinë dhe vullnetin e Tij.



Askush nuk mund të ndeshet kundër Perëndisë dhe të fitojë; Ai është më i madh se të gjithë! Plani i Perëndisë ishte që njerëzit të jetonin përgjithmonë mbi tokë, jo thjesht në një vend, kështu që Perëndia bëri që njerëzit të flisnin gjuhë të ndryshme. Ngaqë njerëzit nuk mund të kuptonin më njëri-tjetrin, ata u ndanë në familje të ndryshme dhe u zhvendosën në pjesë të ndryshme të vendit. Me kalimin e viteve ata zhvendoseshin më këmbë apo me varka në pjesë të tjera të botës.



Plotëso këtë aktivitet dhe tregoja mësuesit.

Vendosi këto pjesë të vargut përmendësh në rendin e duhur duke u vendosur numra.

Isaia 45:18:

___ ai, Perëndia që ka formuar tokën dhe e ka bërë

___ por e ka formuar që të banohej

___ Unë jam Zoti dhe nuk ka asnjë tjetër”.

___ nuk e ka krijuar pa trajtë

___ ai e ka vendosur

___ Sepse kështu thotë Zoti që ka krijuar qiejt

Karta Awana 16 e përfunduar

Firma e mësuesit _____

Data _____

Perëndia thërret Abramin



Koha e historisë

“Përshëndetje, xhaxhi Piter” - thirri Karola. “Po prisnim që të vije mbrëmë për të ngrënë me ne, por nuk erdhe”.

“Oh, Karola, më vjen keq. Harrova” - tha xhaxhi Piteri. “Kisha disa gjëra për të bërë në qytet. U ktheva vonë mbrëmë në shtëpi”.

“Si mund të harrojë dikush të hajë?” - pyeti Xhoni. “Sidomos ti, xhaxhi Piter. Nuk mendoj që ti harron diçka. Ti i bën gjithmonë gjërat siç duhet”.

“Do të doja që kjo të ishte e vërtetë për mua” - u përgjigj xhaxhi Piteri. “Por nuk jam besnik gjithmonë dhe jam harraq. Jam i kënaqur që Perëndia nuk është si unë”.

“Çfarë do të thuash?” - pyeti Xhoni.

“Perëndia është absolutisht i përsosur” - u përgjigj xhaxhi Piteri. “Ai nuk harron kurrë një premtim dhe Ai është gjithmonë besnik për të bërë gjithçka që thotë se do të bëjë. Ne mund të kemi gjithmonë besim tek Ai”.

“A ka shumë premtime në Bibël, xhaxhi Piter?” - pyeti Karola.

“Ka qindra premtime në Bibël, Karola” - u përgjigj xhaxhi Piteri.

“Qindra?! - tha Karola e çuditur. “Këto janë shumë. Si mund t'i mbajë mend Perëndia të gjitha këto?”.

“Perëndia nuk e ka këtë problem” - u përgjigj xhaxhi Piteri. “Ai kujton gjithçka në mënyrë të përsosur dhe Ai përmbush çdo premtim në kohën e duhur”.

“A ka në Bibël ndonjë premtim që nuk është përmbushur akoma?” - pyet Xhoni.

“Shumël!” - tha xhaxhi Piteri. “Por ne e dimë që një ditë ato do të përmbushen, saktësisht siç ka thënë Perëndia. Kur Perëndia përmbush një premtim, Ai e plotëson në çdo hollësi. Ndonjëherë duhet të kalojë shumë kohë para se të bëjë atë që ka premtuar”.

“Urrej të pres që të ndodhin gjërat” - tha Karola.

“Edhe unë urrej të pres” - tha xhaxhi Piteri. “Por sikur të lë vajzën time të vogël të ecë vetëm në rrugë?”.

“Oh, xhaxhi Piter, ajo nuk mund ta bëjë këtë!” - kërceu Karola. “Ajo nuk mund të ecë mirë. Ajo mund të lëndohet. Ajo duhet të presë derisa të bëhet më e madhe”.

“Ke të drejtë, Karola” - tha xhaxhi Piteri. “Edhe pse vajza ime nuk e di se çfarë është e drejtë për të, si babai i saj, unë e di, kështu që e lë të presë derisa të rritet. Perëndia është njësoj. Ai pret kohën e duhur për të përmbushur premtimet e Tij. Të presësh Perëndinë dhe t'i besosh Atij është pjesë e besimit, duke i besuar Atij se do të bëjë atë që thotë, në kohën e duhur”.

“Është e vështirë të presësh kur nuk mund të shikosh se do të ndodhë diçka” - tha Xhoni.

“Ashtu është” - tha xhaxhi Piteri. “Por prandaj besimi është qaq i veçantë. Bibla na thotë

për një njeri që quhej Abram, i cili u bë i njohur për besimin e tij. Ne mund të shikojmë historinë e tij, nëse ju pëlqen, por gjëja më e rëndësishme për t'u mbajtur mend është kjo: Perëndia është besnik. Njerëzit (ashtu si unë) harrojnë dhe dështojnë. Por Perëndia bën gjithmonë atë që thotë se do të bëjë. A e mbani mend premtimin e parë për një Çlirimtar?”.

“Do të thuash premtimin e dhënë kopsht?” - pyeti Karola.

“E mbaj mend atë premtim!” - ndërpreu Xhoni. “Meqë Adami dhe Eva, burri dhe gruaja e parë, mëkatuan, ata dhe tërë njerëzimi i lindur në tokë, do të ndaheshin nga Perëndia dhe do të kontrolloheshin nga Satani. Satani mendoi se e kishte mundur Perëndinë dhe do të kishte përgjithmonë sundimin e plotë mbi botën dhe njerëzit. Por Perëndia premtoi se Ai do të dërgonte një çlirimtar që do ta shpëtonte tërë njerëzimin nga pushteti i Satanit”.

“Askush nuk mund të fitojë kundër Perëndisë! - kujtoi Karola. “Ai është Krijuesi shumë i lartë. Pyes veten se kur do të dërgojë Perëndia Çlirimtarin për ta shtypur Satanin ashtu siç ka premtuar?”.

“Të dy keni të drejtë” - tha xhaxhi Piteri. “Tani, le të shikojmë historinë e Abramit në Bibël. Perëndia dha disa hollësi të mrekullueshme rreth premtimit të Çlirimtarit ndërsa foli me Abramit. Kujtoni, Abrami nuk kishte libër për ta lexuar. Perëndia i foli atij në mënyrë të drejtpërdrejtë!”.

Le të shohim në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

Zanafilla 12:2 - “Unë prej teje do të bëj një komb të madh, do të të bekoj dhe do ta bëj të madh emrin tënd, dhe ti do të jesh një bekim”.

Le të mendojmë

Përgjigju këtyre pyetjeve dhe tregoj mësuesit.

1. Kush është i përsosur? a. Xhaxhi Piteri; b. Xhoni dhe Karola; c. Perëndia.
2. Kush i zbaton të gjitha premtimet e Tij? a. Satani; b. Perëndia; c. Abrami.
3. Kush do ta shtypë Satanin një ditë? a. Abrami; b. Adami; c. Çlirimtari.
4. Çfarë do të thotë të presësh Perëndinë dhe të kesh besim tek Ai?
a. Të harrosh; b. Të kesh besim; c. Të mban premtimet.
5. Kush mund të fitojë kundër Perëndisë? a. Satani; b. Engjëjt; c. Askush.

Mësime nga Fjala e Perëndisë



Zanafilla 11:27; 12:1-3

Noeu kishte tre bij: Semin, Kamin dhe Jafetin; Abrami ishte pasardhës i Semit. Abrami jetoi 4000 vjet më parë, por kujtohet ende sot nga pasardhësit e tij, sepse u besoi premtimeve të veçanta që Perëndia i bëri atij.

Abrami u martua me Sarajn, por Abrami dhe Saraj nuk kishin fëmijë. Atje ku jetonte Abrami në Mesopotami njerëzit adhuronin idhujt. Ata nuk besonin në Perëndinë, Krijuesin e tyre, nuk e njhnin dhe nuk i bindeshin Atij. Abrami ishte mëkatar, sepse ishte pasardhës i Adamit ashtu si tërë njerëzimi, por Abrami i besoi Perëndisë dhe iu afrua Atij sipas mënyrës që Ai i tregoi njerëzimit. Bibla nuk ishte shkruar ende, kështu Perëndia fliste drejtpërdrejt me Abramin dhe i tha atij se çfarë do të bënte.

Perëndia thirri Abramin të linte vendin e tij dhe të shkonte në Kanaan. Plani i Perëndisë për Abramin nuk mund të zbatohet ndërkohë që ai jetonte në mes të këtij populli që adhuronte idhujt. Perëndia është krijuesi ynë, pronari dhe autoriteti më i lartë, kështu që kishte të drejtën t'i thoshte Abramit se çfarë duhet të bënte.

Perëndia premtoi të dërgonte një Çlirimtar për të shpëtuar njerëzit nga pushteti i Satanit dhe ndëshkimi i përjetshëm. Askush dhe asgjë nuk mund të ndalojë Perëndinë së bëri atë që Ai planifikon të bëjë. Njerëzit u rebeluan kundër Perëndisë duke filluar të ndërtonin kullën e Babelit dhe adhuruan gjërat që Perëndia kishte krijuar në vend të Tij, Krijuesin e tyre. Por Perëndia ishte akoma i dashur, i mëshirshëm dhe plot hir. Perëndia bën atë që premtion.

Hapi tjetër në planin e Perëndisë për të dërguar një çlirimtar ishte thirrja e Abramit për t'u zhvendosur në tokën e Kanaanit. Meqë Abrami i besoi Perëndisë dhe iu bind Atij, Perëndia i bëri premtime të veçanta atij. **Perëndia i premtoi Abramit që do të bëhej ati i një kombi të madh**, edhe pse ai dhe e shoqja nuk kishin ende fëmijë. Perëndia premtoi se ai do të mbronte Abramin, do t'i jepte shumë gjëra dhe do ta bënte një njeri të rëndësishëm. Ai i premtoi gjithashtu se përmes tij, të tjerët do të merrnin gjithashtu dobi të mëdha. Perëndia tha se ai do të ndihmonte ata që ndihmojnë Abramin, por Ai do të sillte të keqen ndaj kujtdo që e trajtonte keq Abramin.

Premtimi më i madh ishte premtimi se një prej pasardhësve të Abramit do të ishte Çlirimtari që do të shtypte fuqinë e Satanit. Tërë familjet e tokës do të bekoheshin përmes pasardhësve të Abramit. Ky premtim përfshin ty e mua dhe tërë njerëzit në botë. Abrami besonte se Perëndia do të dërgonte Çlirimtarin dhe se Ai do të ishte një prej pasardhësve të tij. Abrami, si Noeu, i besoi Fjalës së Perëndisë. Për këtë arsye ai iu bind Perëndisë.



Plotëso këtë aktivitet dhe tregoja mësuesit.

Hiq një vijë nga pyetjet në të majtë te përgjigjet e sakta në të djathtë.

- | | |
|--|---|
| 1. Kush do ta shpëtojë tërë njerëzimin nga pushteti i Satanit? | Saraj |
| 2. Kujt i premtoi Perëndia se do të bëhej ati i një kombi të madh? | Çlirimtari |
| 3. Cili është premtimi më i madh që i bëri Perëndia Abramit? | Idhujt |
| 4. Kush ishte gruaja e Abramit? | Abramit |
| 5. Çfarë adhuronin njerëzit në vendin ku jetonte Abrami? | Pasardhësi i
Tij do të
ishte Çlirimtari |

Karta Awana 17 e përfunduar

Firma e mësuesit _____

Data _____

Bindja e Abramit



Koha e historisë

Xhaxhi Piteri shkoi te Karola që ishte ulur në një pemë dhe i tha: “Karola, dukesh sikur je zhytur në mendime”.

“Oh, përshëndetje, xhaxhi Piter” - u përgjigj Karola. “Po, po mendoja për Perëndinë që i kërkoi Abramit të largohej nga vendi i tij dhe të shkonte në Kanaan. E di që the se Perëndia kishte të drejtën t’i thoshte Abramit të largohej, sepse Perëndia është zotëruesi i njeriut dhe autoriteti më i lartë, por mendoj se do të jetë shumë e vështirë të largohesh nga shtëpia dhe të shkosh në një vend që nuk e njeh”.

“Ke të drejtë, Karola,” - tha xhaxhi Piteri, - “por ndonjëherë Perëndia na kërkon të bëjmë gjëra që janë të vështira, me qëllim që të ndihmohen njerëz të tjerë. Perëndia është i dashur, i mëshirshëm dhe plot hir. Ai dëshiron që secili të shpëtohet nga pushteti i Satanit dhe mëkati, dhe Abrami ishte pjesë e planit të Perëndisë për të bërë këtë. Abrami kishte një zgjidhje për t’u bindur Perëndisë dhe për të shkuar në Kanaan, ose të mos i bindej dhe të refuzonte të ishte pjesë e planit të Perëndisë për të dërguar Çlirimtarin”.

Xhoni, i cili ishte ulur afër Karolës nën pemë, pyeti: “Si shkuan Abrami dhe Saraj në këtë vend të ri që quhet Kanaan? Ata nuk kishin makina, autobusë dhe avionë në atë kohë, apo jo?”.

“Jo,” - u përgjigj xhaxhi Piteri, - “ata nuk kishin makina, autobusë apo avionë. Ata duhet të ecnin apo të ngisnin gomarë”.

“Ata nuk mund të kenë marrë shumë gjëra me vete” - tha Karola. “Çfarë bënë ata për rrobat, çarçafët, dhe...”.

“Po ushqimin?” - ndërpreu Xhoni.

“Abrami ishte shumë i pasur” - tha xhaxhi Piteri. “Ai kishte shumë shërbëtorë, gjedhë, dele dhe dhi. Ai mori me vete gjithçka që kishte”.

“Çfarë menduan miqtë dhe fqinjët e tij për të, për faktin që u largua nga shtëpia për të shkuar aq larg?” - pyeti Xhoni.

“Njerëzit po e shikonin, Xhon” - u përgjigj xhaxhi Piteri. “Abrami ishte një njeri i pasur dhe i rëndësishëm. Ata mbase janë talluar me të, por Abramit nuk i bëhej vonë se çfarë mendonin njerëzit. Ai i besoi Perëndisë dhe donte t’i bindej Atij”.

“Mendoj se gjëja më e vështirë do të ishte t’u thoshte lamtumirë kushërinjve” - tha Karola.

“Abrami nuk kishte përse t’u thoshte të gjithëve lamtumirë” - tha xhaxhi Piteri. “Ai mori nipin e tij, Lotin, me vete. Edhe Loti besonte te Perëndia dhe te premtimet e Tij. Ai, bashkë me të gjitha zotërimet e tij, udhëtoi dhe jetoi në çadra bashkë me Abramin dhe Sarajn”.

“Do të jetë dashur një kohë e gjatë për të bërë një rrugë të gjatë me tërë ato kafshë” - tha Karola.

“Po, ashtu është,” - tha xhaxhi Piteri, - “por Zoti e drejtoi Abramin me besnikëri për në

Kanaan, tokën që i kishte premtuar t'i jepte”.

“Mendoj se do të ketë qenë argëtuese të udhëtoje me tërë kafshët dhe të vizitoje një vend të ri” - tha Xhoni.

“Shiko,” - tha xhaxhi Piteri, - “ata patën disa probleme rrugës. Mendoj se kam kohë të mjaftueshme për t'ju thënë për një problem të madh që ndodhi midis Abramit dhe Lotit”.



Le të shohim në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

Malakia 3:6a - “Unë jam Zoti, nuk ndryshoj”.

Zoti: Perëndia

Le të mendojmë

Përgjigju këtyre pyetjeve dhe tregoja mësuesit.

1. Kush është autoriteti më i lartë? a. Njeriu; b. Abrami; c. Perëndia.
2. Kujt i tha Perëndia të shkonte në Kanaan? a. Abramit; b. Adamit; c. Noeut.
3. A kishte Abrami një zgjedhje për t'u zhvendosur në Kanaan? Po / Jo.
4. Kush shkoi me Abramin dhe Sarajn në Kanaan? a. Loti; b. Semi; c. Kami.
5. A ndryshon ndonjëherë Perëndia? Po / Jo.

Mësimet nga Fjala e Perëndisë



Zanafilla 12:4-5; 13:5-13


Perëndia i foli drejtpërdrejt Abramit dhe i tha të largohej nga vendi i tij dhe të shkonte në tokën e Kanaanit. Abrami rridhte nga një familje që nuk e adhuronte Perëndinë. Ata, ashtu si njerëzit e tjerë në vendin e tij, adhuronin idhujt. Abrami nuk adhuronte idhujt, sepse ai i besonte dhe i bindej Perëndisë. Perëndia i premtoi Abramit se do ta mbronte dhe drejtonte për në Kanaan. Perëndia është besnik; Ai bën gjithmonë atë që thotë. Ai nuk ndryshon asnjëherë. Perëndia drejtoi me besnikëri Abramin në Kanaan, tokën që Ai i premtoi t'ia jepte (Zanafilla 12:7). Loti, nipi i Abramit, shkoi gjithashtu me Abramin dhe gruan e tij, Sarajn. Loti i besoi gjithashtu Perëndisë dhe premtimeve të Tij.

Abrami dhe Loti kishin të dy shumë dele dhe gjedhë. Ata jetonin afër njëri-tjetrit. Pas një farë kohe dolën probleme midis njerëzve që kujdeseshin për kafshët e Abramit dhe Lotit. Abrami nuk donte të kishte mendime të këqia midis tij dhe Lotit. Prandaj i tha Lotit që të zgjidhte tokën që donte për familjen dhe kafshët e tij dhe Abrami do të merrte atë që do të ngelte për familjen dhe kafshët e tij.

Loti pa rreth e rrotull për të bërë zgjedhjen e tij; ai zgjodhi fushën e ujitur e me bar për të cilën mendoi se do të ishte më e mira për kafshët e tij. Kjo dukej si toka më e mirë. Abrami mori atë që ngeli. Ai qëndroi në kodrat dhe malet shkëmbore ndërsa Loti zbriti në fushë ku ecja ishte e lehtë dhe bari ishte i bollshëm për kafshët e tij. Abrami besonte se Perëndia do të kujdesej për të dhe do të siguronte atë për të cilën kishte nevojë. Njerëzit do të mendonin se Abrami mori tokën e keqe dhe Loti tokën më të mirë, por Perëndia e njeh të vërtetën të cilën nuk mund ta shohim.

Poshtë në fushë, ku Loti dhe familja e tij u zhvendosën, kishte dy qytete, Sodoma dhe Gomorra. Këto qytete ishin shumë të këqija. Njerëzit që jetonin atje nuk donin të dinin për Perëndinë apo se çfarë donte Ai që të bënin. Ata mendonin vetëm për vete dhe për gjërat e këqija që po bënin. Loti dhe familja e tij nuk e dinin se po zhvendoseshin në një vend shumë të rrezikshëm me ligësi të madhe. Loti po mendonte vetëm për tokën e mirë që mori.


Perëndia njeh gjithçka. Ai e di se njerëzit te Somodës dhe Gomorrës ishin të këqinj. Perëndia nuk ndryshon kurrë. Ai e urrente mëkatin e tyre.



Përsëritje

Plotëso këtë aktivitet dhe tregoja mësuesit.

Ndihmo Abramin të gjejë tokën e Kanaanit.



Kanaani

Karta Awana 18 e përfunduar

Firma e mësuesit _____

Data _____

Premtimet e Perëndisë ndaj Abramit



Koha e historisë

“Xhaxhi Piteri!” - thirri Karola ndërsa vrapoi për të takuar xhaxhain e saj. “Nuk ke për ta besuar se çfarë ndodhi!”.

“Mezi pres ta dëgjoj!” - tha xhaxhi Piteri duke qeshur.

“Edhe unë mezi pres!” - tha Xhoni. “Duhet të kishe ardhur për të parë se çfarë na dha znj. Devis!”.

“Të gjithë e njohin znj. Devis” - tha xhaxhi Piteri. “Ajo është një zonjë e mirë që ka ndihmuar shumë njerëz këtu përreth. Fëmijët e saj janë të gjithë të martuar. Atëherë çfarë të dha?”.

“Nuk ke për ta besuar!” - përsëriti Karola. “Mësuesja jonë tha në shkollë që znj. Devis kishte një piano elektrike për t’ia dhuruar një djali apo vajze që do të mësonte t’i binte”.

“Duhet t’i kishe dëgjuar disa prej fëmijëve” - tha Xhoni i trishtuar. Ata thanë: “Unë do të preferoja një kasetofon, jo një piano të vjetër elektrike!”.

“Një vajzë tha që nuk donte të harxhonte kohën për të mësuar se si t’i binte pianos elektrike” - shtoi Karola. “Gjithmonë kam dashur t’i bie pianos, por nuk kishim shumë para për të blerë një të tillë dhe na duhej gjithashtu të paguanim për mësuesin. Por shkova te mësuesja dhe pyeta për znj. Devis. I tregova mamasë atë që më tha ajo dhe dje mamaja, Xhoni dhe unë shkuam të flisnim me znj. Devis për pianon”.

“Ne u çuditëm!” - thirri Xhoni. “Znj. Devis kishte një piano që mund të punonte si me korrent, ashtu edhe me bateri. Ishte e re dhe ishte aq e vogël, sa mund ta çonim kudo me lehtësi”.

“Po pse donte ajo ta falte pianon?” - pyeti xhaxhi Piteri.

“Ajo e kishte blerë pianon për nipërit e saj, që ata të mësonin t’i binin,” - u përgjigj Xhoni, - “por ata nuk donin të harxhonin kohë për ta mësuar, kështu që ajo nuk donte ta mbante”.

“Nuk mbaron këtu” - tha Karola e gëzuar. “Znj. Devis do të na mësojë edhe se si t’i biem. Nuk do të na kushtojë asgjë, edhe pse do të na mësojë”.

“Ke të drejtë Karola” - pranoi xhaxhi Piteri. “Nuk kisha për ta menduar kurrë që do t’ju bëhej një surprizë kaq e bukur. Është e mrekullueshme!”.

“Xhaxhi Piter” - tha Xhoni. “Pyes veten nëse duhet ta kishim pranuar pianon nga znj. Devis. Mendoj se do t’i ketë kushtuar shumë para”.

“Ke të drejtë, Xhon” - tha xhaxhi Piteri. “Ka kushtuar shumë. Por ajo donte që t’ua jepte, apo jo?”.

“Po, ashtu mendoj,” - u përgjigj Xhoni, - “sepse ajo vazhdonte të thoshte: ‘Po kërkoja dikë që do të më besonte që doja të falja këtë piano’”.

“Por ne nuk jemi pjesë e familjes së saj dhe nuk bëmë gjë për ta merituar pianon” - tha Karola. “A duhet ta kishim pranuar me të vërtetë, xhaxhi Piter?”.

“Patjetër!” - u përgjigj xhaxhi Piteri. “Znj. Devis e bleu atë piano për t’u përdorur dhe për t’u gëzuar. Por nipërit e saj e refuzuan. Jam i bindur që kjo e ka mërzhitur. Por, siç tha edhe ajo, po kërkonte dikë që thjesht të kishte besim tek ajo, besim që ajo do të falte diçka të mirë. Ti i besove fjalëve të saj dhe ajo ishte e gëzuar që ta dha ty”.

“Nuk kam pasur kurrë diçka kaq të mirë” - tha Karola.

“As unë” - shtoi Xhoni. “Dhe ishte dhuratë!”.

“Xhon e Karola,” - tha xhaxhi Piteri, - “ne nuk e meritojmë as mirësinë që na jep Perëndia.

Shumica e njerëzve as nuk kujtohen për Perëndinë. Ai është i lumtur kur dikush beson me të vërtetë tek Ai. Ne kemi folur tashmë për Abramin, por tani dua që të shohim pak më tepër se si Perëndia tregoi mirësi ndaj Abramit. Ai i dha Abramit diçka që asnjë njeri nuk mund ta meritonte. Ai i dha Abramit drejtësi. Edhe pse Abrami ishte mëkatar, Perëndia e pranoi sikur Abrami të ishte përsosmërisht i drejtë”.

Le të shohim në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

Zanafilla 15:6 - “Dhe ai i besoi Zotit, që ia vuri në llogari të drejtësisë”.

Drejtësi: Një marrëdhënie e drejtë me Perëndinë

Le të mendojmë

Përgjigju këtyre pyetjeve dhe tregoja mësuesit.

1. A donte znj. Devis para për pianon? Po / Jo.
2. Kush dëshironte ta kishte pianon që donte të jepte znj. Devis?
a. Nipërit e saj; b. Shumë njerëz; c. Vetëm Xhoni dhe Karola.
3. Kush e meriton mirësinë e Perëndisë? a. Të gjithë; b. Askush; c. Njerëzit e mirë.
4. Sipas Zanafillës 15:6, kush i besoi Perëndisë? a. Askush; b. Abrami; c. Të gjithë.
5. Çfarë do të thotë drejtësi?
a. Të japësh përgjigjen e drejtë; b. Ana e drejtë; c. Një marrëdhënie e drejtë me Perëndinë.

Mësime nga Fjala e Perëndisë



Zanafilla 13:14-17; 15:5-6, 13-16; 17:1-5, 15-17


Pasi Loti dhe familja e tij u larguan nga Abrami, Zoti i foli Abramit dhe i premtoi përsëri se do t'i jepte tërë tokën e Kanaanit dhe se do ta bënte një komb të madh. Perëndia i kishte premtuar Abramit, edhe para se të kishte fëmijë, që pasardhësit e tij do të ishin të shumtë si yjet! Abrami dhe Saraj kishin qenë të martuar prej shumë vitesh dhe tani ishin të moshuar, por nuk kishin arritur të kishin fëmijë. Por Abrami i besoi Perëndisë për t'i dhënë një djalë dhe për të dërguar Çlirimtarin si një prej pasardhësve të tij.

Në vargun tonë përmendsh sot na thuhet që për shkak se Abrami i besoi Perëndisë, edhe pse dukej e pamundur të kishte fëmijë, Perëndia e pranoi si të drejtë. Drejtësi në këtë varg do të thotë të kesh një marrëdhënie të drejtë me Perëndinë. Abrami ishte mëkatar, një pasardhës i Adamit, ashtu si ne. Pse Perëndia duhet të pranonte Abramin, një mëkatar, ashtu sikur ai të ishte plotësisht i drejtë; njësoj si të mos kishte mëkat? Arsyeja e vetme se pse Perëndia pranoi Abramin njësoj si të mos kishte asnjë mëkat ishte sepse Abrami i besoi Perëndisë. Abrami e dinte se ai nuk mund të shpëtonte veten nga mëkatet e tij, por besoi se Perëndia do të dërgonte një Çlirimtar që do të ishte në gjendje ta shpëtonte nga Satani, mëkati dhe vdekja.

Perëndia është kudo në çdo kohë; Ai njeh gjithçka. Perëndia dinte gjithçka që do të ndodhte ndaj pasardhësve të Abramit para se të lindnin. Ai i tha Abramit për disa nga gjërat që do t'u ndodhnin pasardhësve të tij në vitet e ardhshme.

Kur Abrami ishte 99 vjeç Perëndia i ndryshoi emrin në Abraham, sepse i premtoi që do të bëhej babai i shumë pasardhësve. Abram do të thotë “atë i ngritur lart”; Abraham do të thotë “atë i shumë fëmijëve”. Perëndia ndryshoi gjithashtu emrin e Sarajt në Sara, sepse, edhe pse nuk kishte qenë në gjendje të lindte fëmijë, Perëndia premtoi se ajo do të kishte një djalë. Saraj do të thotë “princeshë”, por Sara do të thotë “nënë e një kombi”. Ajo do të bëhej nëna e miliona pasardhësve.

Abrami dhe Saraj nuk ishin në gjendje të kishin fëmijë, por ishte Perëndia që bëri premtimin dhe Ai është shumë i larti. Nuk ka asgjë të vështirë për Perëndinë!





Plotëso këtë aktivitet dhe tregoja mësuesit.

Përdor kodin më poshtë për të gjetur shkronjat që mungojnë, pastaj plotëso vendet bosh.

1 = E 2 = A 3 = I 4 = O 5 = Ë 6 = U

DH__ __ __ B__S__ __ Z__T__T, Q__ __ __ V__R__ N__
1 2 3 3 1 4 3 4 3 5 3 2 6 3 5

LL__G__R__ T__ DR__JT__S__S__ Z__N__F__LL__ 15:6
4 2 3 5 1 5 3 5 2 2 3 2

Karta Awana 19 e përfunduar

Firma e mësuesit _____

Data _____

Perëndia shkatërroi Sodomën dhe Gomorrën



Koha e historisë

Karola dhe Xhoni shkuan te xhaxhi Piteri me Biblën e tyre të re dhe thanë: “Xhaxhi Piter, po lexonim te Bibla jonë e re dhe kemi disa pyetje”.

“Jam i lumtur t’u përgjigjem pyetjeve tuaja” - tha xhaxhi Piteri. “Jam shumë i gëzuar që ti dhe Xhoni mundët të kursenit mjaftueshëm para, për të blerë Biblën tuaj. A nuk është kënaqësi të jesh në gjendje të lexosh atë që thotë Perëndia për ju në Fjalën e Tij?”.

“Sigurisht!” - thirri Xhoni. “Unë me Karolën po e lexojmë çdo ditë. Pasi flasim me ty për diçka në Bibël, ne kthehemi në shtëpi dhe e kontrollojmë në Bibël dhe lexojmë më tepër për të”.

“Po lexonim për historinë e Abramit, dua të them Abrahamit, dhe Lotit,” - tha Karola, - “dhe ishim pak të ngatërruar për atë që the rreth Perëndisë dhe asaj që lexojmë te Zanafilla, kapitulli 18. Në këtë kapitull thuhet se tre burra vizituan Abrahamin dhe njëri prej tyre ishte Perëndia. E di që ti the që Perëndia është kudo, por mendoja që Perëndia jetonte në parajsë apo në qiell”.

“E kuptoj se pse jeni ngatërruar Karola” - tha xhaxhi Piteri. “Por a kujton që thashë se kohë më parë kur jetonte Abrahami njerëzit nuk kishin një Bibël si ne, kështu Perëndia fliste drejtpërdrejt me ta. Dhe, disa herë në Bibël, Perëndia iu shfaq njerëzve shkurtimisht, në formën e një njeriu”.

“Disa gjëra rreth Perëndisë janë akoma të vështira për mua që t’i kuptoj” - tha Xhoni. “Si për shembull, kur the që Perëndia njuh gjithçka. Pastaj në të njëjtin kapitull Perëndia vepron sikur nuk e di se çfarë po ndodh në Sodomë dhe Gomorrë”.

“E kuptoj ku e ke fjalën” - tha xhaxhi Piteri. “Prandaj Perëndia i tha Abrahamit se ai ishte i drejtë. Abrahami besoi atë që tha Perëndia, pavarësisht nëse e kuptonte apo jo çdo gjë rreth Tij. Perëndia nuk gënjen. Megjithatë, ne nuk e dimë gjithmonë se përse Perëndia bën atë që bën apo se si e bën. Kur Perëndia i tha Abrahamit që Ai do të zbriste në Sodomë dhe Gomorrë për të parë se çfarë po ndodhte, nuk ishte ngaqë nuk e dinte, sepse Perëndia e dinte me saktësi se çfarë po ndodhte dhe Ai nuk e pëlqente atë që po bënin njerëzit. Megjithatë, Perëndia donte që Abrahami të dinte se kishte një problem në Sodomë dhe Gomorrë, atje ku jetonte Loti, dhe se Ai do të bënte diçka për atë problem”.

“E di!” - tha Karola. “Është njësoj kur mamaja thotë: ‘Mendoj se duhet të shkoj të shikoj nëse janë hequr barërat e këqija rreth kopshtit të luleve përballë shtëpisë’. Ajo e di tashmë që barërat e këqija nuk janë hequr, sepse i ka parë më herët, por po më lë mua të kuptoj që pamja e kopshtit të luleve ka rëndësi për të. Ajo po më jep gjithashtu një rast për të bërë diçka për këtë, para se të më ndëshkojë që nuk i kam hequr barërat e këqija”.

“Kjo quhet mëshirë, apo jo, xhaxhi Piter?” - pyeti Xhoni. “Mamaja po tregon mëshirë ndaj Karolës. Në vend që ta ndëshkojë Karolën që nuk i ka hequr barërat në kohën e

dukur, ajo po i jep një mundësi tjetër për ta bërë”.

“Pikërisht ashtu!” - tha xhaxhi Piteri. “As Perëndia nuk ka dëshirë t’i ndëshkojë njerëzit, por Ai urren mëkatën. Kur njerëzit mëkatojnë e mëkatojnë, Perëndia do t’i japë fund dhe do t’i ndëshkojë. Kur Abrahami zbuloi që Perëndia nuk ishte i lumtur me atë që po ndodhte në Sodomë dhe Gomorë, ai iu lut Perëndisë që të mos i shkatërronte qytetet”.

“Si mund të shkatërronte një person tërë qytetin, xhaxhi Piter?” - pyeti Xhoni.

“E di!” - tha Karola. “Perëndia është i plotfuqishëm. Nuk ka asgjë të pamundur për Perëndinë”.

“Perëndia është i dashur dhe i mëshirshëm, gjithashtu” - tha xhaxhi Piteri. “Prandaj, në fund të kapitullit 18, lexojmë që Perëndia tha se nuk do t’i shkatërronte qytetet, nëse atje do të ishin të paktën dhjetë njerëz të drejtë”.

“Nuk e kemi lexuar ende kapitullin tjetër” - tha Xhoni. “A kishte të paktën dhjetë njerëz të drejtë në Sodomë dhe Gomorë?”.

“Le ta shohim këtë te Biblat tuaja dhe të mësojmë se çfarë ndodhi në Sodomë dhe Gomorë” - tha xhaxhi Piteri.

Le të shohim në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

Fjalët e Urta 15:9 - “Rruga e të pabesit është një neveri për Zotin, por ai do atë që ndjek drejtësinë”.

I pabesi: Keqbërësi, mëkatari

Neveri: Mospëlqim

Drejtësi: Ajo që i pëlqen Perëndisë

Le të mendojmë

Përgjigju këtyre pyetjeve dhe tregoja mësuesit.

1. A u flet Perëndia njerëzve ballë për ballë sot? Po / Jo.
2. A gënjen ndonjëherë Perëndia? Po / Jo.
3. A i pëlqen Perëndisë t’i ndëshkojë njerëzit? Po / Jo.
4. A është Perëndia i dashur dhe i mëshirshëm? Po / Jo.
5. A e urren Perëndia mëkatën? Po / Jo.

Mësim nga Fjala e Perëndisë



Zanafilla 18:20-21; 19:1-7, 10-17, 24-26

Kur Abrahami dhe Loti u larguan nga njëri-tjetri, në mënyrë që kafshët e tyre të kishin tokë të mjaftueshme për të jetuar, Loti zgjodhi tokën më të mirë që i panë sytë. Toka kishte shumë bar dhe ujë për kafshët e tij. Loti dhe familja e tij u zhvendosën afër dy qyteteve më të këqija të quajtur Sodomë dhe Gomorrë.

Edhe pse kishte shumë njerëz në botë në atë kohë, Perëndia shihte gjithçka që bënin njerëzit e Sodomës dhe Gomorrës dhe dëgjoi gjithçka që thoshin. Perëndia nuk kishte qenë i lumtur me njerëzit në këto qytete të liga për një kohë të gjatë, edhe para se Loti të zhvendosej atje. Ai shikonte që ata vazhdonin të mëkatonin. Tani Perëndia tha që nuk do t'i linte të mëkatonin më. Perëndia do t'i ndëshkonte për mëkatet e tyre.

Loti dhe familja e tij u zhvendosën në qytet dhe jetuan midis këtyre njerëzve të këqinj. Megjithatë Loti nuk bënte një jetë të keqe si njerëzit në Sodomë. Loti kishte lindur mëkatar, si gjithë të tjerët, por ai pranoi para Perëndisë se ishte mëkatar dhe kishte besim te mëshira e Perëndisë. Loti u besoi premtimeve të dhëna Adamit dhe xhaxhait të tij Abraham rreth Çlirimtarit të ardhshëm. Perëndia është i dashur dhe i mëshirshëm. Perëndia dërgoi engjëjt e Tij për të nxjerrë Lotin, gruan dhe dy vajzat e tij nga qytetet para se ato të shkatërroheshin prej Tij. Perëndia shpëton gjithmonë ata që pajtohen me Të dhe i besojnë Atij.

Sapo Loti ishte i sigurt jashtë qytetit, Perëndia shkatërroi Sodomën dhe Gomorrën. Ashtu siç shkatërroi botën me anë të përmbytjes në kohën e Noeut, tani Ai shkatërroi këta njerëz të këqinj me anë të zjarrit. Te 2 Pjetrit 2:6 Perëndia përmend shkatërrimin e atyre dy qyteteve si shembull të asaj që do t'u ndodhë njerëzve jo të perëndishëm. Askush që refuzon Perëndinë nuk mund t'i shpëtojë gjykimit të Tij.

Engjëjt, kur nxorrën Lotin, gruan dhe dy vajzat e tij nga Sodoma, u thanë atyre të mos shikonin pas, por të vraponin në male. Gruaja e Lotit nuk u bind. Ajo ishte shumë e marrë që nuk dëgjoi paralajmërimin e Perëndisë, sepse, kur ktheu kokën, Perëndia e ktheu në një statujë kripe. Perëndia, nëse paralajmëron ndëshkimin, nuk e harron.

Perëndia është po i njëjti sot, ashtu siç ishte në kohën e Abrahamit dhe Lotit, Sodomës dhe Gomorrës. Ai shikon akoma dhe urren mëkatin. Ai është gjithmonë i njëjti. Ai kujton dhe mban premtimet e Tij për të bekuar ata që besojnë në Të dhe për të ndëshkuar ata që nuk i binden.





Plotëso këtë aktivitet dhe tregoja mësuesit.

Gjej dhe rretho këto **fjalë në kutinë** me shkronja më poshtë.

ÇLIRIMTAR

I DASHUR

I MËSHIRSHËM

I FUQISHËM

PREMTON

NDËSHKON

I DREJTË

Ç	L	I	R	I	M	T	A	R	C	C	I
L	N	N	N	C	C	C	S	S	S	X	M
L	I	F	U	Q	I	S	H	Ë	M	X	Ë
P	D	D	D	M	M	X	M	M	X	B	S
R	D	I	D	A	S	H	U	R	X	B	H
E	T	Y	B	P	P	N	N	N	K	B	I
M	T	S	V	P	M	M	B	N	K	K	R
T	T	I	D	R	E	J	T	Ë	L	L	S
O	Q	S	S	C	X	C	X	C	L	I	H
N	H	H	H	V	V	V	Y	Y	Y	I	Ë
L	L	N	D	Ë	S	H	K	O	N	Y	M

Karta Awana 20 e përfunduar

Firma e mësuesit _____

Data _____

Pyetje, pyetje, pyetje!

Koha e historisë



Xhoni dhe Karola ishin duke shkruar në blloqet e tyre të shënimeve, kur xhaxhi Piteri erdhi drejt tyre në oborr dhe i pyeti: “Çfarë po shkruani?”.

“Oh, përshëndetje, xhaxhi Piter!” - thanë Xhoni dhe Karola.

“Ne po mendonim për të gjithë njerëzit për të cilët po mësojmë në Bibël” - tha Xhoni. “Ne po i shkruanim emrat e atyre që kujtonim dhe pastaj do të ta tregonim listën”.

“Mendoj se i kujtuam të gjithë, xhaxhi Piter” - tha Karola e gëzuar.

“Në rregull” - tha xhaxhi Piteri. “Pa na thuaj ata që kujton”.

“I pari është i lehtë” - tha Xhoni. “Adami është i thjeshtë, sepse ai është njeriu i parë që krijoi Perëndia”.

“Pastaj vjen Eva, gruaja e Adamit” - shtoi Karola.

“Dhe fëmijët e tyre, Kaini dhe Abeli, janë personat e tjerë për të cilët folëm” - tha Xhoni.

“Ne folëm për Noeun dhe tërë njerëzit mëkatarë që jetuan gjatë kohës së tij” - tha Karola.

“Dhe pastaj mësuam që pasardhësit e tij mëkatuan gjithashtu, kur u përpoqën të ndërtonin një kullë në qiell”.

“Pastaj, më vonë kemi folur për Abrahamin, gruan e tij, Sarën dhe nipin e tyre, Lotin” - shtoi Xhoni.

“Që të dy keni kujtesë të mirë” - tha xhaxhi Piteri. “Jam krenar për ju! Megjithatë, mund të mendoj për dy vetë që nuk i përmendët. Secili prej tyre pati një rol në jetën e secilit njeri që përmendët”.

“Në çfarë mënyre, xhaxhi Piter?” - pyeti Xhoni. “Ata duhet të ishin rreth 2000 vjeç. Askush nuk mund të jetë aq i moshuar!”.

“E di!” - tha Karola. “Ne harruam Satanin, dhe më të rëndësishmin, Perëndinë!”.

“Ke të drejtë, Karola!” - tha xhaxhi Piteri. “Sa herë që ka njerëz që mëkatojnë, edhe Satani është atje. Nga mendon se i morën besimet e tyre të rreme fetare, paraardhësit tanë të hershëm?”.

“Nga Satani?” - pyeti Xhoni.

“Ke të drejtë” - u përgjigj xhaxhi Piteri. “Nga Satani dhe nga idetë e tyre kur haptazi i kthyen kurrizin të vërtetës rreth Perëndisë”.

“Nuk arrij ta besoj që harruam Perëndinë” - tha Karola e trishtuar. “Ne mësuam shumë gjëra rreth Tij. Ne mësuam se Ai është i gjithëdijshëm, i plotfuqishëm, i dashur, i mëshirshëm, besnik, i ndershëm...”.

“E di,” - ndërpreu Xhoni, - “le ta lemë xhaxhi Piterin të na bëjë pyetje rreth asaj që kemi mësuar që nga hera e fundit që na ka bërë pyetje. Mbase këtë herë do të fitoj unë dhe do të kem përgjigje për më tepër pyetje sesa ti!”.

“Në rregull,” - tha Karola, - “por bëhu gati të humbasësh përsëri!”.

Le të mendojmë

Pyetjet:

Adami dhe Eva: Këto pyetje rreth Adamit dhe Evës fillojnë me kohën kur Satani u fut në historinë e tyre. Mësuam për urrejtjen e Satanit për Perëndinë dhe për njeriun; ai është gënjeshtar, mashtrues, paditës dhe vrasës.

1. Në kopshtin e Edenit, Satani vizitoi Evën. Satani nuk donte që Eva ta dinte se ishte ai. Si u maskua Satani, për të mashtruar Evën? **Si gjarpër.**
2. Perëndia tha që Adami dhe Eva do të vdisnin nëse do të hanin frutën e pemës të njohjes të së mirës dhe të së keqes. Çfarë i tha Satani Evës që do t'u ndodhte nëse do të hanin nga pema e njohjes të së mirës e të së keqes? **Satani tha që ata nuk do të vdisnin, por ata do të bëheshin si Perëndia dhe do të ishin në gjendje të vendosnin vetë se çfarë ishte e mirë dhe e keqe.**
3. A i detyroi Satani Adamin dhe Evën të hanin nga pema që Perëndia u kishte thënë të mos hanin? **Jo, Adami dhe Eva zgjodhën vetë të mëkatonin. Perëndia i kishte bërë udhëzimet e Tij të qarta për ta; Ai ishte treguar shumë i dashur me ta. Ai u dha atyre një vullnet për të bërë zgjedhje; ata zgjodhën që të mos bindeshin.**
4. Adami dhe Eva nuk vdiqën menjëherë kur hëngrën frutën e pemës të njohjes të të mirës dhe të së keqes. Perëndia kishte thënë që ata do të vdisnin për mosbindjen e tyre. Çfarë nënkuptoi Ai? **Ai nënkuptoi që menjëherë ata nuk do të kishin një marrëdhënie me Perëndinë, mikun e tyre dhe burimin e jetës; trupat e tyre do të vdisnin një ditë dhe një ditë trupi, shpirti dhe fryma e tyre do të ndaheshin përherë nga Perëndia në liqenin e zjarrit.**
5. Çfarë bënë Adami dhe Eva pasi hëngrën nga pema? **Ata bënë për vete veshje me gjethe fiku dhe u fshehën nga Perëndia.**
6. A është e mundur t'i fshihemi Perëndisë? **Jo, Perëndia është kudo dhe shikon gjithçka.**
7. Pse i refuzoi Perëndia veshjet që bënë Adami dhe Eva? **Sepse Perëndia donte t'i mësonte Adamit dhe Evës që ata nuk mund të bënin diçka për t'u bërë të pranueshëm para Perëndisë.**
8. Satani ishte i lumtur që Adami dhe Eva nuk u bindën. Ai mendoi se ai e kishte mundur Perëndinë dhe se tërë njerëzit do të ishin të tijtë përgjithmonë. A kishte të drejtë Satani? A fitoi ai? **Jo, askush nuk mund të fitojë kundër Perëndisë. Ai është Krijuesi më i lartë.**
9. Duke qenë se Perëndia i donte Adamin dhe Evën aq shumë, Ai premtoi të dërgonte Dikë një ditë, Dikë që do të mundte Satanin dhe do të shpëtonte njerëzimin nga pushteti i tij. Kë do të dërgonte Perëndia? **Perëndia do të dërgonte një Çlirimtar. Një çlirimtar është dikush që na shpëton. Një çlirimtar na bën të lirë.**
10. Si do të vinte ky Çlirimtar? **Përmes farës së gruas (një virgjëreshe).**
11. A e meritonin Adami dhe Eva dashurinë e Perëndisë dhe premtimet e Tij për një çlirimtar? **Jo, ata meritonin të shkonin në ndëshkim të përjetshëm.**

12. Çfarë evidence ka në botë sot për mallkimin e Perëndisë ndaj Adamit dhe Evës, si edhe ndaj tokës? **Sëmundje, brenga, dhimbje gjatë lindjes, vdekje, punë të vështira, gjemba dhe barëra të këqija, thatësi, stuhi shkatërruese, bimë helmuese, insekte të dëmshme ndaj kafshëve janë të gjitha shenja të mallkimit të Perëndisë.**
13. Pse vdesin tërë njerëzit? **Meqë Adami nuk iu bind Perëndisë, tërë pasardhësit e Adamit do të vdesin.**
14. Pse Perëndia i vrau kafshët për të bërë veshje për Adamin dhe Evën? **Sepse Perëndia po u kujtonte atyre që ndëshkimi për mëkatin është vdekja.**
15. Pse u bëri Perëndia veshje? **Sepse, edhe pse kishin mëkatuar, Ai i donte ata ende, dhe Ai dëshironte t'u tregonte se ishte i vetmi që do t'i bënte të pranueshëm për Të.**
16. Pse Perëndia i dëboi Adamin dhe Evën jashtë kopshtit? **Në mënyrë që ata të mos ishin në gjendje të hanin frutën nga pema e jetës dhe të jetonin përgjithmonë në mëkat.**
17. Çfarë bëri Perëndia për të siguruar që ata të mos ktheheshin në kopsht? **Ai vendosi engjëj të quajtur kerubinë dhe një shpatë zjarri që vërtitej në çdo drejtim për t'i mbajtur larg.**
18. A mundet dikush të gënjejë apo të mashtrojë Perëndinë? **Jo.**
19. Kush i jep çdo personi jetën e tij? **Perëndia.**
20. Cilët ishin prindërit e parë? **Adami dhe Eva.**
21. Ku lindën Kaini dhe Abeli? **Jashtë kopshtit të Edenit.**
22. Pse Kaini dhe Abeli lindën mëkatarë dhe u ndanë nga Perëndia? **Sepse babai i tyre, Adami, mëkatoi.**
23. Pse tërë njerëzit kanë lindur mëkatarë dhe të ndarë nga Perëndia? **Për të njëjtën arsye, sepse Adami është edhe babai/paraardhësi i tyre.**
24. Pse Perëndia e pranoi Abelin dhe ofertën e tij? **Abeli besoi dhe iu bind Perëndisë.**
25. Pse Perëndia e refuzoi ofertën e Kainit? **Kaini nuk i besoi dhe nuk iu bind Perëndisë.**
26. Çfarë bëri Kaini kur Perëndia e refuzoi ofertën e tij? **Ai ishte i zemëruar dhe vrau Abelin.**
27. Si e dinte Perëndia atë që i kishte bërë Kaini Abelit? **Perëndia shikon gjithçka.**
28. A i erdhi keq Kainit që vrau Abelin? **Jo, ai u largua nga Perëndia.**
29. Pse Perëndia i dha Setin, Adamit dhe Evës? **Perëndia ua dha për të zëvendësuar Abelin.**

Noeu dhe pasardhësit e tij: Njerëzit në kohën e Noeut mendonin vetëm për veten. Ata ishin të dhunshëm. Ata nuk ishin të interesuar për ta njohur Perëndinë, apo për t'i pëlqyer Atij.

1. Çfarë tha Perëndia se do të bënte, si pasojë e refuzimit të njerëzve për t'u penduar? **Perëndia tha që Ai do të shkatërronte çdo qenie të gjallë në tokë.**
2. Pse Perëndia vendosi të shpëtonte Noeun dhe familjen e tij? **Ata ranë dakord me Perëndinë që ata ishin mëkatarë dhe i besuan Atij për t'i shpëtuar përmes ardhjes së Çlirimtarit.**
3. Çfarë i tha të bënte Perëndia Noeut? **Të ndërtonte arkën, sepse Perëndia do të përmbyste tokën.**
4. A e dëgjoi ndonjë nga njerëzit mesazhin e Noeut për Perëndinë? **Jo.**
5. A mund t'i shpëtojë dikush Perëndisë kur Ai vendos që është koha të ndëshkojë mëkatin? **Jo.**
6. Kur erdhi përmytja, a shpëtoi nga vdekja dikush jashtë arkës? **Jo.**
7. Çfarë shenje dha Perëndia (në qiell) për të treguar se Ai nuk do ta shkatërrojë kurrë

tokën përmes përmbytjes? **Ylberin.**

8. A adhuruan Perëndinë tërë pasardhësit e Noeut? **Jo, vetëm disa adhuruan Perëndinë.**
9. Çfarë bënte shumica e pasardhësve të Noeut? **Ata ndoqën gënjeshttrat e Satanit. Ata adhuronin idhuj të bërë, si njerëzit zogjtë, kafshët dhe rrëshqanorët. Ata adhuruan gjithashtu diellin hënën dhe yjet.**
10. Çfarë ndërtuan njerëzit që të ishin të rëndësishëm dhe të mos shpërndareshin në mbarë tokën siç urdhëronte Perëndia? **Kullën e Babelit.**
11. Çfarë bëri Perëndia për të ndaluar ndërtimin e kullës? **Ai u dha gjuhë të ndryshme familjeve të ndryshme, në mënyrë që të mos flisnin më me njëri-tjetrin. Meqë nuk mund të kuptonin njëri-tjetrin, ata u shpërngulën në vende të ndryshme.**

Abrahami: Edhe pse njerëzit u rebeluan kundër Perëndisë dhe ndërtuan kullën e Babelit, Perëndia do të mbante premtimin e Tij për të dërguar një Çlirimtar për njerëzimin. Perëndia zgjodhi Abramin të ishte pasardhësi i Çlirimtarit. Perëndia i tha Abramit të largohej nga vendi i tij dhe të shkonte në një vend ku Perëndia i premtoi ta çonte.

1. A kishte Abrami një familje? **Po, Saraj ishte gruaja e Abramit. Ata nuk kishin fëmijë.**
2. Çfarë premtimi i dha Perëndia Abramit për fëmijët e tij? **Pasardhësit e Abramit do të bëheshin një komb i madh.**
3. A e zgjodhi Perëndia Abramin, sepse Abrami nuk ishte mëkatar? **Jo, tërë njerëzit janë mëkatarë. Abrami besoi dhe iu bind Perëndisë.**
4. Cilët kushërinj të tjerë shkuan me Abramin dhe Sarajn? **Nipi i Abramit, Loti.**
5. Pse Loti u largua nga Abrami? **Nuk kishte bar të mjaftueshëm për të ushqyer kafshët e shumta që kishin. Kështu Abrami i tha Lotit të zgjidhte vendin që donte.**
6. Ku u shpërngul Loti? **Loti shkoi në vendin që dukej si vendi më i bukur. Ishte fushë.**
7. Afër cilave qytete jetoi Loti? **Sodoma dhe Gomorra.**
8. **Si ishin njerëzit në Sodomë dhe Gomorrë? Të ligj, ata e injoronin Perëndinë.**
9. Çfarë i bëri Perëndia Sodomës dhe Gomorrës? **Ai dogji qytetet dhe njerëzit.**
10. Pse Perëndia i dërgoi engjëjt e Tij për të shpëtuar Lotin, gruan dhe familjen e tij? **Sepse Loti u pajtua me Perëndinë që ishte mëkatar dhe u besoi premtimeve të Perëndisë për të dërguar një Çlirimtar.**
11. Pse Perëndia e ktheu gruan e Lotit në një statujë kripe? **Sepse ajo nuk iu bind urdhrit që u kishte dhënë Perëndia, që të mos e kthenin vështrimin pas drejt qyteteve që po digjeshin.**
12. Çfarë emrash të rinj u dha Perëndia Abramit dhe Sarajt? **Abraham dhe Sara.**

Mësuesi yt do të vendosë shenjën ✓ përbri çdo vargu që thua përmendësh.

___ Psalmi 119:160	___ Hebrejve 4:13	___ Romakëve 5:12	___ Fjalët e Urta 14:12
___ Ezekieli 18:32	___ Isaia 45:18	___ Zanafilla 12:2	___ Malakia 3:6a
___ Zanafilla 15:6	___ Fjalët e Urta 15:9		

Perëndia i dha Abrahamit Isakun



Koha e historisë

“A e gjen dot se çfarë zbuluam në Bibël, xhaxhi Piter?” - pyeti Xhoni.

“Çfarë gjetët, Xhon?” - pyeti xhaxhi Piteri.

“Unë me Karolën po kërkonim nëpër librat e ndryshëm në Bibël,” - tha Xhoni, - “dhe pamë emrin e Abrahamit të përmendur në disa libra të ndryshëm”.

“Jam i gëzuar që keni gjetur kohën për të parë në tërë Biblën” - tha xhaxhi Piteri. “Sa më shumë e lexojmë Biblën, aq më shumë do të mësojmë për Perëndinë dhe planet e Tij për ne”.

“Po pyesnim veten se pse flitet aq shumë për Abrahamin në Bibël” - tha Karola. “Sepse është i ndryshëm nga njerëzit e tjerë në Bibël” - tha xhaxhi Piteri.

“Çfarë do të thuash me këtë?” - pyeti Karola. “Për shkak të gjërave të mira që bëri?”.

“Po, por më e rëndësishmja,” - u përgjigj xhaxhi Piteri, - “është për shkak të premtimeve që Perëndia i dha Abrahamit. Dhe Abrahami i besoi Perëndisë”.

“Dhe Perëndia e pranoi sikur të ishte i drejtë” - thirri Xhoni.

“Kujtoj që kemi folur për tërë premtimet që Perëndia i dha Abrahamit. Vetëm se nuk i mbaj mend të gjitha”.

“Premtimet që i bëri Abrahamit janë shumë të rëndësishme për Të” - tha xhaxhi Piteri.

“Prandaj Ai i përmend ato në Bibël. Ai dëshiron që t'i kujtojmë të gjitha. Le të shohim në Bibël dhe të gjejmë disa prej premtimeve që kemi folur”.

“Njëri nga premtimet ishte që Perëndia do të bënte një komb të madh prej Abrahamit” - kujtoi Karola. “Dhe Abrahami nuk kishte fare fëmijë në atë kohë!”.

“Shikoni nëse mund të gjeni premtimin e fundit të Zanafilla 12:3” - tha xhaxhi Piteri.

“Thotë që tërë njerëzit në tokë do të bekoheshin përmes Abrahamit” - tha Xhoni.

“Këtu përfshihemi dhe ne, ti dhe unë” - tha xhaxhi Piteri.

“Do të thuash që Perëndia mendoi për ne që në atë kohë?” - pyeti Karola.

“Po, Karola,” - u përgjigj xhaxhi Piteri, - “edhe në atë kohë Perëndia e dinte që ne do të lindim. Perëndia di gjithçka. Dhe Ai zgjodhi të sillte bekim ndaj kujtdo që do të lindte nga pasardhja e Abrahamit. Çlirimtari i premtuar i Perëndisë do të ishte një prej pasardhësve të Abrahamit”.

“Perëndia tha gjithashtu, që pasardhësit e Abrahamit do të ishin sa yjet” - tha Xhoni. “Sa yje ka, xhaxhi Piter?”.

“Më tepër nga sa mund të numërojmë” - u përgjigj xhaxhi Piteri. “Perëndia po bënte një premtim shumë të madh e të mrekullueshëm!”.

“Si e dinte me siguri Abrahami se do të ndodhte e tëra kjo, sidomos duke qenë se nuk kishte fëmijë?” - pyeti Xhoni.

“Bibla na thotë që Abrahami i besoi Perëndisë, edhe kur dukej e pamundur” - u përgjigj xhaxhi Piteri. “Tërë këto gjëra që iu premtuan Abrahamit nuk vareshin nga aftësia e Abrahamit për t'i realizuar. Ato vareshin nga aftësia e Perëndisë për t'i realizuar. Nuk

është madhështia e Abrahamit, por ajo e Perëndisë që tregohet në jetën e Abrahamit.

Perëndia e përmbushi çdo premtim”.

“Por si i përmbushi Ai kur Abrahami nuk kishte fëmijë?” - pyeti Karola.

“Shiko,” - u përgjigj xhaxhi Piteri, - “Perëndia priti derisa Abrahami mbushi 100 vjeç dhe Sara 90. Pastaj Perëndia u dha atyre një djalë!”.

“Ata nuk mund të kishin një fëmijë në atë moshë, xhaxhi Piteri!” - thirri Karola. “Kjo është e pamundur”.

“Jo për Perëndinë” - tha xhaxhi Piteri. “Dhe me këtë bir Perëndia kishte gjëra edhe më të mahnitshme për të bërë përmes jetës së Abrahamit. Perëndia vendosi besimin e Abrahamit në provë. Ai donte të provonte besimin e Abrahamit, donte të provonte se sa shumë besim kishte Abrahami tek Ai”.

Le të shohim në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

Isaia 43:11 - “Unë, unë jam Zoti dhe përveç meje nuk ka Shpëtimtar tjetër”.

Shpëtimtar: Ai që shpëton nga e keqja apo shkatërrimi.

Le të mendojmë

Përgjigju këtyre pyetjeve dhe tregoja mësuesit.

1. Kujt i dha Perëndia shumë premtime? a. Satanit; b. Abrahamit; c. Lotit.
2. Sa fëmijë kishte Abrahami kur Perëndia i bëri këto premtime?
a. Një; b. Shumë; c. Asnjë.
3. Sa pasardhës tha Perëndia që do të kishte Abrahami?
a. Asnjë; b. Sa yjet në qiell; c. Një.
4. A ishin Abrahami dhe Sara të rinj kur Perëndia u tha që do të kishin një fëmijë? Po / Jo.
5. A ka ndonjë gjë të pamundur për Perëndinë? Po / Jo.

Mësime nga Fjala e Perëndisë

Zanafilla 21:1-3; 22:1-19



Edhe pse Abrahami dhe Sara ishin shumë të moshuar për të pasur fëmijë, Perëndia u premtoi t'u jepte një djalë. Shumë vjet kishin kaluar që kur Perëndia i kishte premtuar për herë të parë Abrahamit t'i jepte një djalë, por Perëndia nuk kishte harruar premtimin e Tij. Ai nuk e kishte ndryshuar planin e Tij. Perëndia mund t'i jepte Abrahamit dhe Sarës një djalë, sepse Ai është Krijuesi i tërë njerëzve dhe gjërave. Sara lindi një djalë ashtu siç kishte premtuar Perëndia; atë e quajtën Isak. Ashtu si Abrahami dhe Sara i përkisnin Perëndisë, po kështu djali i tyre, Isaku, i përkiste Atij.

Abrahami dhe Sara e donin shumë Isakun. Abrahami besoi se tërë premtimet e Perëndisë rreth Çlirimtarit që do të dërgonte Ai, do të përmbusheshin përmes Isakut dhe pasardhësve të tij. Një ditë, kur Isaku ishte rritur, Perëndia i tha Abrahamit të bënte diçka shumë të vështirë. Perëndia po vinte në provë Abrahamin, sepse donte të vërtetonte se sa shumë kishte besim tek Ai. Kështu Perëndia i tha Abrahamit të shkonte me Isakun në një mal, tek i cili do ta çonte Ai dhe ta ofronte atë si flijim ndaj Zotit. Ngaqë Abrahami besoi në Perëndinë, menjëherë bëri përgatitjet për të shkuar në vendi ku Perëndia i premtoi ta çonte. Abrahami e dinte se meqë Perëndia kishte krijuar gjithçka, Ai ka autoritet mbi çdo njeri dhe gjë. Ai nuk vuri në dyshim se pse Perëndia po kërkonte të flijonte birin e tij të vetëm, të cilin e donte. Abrahami besonte ende që Perëndia do të dërgonte Çlirimtarin përmes një prej pasardhësve të tij.

Abrahami nuk i kishte treguar Isakut se çfarë i kishte thënë Perëndia të bënte. Isaku e dinte që ndëshkimi për mëkatin është vdekja dhe se rruga e vetme për t'iu afruar Perëndisë ishte me anë të besimit, duke ofruar gjakun e një qengji apo dele si flijim në vend të njeriut. Isaku u çudit se pse i ati nuk mori me vete një qengj për ta flijuar. Abrahami, kur u ndërtua altari dhe ishte gati për flijimin, lidhi Isakun dhe e vuri mbi altar. Kur ngriti thikën për të therur të birin, Perëndia e thirri dhe i tha të mos e vriste Isakun. Perëndia e dinte që Abrahami kishte besim në Të. Meqë Abrahami besoi dhe iu bind Perëndisë, Ai lejoi që të ofronin një flijim tjetër në vend të Isakut. Megjithatë ata nuk kishin ndonjë kafshë të përsosur me vete për ta flijuar.

Perëndia është i dashur, i mëshirshëm dhe plot hir. Perëndia siguroi një ofertë tjetër në vend të Isakut. Perëndia bëri që një dash i përsosur të kapej nga brirët në një shkurre, në mënyrë që të flijohej në vend të Isakut. Perëndia shpëtoi Isakun duke siguruar dashin për të vdekur në vend të tij. Çlirimtari do të ishte tani në gjendje të vinte përmes pasardhësve të Isakut. Paraardhja gjenealogjike e Çlirimtarit të premtuar u ruajt. Ne mund të kemi besim të plotë që Perëndia do të mbajë premtimet e Tij.





Plotëso këtë aktivitet dhe tregoja mësuesit.

Ngjyros shkronjat që kanë një pikë për të zbuluar mesazhin e fshehtë.

A F G H I F L K U G D A N B P O
Ë C V D D U C A S N Z X D V
E Ë B J K D F J E A A D M F V M
F X B N Z A Q S F D O F G H J K
I Z T F G H C I O D G K A S G

Mesazhi: _____

Karta Awana 22 e përfunduar

Firma e mësuesit _____

Data _____

Bijtë e Isakut



Koha e historisë

Xhoni dhe Karola po rrinin jashtë shtëpisë së tyre duke parë qiellin kur xhaxhi Piteri iu afrua dhe i pyeti: “Çfarë po shikon?”.

“Po shikonim tërë yjet” - u përgjigj Xhoni. “Ke të drejtë, xhaxhi Piter. Është e pamundur të numërosh tërë yjet”.

“Ajo që nuk mund të kuptoj,” - tha Karola, - “është se si Isaku dhe familja e tij mund të kishin kaq shumë fëmijë. A kishte Isaku shumë fëmijë?”.

“Jo” - u përgjigj xhaxhi Piteri. “Isaku dhe gruaja e tij Rebeka kishin vetëm dy fëmijë. Ata ishin binjakë. Biri i parë që lindi ishte Esau dhe duke kapur prej thembre të vëllanë lindi djali i dytë, Jakobi”.

“Oh, jo!” - thirri Karola. “A nuk ishin Isaku dhe Rebeka të mërzhitur që kishin binjakë?”.

“Jo” - u përgjigj xhaxhi Piteri. “Ata ishin shumë të lumtur dhe mirënjohës që Perëndia u kishte dhënë atyre dy bijtë. Kujto, Perëndia u jep jetë tërë foshnjave. Ai nuk bën gabime. Perëndia tha që nga secili prej bijve do të dilte një komb i madh njerëzish”.

“Çlirimtari do të vinte përmes pasardhjes së Isakut, apo jo, xhaxhi Piter?” - pyeti Xhoni.

“Ke të drejtë, Xhon” - u përgjigj xhaxhi Piteri. “Perëndia kishte kursyer jetën e Isakut duke siguruar një dash për të vdekur në vend të tij, në mënyrë që ai të kishte shumë pasardhës, duke përfshirë edhe Çlirimtarin”.

“Pikërisht ashtu siç i kishte premtuar Abrahamit, babait të Isakut” - kujtoi Karola. “Por nga cili djalë do të rridhte Çlirimtari, xhaxhi Piter?” - pyeti Xhoni. “Nga Esau apo Jakobi?”.

“Shiko, në atë kohë,” - tha xhaxhi Piteri, - “premtimet rreth Çlirimtarit do të kalonin tek i parëlinduri. Këto zakone ishin shumë të rëndësishme për djalin e madh, sepse ai bëhej drejtuesi i familjes kur vdiste i ati. Ai merrte gjithashtu pjesën më të madhe të parave dhe zotërimeve të familjes”.

“Meqë Esau ishte më i madhi, përmes tij duhej të rridhte Çlirimtari” - pohoi Karola.

“Këtë priste edhe Isaku,” - tha xhaxhi Piteri, - “por Perëndia e dinte që Esau nuk ishte i interesuar për premtimet e Tij. Esau nuk besonte te Perëndia ashtu si Abrahami dhe Isaku. Esau ishte si Kaini. Ai nuk e konsideronte veten mëkatar dhe që kishte nevojë për t’u pranuar nga Perëndia. Esau i bëri gjërat sipas mënyrës së vet dhe jetoi vetëm për lumturinë e tij”.

“Atëherë, si ishte Jakobi, xhaxhi Piter?” - pyeti Karola.

“Jakobi bënte një jetë të qetë dhe mbante dele dhe gjedhë” - u përgjigj xhaxhi Piteri.

“Jakobi nuk ishte si Esau. Jakobi i besoi Perëndisë si gjyshi i tij, Abrahami, dhe si babai i tij, Isaku”.

“Nëse ishin aq të ndryshëm, ata mbase nuk luanin shumë bashkë ndërsa rriteshin, apo jo, xhaxhi Piter?” - pyeti Xhoni.

“Jo,” - tha xhaxhi Piteri, - “nuk luanin. Ata kishin shumë probleme duke jetuar bashkë

ndërsa rriteshin”.

“Dua ta di,” - tha Karola, - “nga cili do të rridhte Çlirimtari?”.

“Në rregull, Karola,” - tha xhaxhi Piteri, - “do t’ju tregoj se nga kush do të rridhte Çlirimtari, por së pari duhet të dëgjoni këtë histori për atë që i ndodhi njërit prej vëllezërve”.

Le të shohim në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

Fjalët e Urta 5:21 - “Sepse rrugët e njeriut janë gjithnjë përpara syve të Zotit, dhe ai vëzhgon të gjitha shtigjet e tij”.

Vëzhgon: Merr në konsideratë, peshon.

Le të mendojmë

Përgjigju këtyre pyetjeve dhe tregoja mësuesit.

1. A bën Perëndia ndonjëherë gabime? Po / Jo.
2. Kush ua jep jetën tërë foshnjave? a. Mamaja; b. Babai; c. Perëndia.
3. A besoi Esau te Perëndia? Po / Jo.
4. A besoi Jakobi te Perëndia? Po / Jo.
5. A shikon Perëndia dhe a di gjithçka? Po / Jo.

Mësime nga Fjala e Perëndisë




Zanafilla 25:19-34; 27:1-45; 28:10

Esau dhe Jakobi janë pasardhës të Abrahamit. Abrahami është gjyshi i tyre. Perëndia i kishte premtuar Abrahamit se Çlirimtari, i cili do të shpëtonte njerëzimin nga pushteti i Satanit, do të lindte sipas linjës gjenealogjike të Abrahamit dhe Isakut. Perëndia i premtoi gjithashtu Abrahamit se Isaku do të kishte shumë pasardhës. Perëndia mbajti të dhëna të hollësishme për atë që u ndodhi pasardhësve të Abrahamit afërsisht 4,000 vjet më parë. Kjo është shkruar në Bibël.

Isaku u martua me Rebekën, e cila lindi në Mesopotami, tokë ku Abrahami kishte jetuar para se Zoti ta çonte në Kanaan. Perëndia bëri të mundur që Isaku dhe Rebeka të kishin fëmijë, ashtu siç bëri me Abrahamin dhe Sarën. Isaku dhe Rebeka kishin binjakë, Esaun dhe Jakobin dhe Perëndia tha që nga secili prej tyre do të rridhnin kombe të mëdha njerëzish.

Esau ishte një gjuetar i zoti. Ai kalonte kohën duke gjuajtur e vrarë kafshë të egra nëpër fusha. Esau nuk interesohej për gjërat që Perëndia donte t'i jepte apo mësonte atij. Ai interesohej më tepër për t'u argëtuar dhe bërë gjërat sipas mënyrës së vet. Esau mendonte se mund të ishte i lumtur pa Perëndinë. Jakobi ishte shumë ndryshe nga Esau. Jakobi jetonte qetësisht në çadrën e tij. Ai kujdesej për delet dhe gjedhët. Jakobi besonte në Perëndinë e Abrahamit dhe Isakut.

Perëndia e dinte se çfarë mendonin për Të Esau dhe Jakobi. Perëndia di gjithçka. Edhe pse premtimet rreth Çlirimtarit do t'i kalonin zakonisht të parëlindurit të familjes, i cili ishte Esau, Esau nuk do të merrte premtimin. Esau u zemërua me Jakobin sepse ai kishte marrë trashëgiminë nga i ati, të cilën mendonte se ishte e vetja. Esau kërcënoi të vriste Jakobin, kështu që ky u largua nga shtëpia e babait dhe nënës dhe filloi një udhëtim të gjatë për në Mesopotami, tokë nga e cila kishte ardhur gjyshi i tij, Abrahami.





Plotëso këtë aktivitet dhe tregoja mësuesit.

Vendos shkronjat që mungojnë për të plotësuar Fjalët e Urta 5:21

S _____ t e nj _____ j _____
_____ gjith _____ p _____ y _____ t _____ Z _____
_____, dhe _____ i _____ ëzh _____ gj _____
_____ gj _____ e _____.

Karta Awana 23 e përfunduar

Firma e mësuesit _____

Data _____

Premtimi i Perëndisë ndaj Jakobit

Koha e historisë

“Karola, je gati të ikim?” - thirri Xhoni. “Po të mos nxitojmë, nuk do t’ia dalim të shkojmë në qytet me xhaxhi Piterin. Ai do të niset pas ca minutash”.

“Erdha!” - thirri Karola, ndërsa po zbriste nga shkallët. “Nuk e mbaja mend ku i kisha vënë paratë”.

“I gjete?” - pyeti Xhoni.

“Po” - u përgjigj Karola. “Ishin në xhepin e fustanit tim të palarë, që ishte poshtë krevatit”.

“Ti gjithmonë i harron gjërat, Karola” - tha Xhoni. “Ti harxhon shumë kohë duke kërkuar gjërat, sepse nuk i vendos në vendin e duhur”.

“Nuk është e vërtetë, Xhon” - u ankua Karola. “Nuk harroj gjithmonë... Oh, jo! Shiko kopshtin e luleve! Duhet që të hiqja barërat e këqija nga kopshti para se të shkoja në qytet”.

“E shikon ku e kam fjalën, Karola” - tha Xhoni. “Ti harron gjithmonë!”.

“Nuk mund të shkoj në qytet tani” - thirri Karola. “Duhet të rri në shtëpi dhe të heq barërat”.

“Jo, Karola” - tha Xhoni. “Mund të shkojmë në qytet tani dhe pastaj kur të kthehemi në shtëpi mund t’i heqësh barërat”.

“Jo, Xhon, nuk mund ta bëj këtë” - tha Karola. “I premtova mamit që do t’i hiqja barërat para se të shkoja në qytet. Nuk mund ta shkel premtimin. Ja ku po vjen xhaxhi Piteri. Duhet t’i them që nuk mund të vij”.

“Hej, ç’bëni ju!” - përshëndeti xhaxhi Piteri. “Jeni gati për të shkuar në qytet?”.

“Nuk mund të vij” - tha Karola e trishtuar. “Duhet të qëndroj këtu dhe të heq barërat e këqija nga kopshti i luleve”.

“Pse nuk e bërë këtë më herët, Karola?” - pyeti xhaxhi Piteri.

“Sepse harron, si gjithmonë!” - pohoi Xhoni. “I thashë që të vinte me ne dhe t’i heqë barërat kur të kthehemi, por ajo i premtoi mamit që ta bënte këtë para se të shkonim në qytet. Ajo ngul këmbë që do të qëndrojë dhe të heqë barërat siç ka premtuar”.

“Karola, jam krenar për ty!” - tha xhaxhi Piteri. “Nuk është gjithmonë e lehtë të bësh gjënë e duhur. Bëre gabim që harrova dhe e shikoj që të vjen keq për këtë, por po e ndreq, sepse po e mban premtimin që i bërë mamit. Ti po bën atë që do të donte Perëndia që të bënim. Po sikur Perëndia të mos i mbante premtimet e Tij, Xhon? A do të ishte në gjendje t’i besojë Atij se do të bëjë atë që thotë se do të bëjë?”.

“Jo, mendoj se jo” - u përgjigj Xhoni. “Edhe pse ka raste, xhaxhi Piteri, kur pyes veten se si njerëzit mund të besojnë me të vërtetë që Perëndia do të jetë në gjendje t’i mbajë tërë premtimet e Tij. Gjërat nuk duket se shkojnë gjithmonë sipas mënyrës që ka planifikuar Ai”.

“Si mund të thuash këtë?” - pyeti Karola. “Gjithçka që kemi lexuar deri tani në Bibël tregon se si Perëndia i mban premtimet e Tij”.

“Ke të drejtë, Karola” - tha xhaxhi Piteri. “Perëndia nuk i harron kurrë planet e Tij dhe asgjë nuk mund ta ndalojë për t’i bërë gjërat”.

“Satani është shumë i fuqishëm, xhaxhi Piter” - kujtoi Xhoni. “A nuk mendon se ai do të përpiquej të ndalonte Perëndinë, në mënyrë që Ai të mos e dërgonte Çlirimtarin që do ta mundte atë?”.

“Po,” - u përgjigj xhaxhi Piteri, - “Satani është përpjekur: a e kujtoni se si vdiq Abeli, djali i Adamit dhe Evës? Por Perëndia dha Setin në vend të tij. Perëndia di gjithçka që do të ndodhë. Perëndia e di saktësisht se çfarë do të përpiket të bëjë Satani. Perëndia është më i madh nga të gjithë. Perëndia ka pasur një projekt të madh për t’i shpëtuar njerëzit nga Satani, mëkati dhe vdekja. Ai i transmetoi premtimet e Tij nga një brez në tjetrin, nga ati te biri”.

“A e njihnin këta njerëz planin e Perëndisë?” - pyeti Karola.

“Disa prej tyre njihnin të paktën një pjesë të planit të Tij” - u përgjigj xhaxhi Piteri. “Perëndia ia dha premtimin e Tij për një Çlirimtar Abrahamit, pastaj më vonë i bëri të njëjtin premtim Isakut, dhe më vonë djalit të tij, Jakobit”.

“Oh” - tha Xhoni. “Kështu Abrahami e dinte që Isaku duhet të ishte gjallë; ishte pjesë e premtimit të Perëndisë. Abrahami duhet të kishte pasardhës për të pasur pasardhjen e Çlirimtarit. Tani e kuptoj!”.

“Ke të drejtë” - tha xhaxhi Piteri. “Perëndia mban çdo premtim; Ai realizon çdo plan. Perëndia është tërësisht besnik!”.

Le të shohim në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

Psalmi 33:11 - “Plani i Zotit mbetet përjetë dhe qëllimet e zemrës së tij për çdo brez”.

Plani: Këshilla, udhëzimi, drejtimi

Le të mendojmë

Përgjigju këtyre pyetjeve dhe tregoja mësuesit.

1. A i ndryshon Perëndia ndonjëherë planet e Tij? Po / Jo.
2. A është Perëndia në gjendje t’i mbajë premtimet e Tij? Po / Jo.
3. A donte Satani që të vinte Çlirimtari? Po / Jo.
4. A mund ta ndalonte Satani Çlirimtarin nëse do të përpiquej? Po / Jo.
5. A është Perëndia më i madh nga të gjithë? Po / Jo.


Mësime nga Fjala e Perëndisë



Zanafilla 28:11-15

Për shkak të ndryshimeve të mëdha midis Esaut dhe Jakobit, problemet midis dy vëllezërve arritën kulmin saqë Esau kërcënoi të vriste Jakobin. Prandaj Jakobi u largua nga shtëpia e tij dhe shkoi në Mesopotami, tokë nga e cila kishte ardhur gjyshi i tij, Abrahami. Nga Kanaani në Mesopotami ishte rrugë e gjatë, kështu që Jakobit iu desh të flinte në male.

Një natë, ndërsa Jakobi flinte, Perëndia bëri që ai të shikonte një ëndërr. Ndonjëherë gjatë kësaj periudhe kohe, Perëndia u fliste njerëzve me anë të ëndrrave. Por tani Fjala e Tij është e plotësuar, kështu që Ai na flet përmes Biblës. Atë natë Jakobi ëndërroi një shkallë që ishte vendosur në tokë dhe maja e saj arrinte në qiell. Në këtë shkallë Jakobi pa engjëjt e Perëndisë që hipnin e zbrisnin. Perëndia qëndronte në majë të shkallës.



Shkalla që pa Jakobi në ëndërr është figurë e mënyrës se si Çlirimtari mbush hapësirën boshe midis njeriut dhe Perëndisë. Tërë njerëzit janë të ndarë nga Perëndia për shkak të gënjeshtreve të Satanit dhe mosbindjes së Adamit ndaj Perëndisë. Nuk kishte asnjë mundësi që njerëzit të ktheheshin te Perëndia dhe të ishin miq me Të nëse vetë Ai nuk do të gjente një rrugë. Perëndia planifikoi të dërgonte Çlirimtarin i cili do të bënte të mundur që Perëndia dhe njeriu të bëheshin përsëri miq. Jakobi ishte mëkatar, ashtu si ne. Perëndia i tregoi Jakobit se ka vetëm një rrugë për te Perëndia dhe se kjo ishte përmes Çlirimtarit. Çlirimtari do të ishte si shkallët, të cilat pa Jakobi, duke filluar nga toka e arrinin në Qiell. Çlirimtari do të ishte rruga e vetme që njeriu t'i afrohej Perëndisë.

Perëndia i premtoi Jakobit se Çlirimtari i ardhshëm do të ishte një prej pasardhësve të tij. Jakobi e dinte me siguri se premtimet e dhëna gjyshit të tij, Abrahamit, dhe babait të tij, Isakut, i përkisnin tashmë atij. Jakobi do të kishte dymbëdhjetë bij. Secili prej këtyre stërnipave të Abrahamit do të bëhej një fis i madh njerëzish. Ne akoma u referohemi këtyre njerëzve si “dymbëdhjetë fiset e Izraelit”. Izrael është emri i ri që Perëndia i dha Jakobit.

Njeriu		PERËNDIA
	ÇLIRIMTARI	



Plotëso këtë aktivitet dhe tregoja mësuesit.

Plotëso vendet bosh në kutinë më poshtë me këto fjalë:

Çlirimtari

Perëndia

Njeriu

Karta Awana 24 e përfunduar

Firma e mësuesit _____

Data _____

Jozefi, djali i Jakobit



Koha e historisë

“Oh, xhaxhi Piter!” - thirri Karola. “Ndihej shumë keq!”.

“Si është puna, Karola?” - pyeti xhaxhi Piteri.

“Babi duhet të largohet për të gjetur punë” - u përgjigj Karola. “Do të më marrë malli për të”.

“Më vjen keq për ty dhe familjen tënde, Karola” - tha xhaxhi Piteri. “Që kur kompania ku punonte babi yt u dogj, ka qenë e vështirë që ai të gjejë një punë këtu afër. Si po ia kalon mami?”.

“Ajo është shumë e mërzitur” - tha Xhoni. “Ajo tha që nuk mund të kuptojë se si Perëndia lejoi që të ndodhte një gjë e tillë. Ajo mendon se Perëndia duhet të jenë në gjendje t'i gjejë babit një punë të fabrika jashtë qytetit. Atij do t'i duhet të udhëtojë vetëm pesë kilometra për në punë”.

“Pronari i fabrikës e njuh babin tonë” - tha Karola. “Ai e di që babi ynë ishte një punëtor i zoti. Ne nuk mund ta kuptojmë se pse nuk e merr në punë”.

“Duhet të flas me mamin tuaj dhe të përpiqem ta inkurajoj” - tha xhaxhi Piteri. “Sepse, edhe pse Perëndia mund t'i japë babit tuaj një punë, ndoshta mund të jetë gjëja më e mirë që ai të mos gjejë një punë në fabrikë”.

“Pse?” - pyeti Xhoni. “Si mund të jetë gjëja më e mirë për babin tonë që të largohet nga shtëpia për të punuar?”.

“A e kujton atë fjalën që mësuam pak më parë?” - pyeti xhaxhi Piteri. “Fjala që përshkruan faktin që Perëndia është më i madh se të gjithë?”.

“Do të thuash ‘sovrn’?” - pyeti Karola.

“Shumë mirë, Karola” - tha xhaxhi Piteri. “Po, kjo është fjala. Do të thotë që Perëndia është autoriteti më i lartë. Ai është i vetmi që ka fjalën e fundit për gjërat dhe Ai e di saktësisht se si të bëjë që gjithçka të bashkëveprojë sipas planit të Tij, edhe kur gjërat duken të tmerrshme”.

“Por unë nuk kuptoj” - tha Xhoni. “A nuk do Perëndia që babi ynë të jetë në shtëpi me ne?”.

“Sigurisht që po, Xhon” - tha xhaxhi Piteri. “Por ndonjëherë na duhet të presim për pak kohë para se të ndodhin gjëra të mira. Ndonjëherë Perëndia ka gjëra të tjera të cilat Ai dëshiron që ne dhe të tjerët të mësojmë gjatë rrugës”.

“Nuk e kuptoj se si mund të ketë ndonjë gjë të mirë që mund të vijë nga largimi i babit tonë” - tha Xhoni. “E ardhmja nuk duket shumë e mirë për ne!”.

“Xhon, dua që të mendosh për diçka” - tha xhaxhi Piteri. “Si dukej e ardhmja kur mëkatuan Adami dhe Eva?”.

“Jo e mirë” - u përgjigj Xhoni. “Ndëshkimi i mëkatit është vdekja”.

“Por çfarë bëri Perëndia?” - pyeti xhaxhi Piteri.

“Ai premtoi një çlirimtar” - u përgjigj Karola.

“A e dërgoi Ai Çlirimtarin menjëherë?” - pyeti xhaxhi Piteri.

“Jo” - tha Karola.

“Si u duk kur Perëndia dërgoi përmytjen?” - pyeti xhaxhi Piteri.

“E tmerrshme!” - tha Xhoni. “Por Perëndia e shpëtoi Noeun dhe këdo e gjithëka tjetër në arkë”.

“Po Abrahami?” - pyeti xhaxhi Piteri. “Ai nuk kishte fëmijë derisa u bë 100 vjeç. Dhe pastaj ja ku doli Isaku, a e kujtoni se si e shpëtoi Perëndia? Perëndia është i vetmi që mund të na shpëtojë! A mendon se nuk ka shpresë që babi yt të fillojë një punë afër shtëpisë?”.

“Kështu duket” - tha Karola. “Por mendoj nuk duhet të më lërë shpresa”.

“Unë do të doja që babai të rrinte në shtëpi tani” - tha Xhoni.

“Edhe unë” - tha xhaxhi Piteri. “Dhe mendoj se do të vlerësosh historinë që do të studiojmë. Perëndia bëri një gjë tjetër të mahnitshme. Kjo ishte pjesë e planit të Tij për të gjetur një rrugë që njerëzit të shpëtoheshin nga mëkatet e tyre. Këtë herë Perëndia lejoi që një njeri i pafajshëm të shkonte në burg”.

“A është e vërtetë kjo?” - pyeti Xhoni.

“Po,” - u përgjigj xhaxhi Piteri, - “ashtu ka ndodhur dhe Perëndia e përdori për mirë”.

Le të shohim në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

Vajtimet 3:26 - “Gjë e mirë është të presësh në heshtje shpëtimin e Zotit”.

Shpëtim: Çlirim

Le të mendojmë

Përgjigju këtyre pyetjeve dhe tregoja mësuesit.

1. Kush është autoriteti më i lartë? a. Satani; b. Njeriu; c. Perëndia.
2. A është Perëndia sovran? Po / Jo.
3. A është ndëshkimi për mëkatin vdekja? Po / Jo.
4. Kush e shpëtoi Noeun nga përmytja? a. Perëndia; b. Engjëjt; c. Arka.
5. A është Perëndia i vetmi që mund të na shpëtojë nga pushteti i Satanit? Po / Jo.

Mësime nga Fjala e Perëndisë



Zanafilla 37, 39-41:8

Shumë vjet më vonë Jakobi u kthye në Kanaan, atje ku kishte lindur. Jakobi kishte gjithsej 12 djem. Jozefi, një prej djemve më të vegjël të Jakobit, ishte djali i preferuar. Kur vëllezërit e Jozefit bënë gjëra të gabuara, Jozefi i tregoi të atit, Jakobit, se çfarë bënë. Jakobi bëri një mantel shumëngjyrësh për Jozefin. Vëllezërit e Jozefit e urrenin atë dhe nuk i flisnin me mirësjellje, sepse e dinin që babai e donte më shumë se ata.

Një ditë Jozefi pa një ëndërr dhe ua tregoi vëllezërve; dhe ata e urrenin edhe më tepër. Në ëndrrën e tij Jozefi dhe vëllezërit po lidhnin duaj në fushë. Kapulja e Jozefit u ngrit para duajve të vëllezërve dhe duajt e tyre u përkulën para kapules së tij. Vëllezërit e Jozefit ishin të zemëruar me të sepse ëndrra nxirrte që një ditë Jozefi do të sundonte mbi ta. Më vonë Jozefi pa një ëndërr tejtër ku dielli, hëna dhe yjet u përkulën para tij.

Jozefi nuk mund ta shikonte të ardhmen e tij. Ai nuk e dinte se si do të përmbusheshin ëndrrat e tij. Por Perëndia e bëri të qartë se Jozefi do të bëhej drejtuesi dhe sunduesi mbi familjen. Perëndia e njeh të ardhmen.

Vëllezërit e Jozefit ishin aq xhelozë për të saqë bënë plan për ta vvarë. Megjithatë ata ndryshuan mendje dhe ia shitën tregtarëve që shkonin në Egjipt, të cilët e shitën si skllav. Jozefi, edhe pse ishte skllav, u trajtua mirë në fillim. Për një farë kohe gjithçka po shkonte mirë për Jozefin në shtëpinë ku punonte. Por kur gruaja e pronarit bëri akuza të rreme kundër tij, Jozefi u fut në burg. Edhe pse vëllezërit e Jozefit e urrenin dhe gruaja e pronarit të tij gënjeu, ai akoma besonte në Perëndinë e vetëm të vërtetë e të gjallë.

Perëndia nuk e braktisi Jozefin edhe kur ishte në burg. Perëndia u kujdes për të sepse kishte një plan të mrekullueshëm për jetën e Jozefit. Tani që Jozefi ishte në burg, dukej e pamundur që ai të bëhej drejtuesi dhe sunduesi i familjes së tij, por Perëndia nuk ndryshon asnjëherë. Ai bën gjithmonë atë që premtan. Ai nuk është si njerëzit që ndryshojnë mendje, harrojnë premtimet apo thonë gënjeshtër.


Faraoni, mbreti i Egjiptit, nuk njihte apo adhuronte Perëndinë e gjallë e të vërtetë. Egjiptianët adhuronin diellin, hënën dhe yjet, kafshët e krijesat vdekatare dhe lumin Nil. Megjithatë, Perëndia planifikoi të përmbushte qëllimet e Tij, duke përdorur këtë mbret të keq dhe vendin e tij. Perëndia është sovran mbi tërë njerëzit dhe kombet edhe pse mund të mos e njohin apo adhurojnë. Ai mund të përdorë këdo në çfarëdo lloj mënyre që zgjedh për të përmbushur qëllimet e Tij. Perëndia është më i madh dhe më i fuqishëm se të gjithë. Ai është sovran mbi të lartë i çdo gjëje. Perëndia do të vepronte përmes jetës së faraonit egjiptian dhe një të burgosuri izraelit për të bërë diçka që do t'i shërbente popullit të Tij.

Jozefi, edhe pse ishte në burg, besoi se qëllimet e Perëndisë ishin të duhurat për të. Jozefi, edhe pse nuk e dinte në atë kohë se si do të vepronte Perëndia, i besoi Perëndisë. Ai do të priste që Perëndia të bënte më të mirën. Ndërkohë që të tjerët e braktisën, Jozefi e dinte se Perëndia ishte shpresa e tij e vetme për t'u shpëtuar.



Plotëso këtë aktivitet dhe tregoja mësuesit.

Rretho gjërat që adhuronin egjiptianët:



Perëndinë



Karta Awana 25 e përfunduar

Firma e mësuesit _____

Data _____

Izraeli shkon në Egjipt

Koha e historisë



“E di?” - thirri Karola ndërsa xhaxhi Piteri u ngjit në shtëpinë e saj.

“E dëgjove nga babi?” - pyeti xhaxhi Piteri.

“Po, e dëgjua” - tha Karola. “Nga e dije ti?”.

“Nuk e dija” - u përgjigj xhaxhi Piteri, duke qeshur. “Thjesht po hamendësoj. M’u duke shumë e lumtur, kështu që mendova që ishte për shkak se ke marrë ndonjë lajm nga babi yt. A ka filluar punë?”.

“Po” - u përgjigj Karola. “Por nuk mbaron këtu. Të kujtohet që the se planet e Perëndisë janë më të mira se tonat dhe...”.

“Dhe që Ai dëshiron që të mësojmë diçka ndërkohë që presim të realizohen planet e Tij” - ndërpreu Xhoni.

“Po” - tha xhaxhi Piteri. “E kujtoj që jua thashë”.

“Atëherë, është e vërtetë” - tha Xhoni i gëzuar. “Ne nuk kishim ëndërruar kurrë që babi ynë të gjente një punë të tillë!”.

“Atëherë,” - tha xhaxhi Piteri, - “më tregoni për këtë punën e re që ka gjetur babi juaj”.

“Në rregull” - tha Karola. “Kur babi shkoi në qytet për të gjetur punë, ai po kërkonte një punë të ngjashme me atë që kishte këtu. Pasi kërkoi vërdallë për një punë për disa ditë dikush e telefonoi për një punë. A mund ta besosh xhaxhi Piter, dikush e telefonoi babin tonë!”.

“Ne nuk e kuptojmë gjithmonë se si vepron Perëndia, apo jo, Karola?” - pyeti xhaxhi Piteri.

“Sigurisht që jo” - u përgjigj Karola.

“Prit se ka akoma edhe një lajm të mirë” - tha Xhoni. “Babi filloi punë sot për këtë kompani. Megjithatë, ai do të punojë në qytet vetëm derisa të trajnohet”.

“A e gjen dot se ku do të punojë pasi të trajnohet, xhaxhi Piter?” - pyeti Karola e gëzuar.

“Nuk e di” - u përgjigj xhaxhi Piteri. “Do të jetë afër me shtëpinë tuaj?”.

“Po, afër!” - tha Xhoni. “Nuk ka nevojë të përdorë makinën për të shkuar në punë”.

“Duket që Perëndia paska pasur planin më të mirë” - tha xhaxhi Piteri. “Po sikur babi yt të mos shkonte në qytet për të gjetur punë? A do të kishte gjetur punë?”.

“Kam menduar për këtë” - u përgjigj Xhoni.

“Xhaxhi Piteri,” - tha Karola, - “ti vazhdon të na thuash se sa i mirë është Perëndia, se si njëj gjithçka që do të na ndodhë në të ardhmen dhe që Ai mund të realizojë planet e Tij pavarësisht se si na duken gjërat e këqija. Tani e kam parë vetë që ke thënë të vërtetën për Perëndinë. Nuk do ta harroj kurrë atë që ka bërë Perëndia për ne”.

“As unë” - tha Xhoni. “Kam mësuar se Perëndia është i plotfuqishëm. Ai mund të bëjë gjithçka, edhe të pamundurën!”.

“Shpresoj të mos e harroni,” - tha xhaxhi Piteri, - “sepse është e lehtë të harrosh atë që bën Perëndia për ne kur gjithçka shkon mirë në jetën tonë. Shumë njerëz mendojnë se ata nuk do të harrojnë mirësinë e Perëndisë dhe pastaj menjëherë e harrojnë. A e kujtoni

historinë e Jozefit në burg? Atë e lanë në burg për vite me radhë e megjithatë, ai nuk e harroi Perëndinë dhe mirësinë e Tij. Jozefi e dinte që mirësia e Perëndisë nuk ka të bëjë vetëm me gjërat materiale: gjëra që na i jep Ai. Ai i besoi gjithmonë Perëndisë për të ardhmen e tij, edhe pse nuk i kuptonte planet e Perëndisë për të. Ai nuk u ankua kundër Perëndisë”.

“E kujtoj” - tha Karola. “Por ti the që Perëndia përdori kohën e Jozefit në burg për të mirë. Nuk kam parë ende një gjë të mirë nga kjo”.

“Sepse nuk ju kam treguar ende vazhdimin e historisë” - tha xhaxhi Piteri. “Uluni dhe dëgjoni një histori të mirësisë së Perëndisë ndaj Jozefit, që është e ngjashme me mirësinë që ka treguar ndaj babit tuaj”.

Le të shohim në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

Fjalët e Urta 21:1 - “Zemra e mbretit në duart e Zotit është si rrjedhat e ujit; atë e drejton ngado që do ai”.

Le të mendojmë

Përgjigju këtyre pyetjeve dhe tregoja mësuesit.

1. Kush është Ai që ka planet më të mira?
a. Njeriu; b. Satani; c. Perëndia.
2. A i kuptojmë gjithmonë planet e Perëndisë? Po / Jo.
3. A harrojmë ndonjëherë për mirësinë e Perëndisë? Po / Jo.
4. A ka ndonjë mbret më të fuqishëm se Perëndia? Po / Jo.
5. A ka ndonjë gjë shumë të vështirë që Perëndia nuk mund ta bëjë? Po / Jo.


Zanafilla 41-46:7

Perëndia i dha Faraonit dy ëndrra për të ardhmen e Egjiptit. Megjithatë Faraoni nuk mund të kuptonte ëndrrat. Ai gjithashtu nuk mund të gjente dikë tjetër që mund të interpretoje ëndrrat e tij.

Faraoni dëgjoi se Jozefi mund të interpretoje ëndrrat, kështu që dërgoi njerëz ta thërrisnin. Jozefi e dinte se nuk mund të interpretoje ëndrrat pa ndihmën e Perëndisë. Perëndia i dha Jozefit njohje në mënyrë që mbreti të mësonte që do të ndodhte një zi e madhe buke në vendin e tij. Jozefi i tha Faraonit se ishte Perëndia që i dha interpretimin e ëndrrës.

Perëndia bëri që Faraoni të vendoste Jozefin në pozicionin e sundimtarit të lartë në Egjipt, i dyti pas tij! Edhe pse Jozefi kishte kaluar kohëra të vështira, Perëndia kishte gjithçka nën kontroll. Ëndrrat që i kishte treguar kur ishte i ri, do të përmbusheshin tani. Vëllezërit e Jozefit u përkulën para tij! Perëndia bën gjithmonë atë që planifikon. Ai mban premtimet e Tij.


Vëllezërit e Jozefit zbritën në Egjipt për të marrë ushqim. Ngaqë Jozefi ishte përgjegjës për ushqimin në Egjipt, vëllezërit e tij duhet të shkonin tek ai për ta marrë. Jozefi, si sundimtar mbi Egjipt, mund t'i ndëshkonte vëllezërit e tij që e kishin shitur te tregtarët. Por në vend të kësaj Jozefi qau kur u tregoi të vëllezërve se kush ishte. Jozefi u shpjegoi se Perëndia kishte nën kontroll gjithçka që kishte ndodhur dhe se Ai kishte përdorur veprimet e tmerrshme të vëllezërve për diçka të mirë. Gjërat shumë të vështira që i ndodhën Jozefit, rezultuan në një pjesë të rëndësishme të planit të Perëndisë. Perëndia e kishte vendosur Jozefin si sundimtar mbi Egjiptin në mënyrë që të siguronte ushqim për izraelitët gjatë kohës së zisë së bukës. Tërë pasardhësit e Jakobit, apo Izraelit, quheshin tashmë bijtë e Izraelit, izraelitë, apo thjesht Izrael. Perëndia po siguronte për pasardhësit e Abrahamit dhe po ruante paraardhjen gjenealogjike të Çlirimtarit. Ai vepron ashtu siç planifikon. Jozefi, vëllezërit e tij dhe babai i tyre, Jakobi, po jetonin tani në Egjipt, ashtu siç i kishte thënë Perëndia Abrahamit.



Përsëritje

Plotëso këtë aktivitet dhe tregoja mësuesit.

Ndihmo izraelitët të gjejnë rrugën për në Egjipt.



Egjipti

Karta Awana 26 e përfunduar

Firma e mësuesit _____

Data _____

Pyetje, pyetje, pyetje

Koha e historisë

“Përshëndetje, xhaxhi Piter!” - përshëndeti Karola.

“Përshëndetje Xhon e Karola!” - tha xhaxhi Piteri.

“Çfarë ke në dorë, xhaxhi Piter?” - pyeti Xhoni.

“Bllokun tim të shënimeve” - tha xhaxhi Piteri. “Kam shkruar tërë historitë e ndryshme nga Bibla për të cilat kemi folur së bashku. Meqë ju të dyve ju pëlqen të bëni gara për historitë, vendosa të sajoj disa pyetje për historitë e fundit për të cilat kemi folur. Këtë gjë do ta quajmë ‘test’. Ky do të shërbejë për të parë kush di më shumë”.


“Më pëlqen kjo ide!” - tha Karola. “Herën e fundit që bëmë diçka të tillë, unë dhe Xhoni iu përgjigjëm të njëjtit numër pyetjesh. Këtë herë mendoj se do t’u përgjigjem unë më shumë pyetjeve sesa ai”.

“Kam një ide tjetër” - tha Xhoni. “Mendoj se do të fitoj dhe do t’u përgjigjem më tepër pyetjeve sesa ty, kështu që le ta bëjmë që kush humbet duhet të bëjë diçka të ëmbël për fituesin”.

“Oh, Xhon,” - tha Karola, duke qeshur, - “gjithmonë përpiqesh që dikush të të bëjë diçka për të ngrënë! Vetëm mbaj mend, nëse humbet, ti do të më bësh mua diçka për të ngrënë”.

“Dhe meqë unë do të bëj pyetjet,” - tha xhaxhi Piteri, duke qeshur, - “do të ndihmoj fituesin të hajë trofeun”.

“Në rregull, xhaxhi Piter,” - tha Xhoni, - “le të fillojmë!”.



Le të mendojmë

Pyetjet:

Isaku: Edhe pse Abrahami dhe Sara ishin shumë të moshuar për të pasur fëmijë, Perëndia kishte premtuar t'u jepte atyre një djalë. Shumë vjet kishin kaluar që kur Perëndia i premtoi për herë të parë Abrahamit një djalë, por Perëndia nuk e kishte harruar premtimin e Tij. Ai nuk e kishte ndryshuar planin e Tij. Perëndia mund të vendoste t'i jepte Abrahamit dhe Sarës një djalë, sepse Perëndia është Krijuesi i tërë njerëzve dhe gjërave. Sara lindi një djalë, ashtu siç kishte premtuar Perëndia. Abrahami dhe Sara e quajtën birin e tyre Isak. Ashtu si Abrahami dhe Sara i përkisnin Perëndisë, po kështu edhe biri i tyre Isak i përkiste Perëndisë.

1. Kujt i dha Perëndia shumë premtime? **Abrahamit.**
2. Sa pasardhës tha Perëndia se do të kishte Abrahami? **Abrahami do të kishte aq pasardhës sa kishte yje.**
3. Sipas pasardhjes së kujt, premtoi Perëndia për të dërguar Çlirimtarin? **Asaj të Abrahamit dhe Isakut.**
4. Çfarë i kërkoi Perëndia Abrahamit për t'i bërë Isakut? **Ta ofronte si flijim.**
5. Çfarë autoriteti kishte Perëndia për t'i kërkuar Abrahamit të ofronte Isakun si flijim?
 - a. **Perëndia është Krijuesi i çdo gjëje; për këtë arsye Ai është zotëruesi i çdo gjëje.**
 - b. **Perëndia i dha jetën Isakut.**
6. Nëse Abrahami do të vriste Isakun, atëherë Abrahami nuk do të kishte pasardhës me anë të të cilëve të vinte Çlirimtari. A mendoi Abrahami se Perëndia kishte ndryshuar mendjen për Çlirimtarin, që Ai të vinte nga pasardhja e tij? **Jo, Abrahami i besoi Perëndisë. Ai ishte i sigurt që Perëndia i mban gjithmonë premtimet e Tij.**
7. Çfarë mendoi Abrahami se do të bënte Perëndia kur të flijonte Isakun? **Abrahami mendonte se nëse do të vriste Isakun, ashtu siç e kishte urdhëruar Perëndia, Ai do ta ringjallte prej së vdekurish.**
8. Kur Abrahami e lidhi Isakun dhe e vuri në altar, a kishte ndonjë mundësi Isaku që të çlirohej nga vdekja? **Jo, Isaku nuk mund ta çlironte veten nga vdekja.**
9. A ka ndonjë mënyrë që një person mund ta shpëtojë veten nga paga e vdekjes dhe ndëshkimit të përjetshëm që meriton për shkak të mëkateve të tij? **Jo, askush nuk mund të shpëtojë veten nga ndëshkimi i Perëndisë. Askush nuk mund t'i shpëtojë Perëndisë.**
10. Kush i foli Abrahamit dhe e shpëtoi Isakun nga vdekja? **Perëndia.**
11. A kishte ndonjë person tjetër që mund ta shpëtonte Isakun nga vdekja, përveç Perëndisë? **Jo.**
12. Kush siguroi një flijim për të zënë vendin e Isakut? **Perëndia.**
13. Pse mbahej dashi prej brirësh në shkurre? **Për shkak se Perëndia është i përsosur, Ai do të pranonte vetëm një flijim që ishte i fortë dhe i shëndetshëm.**
14. Pse Abrahami e quajti vendin ku Perëndia i siguroi dashin "Zoti do të furnizojë"? **Sepse Abrahami besonte që, ashtu si Zoti siguroi dashin në vend të Isakut, Zoti do të siguronte një ditë Çlirimtarin, i Cili do të mundte Satanin dhe do të çlironte njerëzimin nga pushteti i Satanit dhe ndëshkimi i përjetshëm.**

Esau, Jakobi dhe Jozefi: Esaut nuk i interesonin premtimet që Perëndia i kishte dhënë Abrahamit për Çlirimtarin. Esau nuk pranoi se ishte mëkatar dhe as besoi në mëshirën e Perëndisë. Esau jetoi për atë që mund të kishte dhe për atë që mund të bënte për momentin. Jakobi dhe Jozefi i besuan Perëndisë. Jakobi dhe Jozefi besuan te premtimet rreth Çlirimtarit.

1. Prej pasardhësve të kujt do të vinte Çlirimtari, të Esaut apo të Jakobit? **Të Jakobit.**
2. Pse Jakobi u largua nga shtëpia e të atit dhe e së ëmës? **Sepse Esau ishte i zemëruar me Jakobin dhe donte ta vriste.**
3. Çfarë pa Jakobi në ëndërrin e dhënë nga Perëndia? **Ai pa një shkallë të mbështetur mbi tokë, maja e së cilës prekte qiellin. Engjëjt e Perëndisë ngjiteshin dhe zbrisnin në shkallë, dhe Perëndia qëndronte në majë të shkallës.**
4. Çfarë kuptimi kishte ëndrra e Jakobit? **Që Çlirimtari, i Cili do të ishte pasardhës i Jakobit, do të ishte si shkalla që lidhte tokën me qiellin. Përmes Çlirimtarit njerëzit mund të bashkoheshin me Perëndinë.**
5. Perëndia i foli Jakobit në ëndërr. Si u flet Perëndia njerëzve sot? **Sot Perëndia u flet njerëzve kryesisht përmes Fjalës së Tij, Biblës.**
6. Kush ishte djali i preferuar i Jakobit? **Jozefi.**
7. Si reaguan vëllezërit më të rritur të Jozefit ndaj dashurisë së babait për Jozefin? **Ata ishin xhelozë dhe e urrenin Jozefin.**
8. Çfarë ëndrre pa Jozefi? **Ai pa në ëndërr që ai dhe vëllezërit e tij lidhnin duaj, dhe duajt e vëllezërve të tij u përkulën para duajve të tij. Ai pa në ëndërr gjithashtu që dielli, hëna dhe yjet u përkulën para tij.**
9. Çfarë kuptimi kishin ato ëndrra? **Ata nënkuptonin që Jozefi do të bëhej drejtues dhe kryesues mbi tërë familjen e tij.**
10. Kush e njihte të ardhmen e Jozefit dhe ia tregoi atij përmes ëndrrave të tij? **Perëndia.**
11. Ç'pjesë të së ardhmes njih Perëndia? **Perëndia njeh tërë të ardhmen.**
12. Çfarë i bënte Jozefit vëllezërit e tij? **Ata e shitën Jozefin për t'u bërë skllav në Egjipt.**
13. Çfarë i ndodhi Jozefit në Egjipt? **Gruaja e pronarit të Jozefit gënjeu kundër tij dhe ai u fut në burg.**
14. Kush u kujdes për Jozefin në burg? **Perëndia.**
15. Pse u kujdes Perëndia për Jozefin?
 - a. **Sepse, edhe pse Jozefi ishte mëkatar, i besoi Perëndisë dhe mëshirës së Tij;**
 - b. **Sepse Jozefi u besoi premtimeve të Perëndisë rreth Çlirimtarit;**
 - c. **Sepse Perëndia kishte një plan të mrekullueshëm për jetën e Jozefit.**
16. Kush ia dha Jozefit interpretimin e ëndrrave të Faraonit? **Perëndia.**
17. Çfarë kuptimi kishin ëndrrat e Faraonit? **Perëndia po i bënte të ditur mbretit që do të kishte shtatë vjet të korra të mbara, të cilat do të pasoheshin nga shtatë vjet thatësire.**

18. A mundet Perëndia të bëjë atë që dëshiron, edhe në vende ku njerëzit nuk e njohin apo adhurojnë Atë? **Po, Perëndia është në gjendje të bëjë atë që dëshiron, sepse Ai është Shumë i Larti.**
19. Si i realizoi Perëndia ëndrrat që i dha Jozefit kur ai ishte i ri? **Zoti i dha Jozefit dituri për të interpretuar ëndrrat e mbretit, në mënyrë që Jozefi të merrte pozitën e të dytit pas mbretit.**
20. Pse e mori Jakobi tërë familjen e tij për të jetuar në Egjipt?
 - a. **Sepse Jakobi kishte dëgjuar që Jozefi ishte në Egjipt.**
 - b. **Sepse kishte shumë ushqim në Egjipt.**
 - c. **Perëndia kishte planifikuar të ndodhte një gjë e tillë.**
 - d. **Sepse mbreti e kishte ftuar Jakobin të jetonte në Egjipt.**
21. Si quheshin pasardhësit e Abrahamit, Isakut dhe Jakobit? **Bijtë e Izraelit, izraelitë apo Izrael.**

Përko referencat me vargun e saktë.

1. Isaia 43:11

2. Fjalët e Urta 5:21

3. Psalmi 33:11

4. Vajtimet 3:26

5. Fjalët e Urta 21:1

___ *Gjë e mirë është të presësh në heshtje shpëtimin e Zotit.*

___ *Plani i Zotit mbetet përjetë dhe qëllimet e zemrës së tij për çdo brez.*

___ *Sepse rrugët e njeriut janë gjithnjë përpara syve të Zotit, dhe ai vëzhgon të gjitha shtigjet e tij.*

___ *Zemra e mbretit në duart e Zotit është si rrjedhat e ujit; atë e drejton ngado që do ai.*

___ *Unë, unë jam Zoti dhe përveç meje nuk ka Shpëtimtar tjetër.*

Karta Awana 27 e përfunduar

Firma e mësuesit _____

Data _____

Izraelitët bëhen skllëvër



Koha e historisë

“Shiko se çfarë gjeta në gazetë, xhaxhi Piter!” - tha Karola e gëzuar. “Gjeta emrin ‘Izrael’ në faqe të parë të gazetës!”.

“Jam i gëzuar që shikoj që po i mban sytë hapur dhe po mëson!” - tha xhaxhi Piteri. “A i kujton gjërat e para që mësuam për Izraelin kur filluam të flisnim për Biblën?”.

“A ishte për popullin që Perëndia përdori për të shkruar Biblën?” - pyeti Xhoni.

“Ke të drejtë, Xhoni!” - tha xhaxhi Piteri. “Perëndia zgjodhi judenjtë, pra, izraelitët, për të shkruar Fjalën e Tij. Të gjithë, përveç njërit, ishin judenj”.

“Kujtoj atë që më the, xhaxhi Piter” - tha Karola. “Ti the që Izraeli ishte si mikrofoni i Perëndisë për të shpallur Fjalën e Tij ndaj botës”.

“Ke të drejtë, Karola” - tha xhaxhi Piteri. “Dhe Izraeli është ende shumë i rëndësishëm dhe shumë nëpër lajme sot”.

“Si është në Izrael sot?” - pyeti Xhoni.

“Një pjesë e Izraelit ka ndryshuar” - u përgjigj xhaxhi Piteri. “Por një pjesë e tij ka mbetur njësoj si në kohërat e Biblës. Shumë nga vendet që përmenden dhe për të cilat flitet në Bibël janë akoma atje. Shumë njerëz jetojnë në Izrael dhe shumë prej tyre janë judenj: njerëz që mund të gjurmojnë paraardhjen e tyre familjare deri në kohët biblike. Kujtoni, izraelitët apo judenjtë e gjurmojnë historinë e tyre deri tek Abrahami dhe Jakobi, të cilin Perëndia e quajti Izrael”.

“Sa kohë më parë kanë jetuar Abrahami dhe Jakobi?” - pyeti Karola.

“Unë e di përgjigjen!” - tha Xhoni. “Ka kaluar shumë kohë. Abrahami jetoi 4000 vjet më parë. Dhe Jakobi ishte nipi i tij”.

“Çfarë ndodhi me izraelitët pasi shkuan në Egjipt me Jozefin, xhaxhi Piter?” - pyeti Karola.

“Ndonjëherë ne shohim edhe emrin Egjipt në gazetë”.

“Po,” - tha xhaxhi Piteri, - “dhe disa nga gjërat që fliten në Bibël mund të jenë edhe atje”.

“Ndonjëherë harroj që këto histori që lexojmë në Bibël janë të vërteta,” - tha Xhoni, - “por kur shoh që historitë ndodhën në vende reale, kujtoj që po flasim për gjëra që kanë ndodhur me të vërtetë në histori. Më pëlqen të mësoj për tërë këto vende dhe për këta njerëz”.

“Është me të vërtetë interesante, Xhoni” - tha xhaxhi Piteri. “Por gjëja e mrekullueshme rreth Biblës është se na tregon se si është Perëndia: kush është Ai”.

“Nuk e kisha ditur që Perëndia të kishte plane të tilla të mëdha” - tha Karola. “Gjithçka që ka premtuar e ka realizuar, edhe pse ndonjëherë është dashur pak kohë”.

“Po, Perëndia bën gjithmonë atë që planifikon” - tha xhaxhi Piteri. “Tani, Karola, le t’i përgjigjemi pyetjes tënde rreth izraelitëve në Egjipt. Kur u zhvendosën në Egjipt kishte zi buke dhe Jozefi ishte sundues atje; e tërë kjo ishte pjesë e planit të Perëndisë. Pas shumë viteve Jozefi u plak dhe vdiq dhe një tjetër faraon, që është njësoj si mbreti, sundoi në Egjipt. Ai u tregua i keq me izraelitët”.

“A e lejoj Perëndia?” - pyeti Xhoni.

“Për pak kohë” - u përgjigj xhaxhi Piteri. “Por pastaj izraelitët filluan t’i thërrasin Perëndisë për ndihmë. Perëndia donte që ata të pranonin që nuk mund të bënin gjë për veten. Vetëm Perëndia mund t’i ndihmonte”.

“Po filloj të kuptoj diçka tjetër në Bibël” - tha Karola. “Jo vetëm që është reale, por është një libër historie; dhe njerëzit janë njësoj si njerëzit sot. Edhe ne kemi nevojë për ndihmën e Perëndisë!”.

Le të shohim në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

Isaia 45:22 - “Kthehuni nga unë dhe do të shpëtoni, ju mbarë skaje të tokës. Sepse unë jam Perëndia dhe nuk ka asnjë tjetër”.

Shpëtuar: Çliruar

Le të mendojmë

Përgjigju këtyre pyetjeve dhe tregoja mësuesit.

1. A i zgjodhi Perëndia izraelitët të shkruanin Fjalën e Tij? Po / Jo.
2. A është e tërë Bibla e vërtetë? Po / Jo.
3. Kush ishte sundimtar në Egjipt kur izraelitët u shpërngulën atje?
a. Abrahami; b. Jakobi; c. Jozefi.
4. A ishte Faraoni i ri në Egjipt i mirë ndaj izraelitëve? Po / Jo.
5. Kush mund të na shpëtojë?
a. Ne mund të shpëtojmë veten; b. Familja jonë; c. Perëndia.

Mësimet nga Fjala e Perëndisë



Eksodi 1:6-11; 2:1-10

Sot fillojmë të studiojmë librin e dytë të Biblës, Eksodin. Eksod do të thotë të dalësh apo të nxirresh jashtë. Ky libër na thotë se si Perëndia nxori popullin e Tij, izraelitët, nga Egjipti.

Jozefi, vëllezërit e tij dhe familjet e tyre vazhduan të jetonin në Egjipt pas vdekjes së të atit edhe pse thatësira kishte mbaruar. Ata nuk u kthyen në tokën që Perëndia ia kishte premtuar t'ia jepte Abrahamit, Isakut dhe Jakobit. Jozefi vdiq në Egjipt.

Bijtë e Izraelit kaluan mirë në Egjipt. Ata patën familje të mëdha. Mbreti ishte shumë i mirë me ta. Izraelitët jetuan në Egjipt për 350 vjet para se gjërat të fillonin të ndryshonin për ta. Në Egjipt filloi të sundonte një mbret i ri, i cili nuk e njhte Jozefin. Mbreti i ri sajoi një plan të keq për t'i bërë izraelitët skllavër ndaj popullit egjiptian, sepse kishte më tepër izraelitë se sa egjiptianë. Izraelitët ishin të fuqishëm dhe mbreti mendoi se ata mund të luftonin kundër egjiptianëve, kështu që nuk donte që ata të rriteshin në numër. Ai donte që tërë fëmijët meshkuj izraelitë të vriteshin.

Izraelitët nuk bënë gjë që mbreti t'i kishte frikë. Pse po përpiqej të shkatërronte popullin e Izraelit? Nga doli ky plan i lig? Ky plan i lig vinte nga Satani! Satani e urren Perëndinë dhe njeriun. Satani e dinte se Perëndia kishte premtuar të dërgonte Çlirimtarin që do të shkatërronte Satanin dhe çlironte njeriun nga pushteti i tij. Ai e dinte gjithashtu se Perëndia kishte premtuar që ky Shpëtimtar do të lindte përmes kombit të Izraelit. Satani nuk donte që ndokush të çlirohej nga pushteti i tij. Nëse tërë njerëzit e Izraelit do të vriteshin, atëherë Çlirimtari nuk mund të vinte dhe ta shkatërronte.

Perëndia është më i madh se Satani. Perëndia është më i madh se çdokush e çdokënd. Askush dhe asgjë nuk mund të ndalë Perëndinë për të bërë atë që planifikon. Ne mund t'i besojmë gjithmonë Perëndisë, edhe kur gjërat na duken keq. Ai u kujdes për popullin e Tij, Izraelin, edhe ndërsa ishin skllavër, ashtu siç kujdeset për ne. Perëndia siguroi një mënyrë që pasardhja gjenealogjike e Abrahamit, Isakut dhe Jakobit të vazhdonte, në mënyrë që Çlirimtari të vinte ashtu siç kishte planifikuar. Perëndia planifikoi të përdorte Moisiun, një izraelit, për të çliruar izraelitët nga skllavëria. Kur lindi Moisiu, prindërit e tij i besuan Perëndisë për ta mbrojtur nga plani i lig i mbretit për të vrarë tërë fëmijët meshkuj. Kur Moisiu ishte tre muajsh, nëna e tij bëri një kosh, e vuri atë brenda dhe e vendosi koshin përgjatë rrjedhës së lumit për ta fshehur.

Vajza e mbretit e gjeti të fshehur mbi ujë dhe e deshi për vete. Motra e Moisiut, e cila ishte e fshehur aty afër, ofroi të sillte nënën e saj të ushqente Moisiun derisa të rritej. Vajza e mbretit ra dakord, kështu që Perëndia përdori motrën e madhe të Moisiut dhe madje vajzën e mbretit për ta mbrojtur!





Plotëso këtë aktivitet dhe tregoja mësuesit.

Gjej fjalët e Isaisë 45:22 midis shkronjave më poshtë. Kalo nga majta në të djathtë dhe rretho çdo fjalë. Fjala e parë është gati. Kur të mbarosh, vendos fjalët në rendin e duhur në hapësirat bosh pas Isaisë 45:22.

PerëndiatokësasnjëSepseshpëtoni
unëkatjetërKthehuniimbarëngadhe
dotëjunukskajetëunëjamdhe

Isaia 45:22: Kthehuni _____

_____, _____

, _____

_____.

Karta Awana 28 e përfunduar

Firma e mësuesit _____

Data _____

Perëndia thërret Moisiun

Koha e historisë



“Karola!” - thirri xhaxhi Piteri. “Çfarë po bën me vëllain e vogël?”.

“Oh” - tha Karola duke qeshur. “Unë me Xhonin po përpiqemi të shohim nëse ky kosh e mban vëllanë tonë mbi ujë, ashtu siç mbajti Moisiun. Megjithatë, nuk duket se i pëlqen shumë”.

“E kuptoj arsyen” - tha xhaxhi Piteri. “Po i hyn ujë nga të gjitha anët!”.

“E dimë” - tha Xhoni. “Nuk mund ta kuptojmë se pse po futet uji në kosh”.

“Xhon” - tha xhaxhi Piteri. “A kujtoni që lexuam në Bibël që mamaja e Moisiut vuri diçka në kosh për ta izoluar, në mënyrë që uji të mos futej brenda dhe të bënte që koshi të fundosej?”.

“Po” - u përgjigj Xhoni. “Por koshi ynë është i thurur mirë, kështu që menduam se nuk do të fuste ujë pa qenë nevoja e izolimit”.

“Atëherë,” - tha xhaxhi Piteri, - “siç mund ta shikoni, uji po futet brenda. Nëse do ta lini vëllanë atje, ai mund të mbytet”.

“E kuptoj se çfarë do të thuash!” - thirri Karola. “Shiko, Xhon! Uji ka mbuluar çarçafin e tij! Sa mirë që erdhe xhaxhi Piter. Ne nuk po e vëzhgonim si duhet”.

“Po sikur koshi i Moisiut të fuste ujë, xhaxhi Piter?” - pyeti Xhoni. “Nuk do të kishte se kush ta çlironte popullin nga skllavëria”.

“Ka diçka,” - u përgjigj xhaxhi Piteri, - “motra e Moisiut po e vëzhgonte nga bregu i lumit. Por më e rëndësishmja, Perëndia po e vëzhgonte gjithashtu. Ai nuk do të lejonte që Moisiu të mbytej. Ai kishte plane që Moisiu të shpëtohej, të rritej dhe të shpëtonte popullin izraelit nga skllavëria. Perëndia nuk i ndryshon kurrë planet e Tij.”

“Pse e lejoi Perëndia vajzën e Faraonit ta merrte Moisiun me vete në shtëpi?” - pyeti Karola. “Perëndia është i plotfuqishëm. A nuk mund të bënte Ai që mamaja e Moisiut ta mbante?”.

“Ke të drejtë, Karola” - tha xhaxhi Piteri. “Perëndia është i plotfuqishëm dhe Ai mund ta kishte mbrojtur Moisiun ndryshe, por dërgimi i Moisiut në shtëpinë e Faraonit ishte pjesë e planit të Perëndisë”.

“Perëndia lejoi mamanë e Moisiut ta mbante për pak kohë, apo jo, xhaxhi Piter?” - pyeti Xhoni.

“Po” - u përgjigj xhaxhi Piteri. “Prindërit e Moisiut i ishin shumë mirënjohës Perëndisë për këtë! Por kur Moisiu u rrit, Perëndia e dinte se ai do të ishte më i sigurt në shtëpinë e Faraonit sesa në ndonjë vend tjetër. Ai dinte gjithashtu që Moisiu do të mësonte shumë gjëra atje, të cilat do të ishin të rëndësishme për t'i ditur për punën e tij të ardhshme si drejtuesi i popullit të tij”.

“Nëse kishte aq shumë izraelitë,” - tha Karola, - “pse nuk mund të largoheshin nga Egjipti? Pse qëndronin dhe punonin shumë për Faraonin?”.

“Faraoni ishte shumë i fuqishëm” - u përgjigj xhaxhi Piteri. “Ata nuk mund të arratiseshin

nga Faraoni i keq. Ata nuk kishin armë për të luftuar kundër ushtrisë së Faraonit".

"Kur na tregove për Moisiun javën e kaluar," - kujtoi Xhoni, - "ti the që izraelitët i thirrën Perëndisë për ndihmë. Si mund t'i ndihmonte Moisiu ata kur ishte thjesht një foshnjë?".

"Kjo është një pyetje me vend" - u përgjigj xhaxhi Piteri. "Perëndia e kishte zgjedhur Moisiun për të nxjerrë popullin e tij nga Egjipti shumë vjet para se njerëzit t'i thërrisnin Perëndisë për ndihmë. A e kujtoni kur folëm se si ndonjëherë Perëndia i planifikon gjërat shumë vjet para se t'i realizojë? Perëndia po e përgatiste Moisiun për të drejtuar popullin e tij, por ndonjëherë përgatitja mund të kërkojë një kohë të gjatë. Dhe ndonjëherë duhet një kohë e gjatë para se populli t'i thërrasë më në fund Perëndisë për ndihmë".

"A e dinte Moisiu që Perëndia e kishte zgjedhur për të nxjerrë popullin nga skllavëria?" - pyeti Karola.

"Jo para se të rritej" - u përgjigj xhaxhi Piteri. "Çoja vëllanë mamasë, Karola, dhe kur të kthehesh do t'ju tregoj se si Perëndia i tha Moisiut të nxirrte popullin e tij nga Egjipti".

Le të shohim në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

1 Samuelit 2:2 - "Nuk ka asnjë të shenjtë si Zoti, sepse nuk ka asnjë tjetër veç teje, nuk ka asnjë shkëmb si Perëndia ynë".

I Shenjtë: I përsosur dhe pa asgjë të keqe apo të ligë

Shkëmb: I fortë, i sigurt

Le të mendojmë

Përgjigju këtyre pyetjeve dhe tregoja mësuesit.

1. A u pëlqente izraelitëve të ishin skllavër? Po / Jo.
2. A mund ta shpëtonin veten izraelitët nga skllavëria? Po / Jo.
3. Ku u rrit Moisiu?
 - a. Në shtëpinë e prindërve; b. Anës lumit; c. Në shtëpinë e vajzës së Faraonit.
4. Kë zgjodhi Perëndia për të nxjerrë izraelitët nga Egjipti?
 - a. Jozefin; b. Moisiun; c. Faraonin.
5. A ka ndonjë të shenjtë si Perëndia? Po / Jo.


Mësime nga Fjala e Perëndisë



Eksodi 2:11-22; 3:1-22; 4:1-20, 27-31

Moisiu, kur u bë burrë, nuk pëlqente të shikonte popullin e tij, izraelitët, të trajtoheshin keq. Një ditë Moisiu pa një prej egjiptianëve që po rrihte një izraelit që po punonte rëndë. Moisiu donte të ndihmonte popullin e tij, kështu që vrau egjiptianin dhe e fshehu në rërë. Meqë dikush e pa dhe Faraoni donta ta vriste se ai vrau një nga populli i tij, Moisiut iu desh të largohej nga shtëpia. Moisiu u përpoq të ndihmonte popullin e tij, por dështoi. Asnjë njeri nuk mund të shpëtojë popullin e tij nga Faraoni i keq. Vetëm Perëndia mund ta ndihmonte.

Moisiu shkoi në tokën e Madianit, ku jetoi me një njeri dhe shtatë vajzat e tij. Moisiu u martua me njërën prej vajzave dhe u kujdes për delet e vjehrrit të tij. Një ditë Moisiu çoi delet në një zonë të shkretëtirës dhe arriti në një mal të quajtur Horeb. Moisiu ngriti sytë dhe pa një shkurre që digjej. Ajo ishte një shkurre e zakonshme, por edhe pse po digjej, nuk po konsumohej. Moisiu, ndërsa donte të shikonte më mirë shkurren, filloi t'i afrohej. Ndërsa iu afrua shkures Perëndia i foli. Perëndia i tha Moisiut të mos afrohej më sepse ndodhej në një vend të shenjtë. Perëndia ishte në shkurre dhe kjo ishte arsyeja se pse nuk po konsumohej. Perëndia është shumë i larti. Askush nuk mund të bëjë gjërat që mund të bëjë Perëndia. Moisiu nuk e dinte që Perëndia ishte në shkurre, derisa i foli atij nga mesi i zjarrit. Perëndia i tha Moisiut të hiqte sandalet për të treguar respekt ndaj Tij, i cili është i përsosur dhe i shenjtë: Krijuesi i madh.



Perëndia i tha Moisiut se kishte dëgjuar thirrjen për ndihmë nga izraelitët. Dhe Perëndia e kishte zgjedhur të nxirrte izraelitët nga skllavëria e Egjiptit dhe t'i çonte në tokën që Perëndia ia kishte dhënë Abrahamit. Moisiu nuk ishte i lumtur me planin e Perëndisë dhe nxorri justifikime për të mos shkuar. Moisiu e dinte se nuk ishte në gjendje me forcën e tij t'i fliste mbretit dhe të çlironte Izraelin nga skllavëria, por Perëndia i tha se do të ishte me të. Moisiu i kërkoi Perëndisë: Çfarë do t'u thoshte atyre se kush e kishte dërguar? Perëndia i tha Moisiut t'u thoshte izraelitëve që UNË JAM-i e kishte dërguar. Pastaj Moisiu po mendohej nëse izraelitët do ta besonin që Perëndia e kishte dërguar me të vërtetë për t'i nxjerrë nga skllavëria. Perëndia i dha atij shenja për t'u treguar izraelitëve që të besonin. Moisiu kishte edhe një sugjerim për Perëndinë: ai i kërkoi Perëndisë të dërgonte dikë tjetër që mund të fliste më mirë se ai.

Perëndia u zemërua me Moisiu që vazhdonte të bënte fjalë, por premtoi të dërgonte Aaronin, vëllanë e madh të Moisiut, për ta ndihmuar. Aaroni do të ishte bashkë me Moisiun për ta ndihmuar ndërsa shkonte te Faraoni për t'i kërkuar që të linte izraelitët të lirë. Aaroni dhe Moisiu folën me izraelitët dukë u thënë se çfarë i kishte thënë Perëndia Moisiut. Izraelitët i besuan Fjalës së Perëndisë dhënë përmes Moisiut. Ata ishin mirënjohës që Zoti kishte dëgjuar thirrjet e tyre për çlirim.



Plotëso këtë aktivitet dhe tregoja mësuesit.

Përdor kodin më poshtë për të gjetur shkronjat që mungojnë, pastaj plotëso vendet bosh.

1 = E 2 = A 3 = I 4 = O 5 = Ë 6 = U 7 = Y

N__K K__ __SNJ__ T__ SH__NJT__ S__ Z__T__, S__PS__ N__K
 6 2 2 5 5 1 5 3 4 3 1 1 6

K__ __SNJ__ V__Ç T__J__, N__K K__ __SNJ__ SHK__MB S__
 2 2 5 1 1 1 6 2 2 5 5 3

P__R__ND__ __N__.
 1 5 3 2 7 5

1 S__M__L__T 2:2
 2 6 1 3

Karta Awana 29 e përfunduar

Firma e mësuesit _____

Data _____

Perëndia dërgon plagë në Egjipt

Koha e historisë



“Xhaxhi Piter,” - tha Xhoni, - “a dëgjove për paralajmërimet e tajfunit?”.

“Po” - u përgjigj xhaxhi Piteri. “Po vija t’u tregoja prindërve tuaj për to”.

“A mendon se mund të vijë deri këtu?” - pyeti Karola.

“Nuk e di” - u përgjigj xhaxhi Piteri. “Por kur na paralajmërojnë në këtë mënyrë, do të thotë që ka rrezik të madh që tajfuni ta prekë këtë zonë. Është e rëndësishme të rrimë të informuar në rast se tajfuni drejtohet këtej”.

“Dëgjova një prej miqve të mi të thoshte se ai nuk do të dëgjonte asnjë prej paralajmërimeve”. “Ai tha: ‘Kot thonë se nuk ka për të ndodhur gjë’”.

“Të injorosh paralajmërimet është një gjë e rrezikshme” - tha xhaxhi Piteri. “Njerëzit vdesin për shkak se refuzojnë të dëgjojnë paralajmërimet. Disa vjet më parë njerëzit u paralajmëruan që do të dilte llavë nga mali”.

“Do të thuash vullkan” - pyeti Karola.

“Po,” - u përgjigj xhaxhi Piteri, - “por ai mal nuk kishte nxjerrë llavë prej një kohe të gjatë: mbase njëqind vjet. Njerëzit jetonin në rrëpirën e tij dhe disa prej tyre ishin atje duke bërë ekskursion dhe duke kaluar një kohë të bukur”.

“Atëherë, a iku shumica e njerëzve?” - pyeti Xhoni.

“Vetëm disa prej tyre u larguan” - tha xhaxhi Piteri. “Pjesa tjetër ishte si ai miku për të cilin po flisje ti. Ata menduan se asgjë nuk do të ndodhte, edhe pse u paralajmëruan shumë herë”.

“A shpërtheu vullkani, xhaxhi Piter?” - pyeti Xhoni.

“Po” - u përgjigj xhaxhi Piteri. “Ishte edhe më i tmerrshëm nga sa e kishin imagjinuar. Shumë njerëz u vranë: njerëz që mund të ishin shpëtuar nëse do t’ua kishin vënë veshin paralajmërimeve dhe do të ishin larguar menjëherë”.

“Kjo është e tmerrshme!” - tha Karola. “Ata nuk kishin pse të vdisnin, apo jo?”.

“Jo” - u përgjigj xhaxhi Piteri. “Ata ishin paralajmëruar, shumë herë: ashtu si njerëzit në kohën e Noeut”.

“Pyes veten se pse veprojnë njerëzit ashtu?” - pyeti Xhoni.

“Mos dëgjimi i paralajmërimeve është një lloj rebelimi” - u përgjigj xhaxhi Piteri. “Ne jemi të gjithë pak e shumë kështu: nuk duam të na thonë se çfarë duhet të bëjmë. Është pjesë e natyrës mëkatore”.

“Ashtu siç u rebelua Satani?” - pyeti Karola.

“Po” - u përgjigj xhaxhi Piteri. “Një shembull tjetër i rebelimit është Faraoni që sundoi në Egjipt gjatë kohës së Moisiut. Ky faraon refuzoi të dëgjonte Perëndinë”.

“Ky është Faraoni të cilit Perëndia donte që Moisiu t’i fliste, në mënyrë që t’i linte izraelitët të largoheshin nga Egjipti” - kujtoi Xhoni. “A e dinte Faraoni se kush ishte Perëndia, xhaxhi Piter?”.

“Faraoni adhuronte perënditë e rreme” - u përgjigj xhaxhi Piteri. “Ai nuk donte ta njihnte Perëndinë e vetëm të vërtetë”.

“Pse nuk donte ta njihje Perëndinë?” - pyeti Xhoni.

“Disa njerëz janë krenarë për vetveten” - u përgjigj xhaxhi Piteri. “Ata refuzojnë t’i dëgjojnë të tjerët. Ata nuk e kuptojnë se varen tërësisht nga Perëndia për gjithçka. Ata refuzojnë të besojnë që Ai është Krijuesi”.

“Pse i lejon Perëndia njerëzit të dalin paq?” - pyeti Karola. “Nuk i lejon” - u përgjigj xhaxhi Piteri. “Por Ai ndonjëherë lejon që një person të sillet ashtu për pak kohë. Perëndia u jep kohë mëkatarëve që të pendohen dhe t’i besojnë Atij. Por Ai gjykon çdo mëkat. Tërë paralajmërimet e Perëndisë janë të vërteta. Ai bën atë që thotë në Fjalën e Tij”.

“Atëherë, a e dëgjoi ndonjëherë Faraoni Perëndinë?” - pyeti Xhoni.

“Jo, nuk e dëgjoi” - u përgjigj xhaxhi Piteri. “Perëndia gjykoj rebelimin e Faraonit dhe e bëri në mënyrë të tillë që ne e kujtojmë edhe sot. Le të hapim Biblën dhe le të shohim se çfarë bëri Perëndia”.

Le të shohim në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

Psalmi 106:8 - “Megjithatë Zoti i shpëtoi për hir të emrit të tij, për të bërë të njohur fuqinë e tij”.

Le të mendojmë

Përgjigju këtyre pyetjeve dhe tregoj mësuesit.

1. A u pëlqen njerëzve t’u thuhet se çfarë duhet të bëjnë? Po / Jo.
2. Kush adhuronte perënditë e rreme?
a. Noeu; b. Moisiu; c. Faraoni.
3. A e dëgjoi ndonjëherë Faraoni Perëndinë? Po / Jo.
4. A e gjykon Perëndia gjithmonë mëkatin? Po / Jo.
5. Kush ka më tepër fuqi se të gjithë?
a. Satani; b. Perëndia; c. Faraoni.

Mësime nga Fjala e Perëndisë



Eksodi 5; 6:1-13; 7:4-25; 8-10

Izraelitët ishin të skllavëruar në Egjipt nga Faraoni i fuqishëm. Por Perëndia do të siguronte një mënyrë që ata të çliroheshin! Perëndia përdori Moisiun dhe Aaronin t'i fliste mbretit të Egjiptit, por Faraoni refuzoi t'i bindej urdhërit të Zotit. Ai nuk i linte izraelitët të shkonin.


Egjiptianët nuk adhuronin Perëndinë; ata adhuronin gjërat që kishte bërë Perëndia. Ata adhuronin gjithashtu Faraonin, mbretin e tyre, si perëndi.

Perëndia planifikoi t'u tregonte egjiptianëve se Ai është Perëndia i vetëm i vërtetë e i gjallë, me fuqi mbi tërë tokën. Perënditë tek të cilët kishin besim dhe adhuronin, nuk ishin në gjendje t'i mbronin nga Perëndia i vërtetë: Perëndia i Izraelit.

Faraoni ishte i vendosur të luftonte kundër Perëndisë. Prandaj Perëndia planifikoi të përdorte këtë mbret të keq për të shfaqur fuqinë e Tij të madhe dhe gjykimin e Tij të tmerrshëm ndaj tërë atyre që rebelohen kundër Tij. Askush që lufton kundër Perëndisë nuk mund të fitojë apo t'i shpëtojë ndëshkimit.

Ngaqë mbreti i Egjiptit refuzoi të linte izraelitët të largoheshin nga Egjipti, Perëndia filloi të tregonte fuqinë e Tij të madhe. Në fillim Perëndia ktheu ujin e lumit Nil në gjak. Pastaj dërgoi plagët e bretkosave, mushkonjave dhe mizave. Pastaj Perëndia bëri që kuajt, gjedhët, delet, devetë dhe gomerët e egjiptianëve të sëmureshin. Pastaj Perëndia bëri që tërë egjiptianët të kishin ulçera të tmerrshme. Kjo u pasua nga një breshër i tmerrshëm, pastaj plaga e karkalecave dhe tre ditë errësisë e thellë në mbarë vendin ku jetonin egjiptianë. Faraoni dhe populli egjiptian nuk mund të shpëtonin veten nga këto plagë të tmerrshme të dërguara nga Perëndia. As perënditë e tyre të rreme nuk mund t'i shpëtonin. Perëndia është më i fuqishëm se çdo gjë.

Edhe pse Perëndia kishte dërguar tashmë nëntë plagë ndaj egjiptianëve rebelë, Faraoni refuzonte akoma t'i bindej Atij dhe të linte izraelitët të lirë. Perëndia e dinte që në fillim se Faraoni do të ishte kryeneç dhe do të refuzonte të linte izraelitët të lirë. Perëndia nuk çuditet asnjëherë nga ajo që bëjnë njerëzit apo nga ajo që ndodh. Ai njih gjithçka para se të ndodhë dhe fiton gjithmonë, pavarësisht se çfarë thonë apo bëjnë njerëzit. Ky mbret i keq nuk mund ta ndalte Perëndinë për të shpëtuar pasardhësit e Abrahamit. Perëndia nuk kishte mbaruar ende me planin e Tij!





Plotëso këtë aktivitet dhe tregoja mësuesit.

Faraoni mbajti të njëjtin qëndrim ndaj secilës prej plagëve që Perëndia dërgoi në Egjipt. Renditi këto fjali, duke vënë numra, sipas kronologjisë.

- ___ Faraoni tha që do t'i linte izraelitët të iknin.
- ___ Faraoni thirri Moisiun dhe i kërkoi që t'i largonte plagët.
- ___ Perëndia dërgoi një plagë në Egjipt.
- ___ Faraoni ngurtësoi zemrën dhe u bë më krenar.
- ___ Perëndia hoqi plagën.
- ___ Faraoni nuk i la izraelitët të shkonin.

Karta Awana 30 e përfunduar

Firma e mësuesit _____

Data _____

Perëndia kaloi tutje Izraelit



Koha e historisë

“Po shikoj që keni shkruar përsëri te blloku i shënimeve” - u tha xhaxhi Piteri Xhonit dhe Karolës.

“Po” - tha Karola. “Po shkruanim nëntë plagët që dërgoi Perëndia ndaj egjiptianëve rebelë dhe pastaj do të vizatojmë figurën e secilës. Disa nga gjërat që Perëndia dërgoi nuk i kemi dëgjuar më parë”.

“Si stuhia e breshrit” - tha Xhoni. “Ne nuk kemi parë kurrë për një stuhi breshri më parë”.

“Pyetëm mësuesin për plagët që Perëndia u dërgoi egjiptianëve,” - tha Xhoni, - “dhe ai tha që ato nuk kanë ndodhur. Ai tha që askush nuk mund t'i shkaktojë ato plagë. Ishte e pamundur”.

“A i tha ndonjë nga ju që Perëndia është i plotfuqishëm?” - pyeti xhaxhi Piteri. “Dhe, a i the që Perëndia mund të bëjë gjithçka që dëshiron?”.

“Po,” - u përgjigj Karola, - “por ai tha që nëse kanë ndodhur me të vërtetë, pse nuk vuajtën edhe izraelitët nga plagët; ata ishin ngjitur me egjiptianët”.

“Çfarë i the atij?” - pyeti xhaxhi Piteri.

“Nuk e dinim se çfarë t'i thoshim” - u përgjigj Xhoni. “Nuk e dinim se përse nuk vuajtën edhe izraelitët nga ato plagë të tmerrshme”.

“Shiko,” - tha xhaxhi Piteri, “kishte disa arsye se pse Perëndia nuk lejoi që izraelitët të vuanin nga ato plagë të tmerrshme.”

“Mendoj se e di njërën prej arsyeve” - tha Xhoni. “A mos është ngaqë izraelitët nuk mëkatuan si egjiptianët; ata ishin aq të mirë, saqë nuk meritonin të vuanin?”.

“Por mendoj se të gjithë mëkatuan” - tha Karola.

“Ke të drejtë, Karola” - tha xhaxhi Piteri. “Zoti nuk e mbrojti Izraelin meqë ishte pa mëkat, apo meqë meritonte kujdesin e Tij. Ai i mbrojti ata për shkak të dashurisë, mëshirës dhe hirit të Tij”.

“Po Çlirimtari?” - pyeti Karola. “A nuk ishte kjo njëra prej arsyeve që Ai e mbrojti Izraelin?”.

“Po” - u përgjigj xhaxhi Piteri. “Perëndia nuk e kishte harruar premtimin e Tij ndaj Abrahamit, Isakut dhe Jakobit. Ai do ta ruante pasardhjen e izraelitëve, me anë të të cilëve do të vinte Çlirimtari. Perëndia e mbrojti gjithashtu Izraelin nga plagët, në mënyrë që mbreti i Egjiptit të kuptonte që Perëndia i Izraelit ishte Perëndia i vetëm i vërtetë e i gjallë në tërë tokën”.

“Edhe pas gjithë atyre plagëve,” - tha Xhoni, - “ai akoma refuzoi t'i bindej Perëndisë dhe t'i linte izraelitët të largoheshin”.

“Izraelitët mund të kenë pyetur veten të habitur nëse kishte ndonjë gjë që mund ta detyronte Faraonin që t'i linte të largoheshin” - tha Karola. “Çfarë mund të bënte Perëndia më tepër?”.

“Kujtoni,” - tha xhaxhi Piteri, - “kur folëm se si Perëndia nuk u çudit që Faraoni refuzoi ta linte popullin të shkonte? Perëndia i kishte premtuar edhe Abrahamit, Isakut dhe Jakobit që Ai do t'i kthente pasardhësit e Abrahamit në tokën që Ai u kishte dhënë

atyre. Tani ishte koha që Perëndia kishte zgjedhur për ta bërë këtë gjë. Asgjë nuk mund ta ndalte Perëndinë për ta mbajtur premtimin e Tij”.

“Mezi pres ta dëgjoj!” - tha Karola e gëzuar. “Çfarë bëri Perëndia më pas për ta detyruar Faraonin që t’i linte izraelitët të largoheshin?”.

“Perëndia i tha Moisiut se si izraelitët duhet të përgatiteshin për plagën e fundit e të tmerrshme” - u përgjigj xhaxhi Piteri. “Zoti e dinte që pas kësaj plage përfundimtare, Faraoni do t’i linte izraelitët të shkonin”.

“Atëherë, çfarë bëri Perëndia? - pyeti përsëri Karola. “Duhet të ketë qenë vërtet e tmerrshme, në mënyrë që të ishte më e keqe se plagët që kishte dërguar tashmë Perëndia!”.

“Kjo është një pjesë shumë e rëndësishme e historisë njerëzore” - tha xhaxhi Piteri. “Le të hapim Biblën dhe të shohim saktësisht se çfarë ndodhi”.

Le të shohim në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

Naumi 1:7 - “Zoti është i mirë, është një fortesë në ditën e fatkeqësisë; ai i njëjti ata që kërkojnë strehë tek ai”.

Le të mendojmë

Përgjigju këtyre pyetjeve dhe tregoja mësuesit.

1. A mëkatuan izraelitët? Po / Jo.
2. A i meritonte Izraeli dashurinë, mëshirën dhe hirin e Perëndisë? Po / Jo.
3. A u bind Faraoni dhe a i la izraelitët të shkonin? Po / Jo.
4. A ishte Perëndia i çuditur që Faraoni nuk e linte popullin të shkonte? Po / Jo.
5. A mundet dikush apo diçka ta ndalë Perëndinë që të mos i mbajë premtimet e Tij? Po / Jo.

Mësime nga Fjala e Perëndisë



Eksodi 11:1-7; 12:1-36

Perëndia kishte dërguar nëntë plagë ndaj egjiptianëve rebelë dhe Faraoni refuzoi akoma t'i bindej atij për të lënë të lirë izraelitët. Kjo nuk ishte e papritur për Perëndinë. Perëndia, edhe para se ta dërgonte Moisiun në Egjipt, i tha atij se do të ndodhte diçka e tillë. Perëndia kishte edhe një plagë të fundit për egjiptianët. Ai e dinte se pas kësaj plage të fundit Faraoni do të linte popullin e Tij të shkonte.

Perëndia i tha Moisiut se si duhet të përgatiteshin izraelitët për plagën e fundit dhe më të tmerrshme. Ata duhet të bënin gjithçka saktësisht sipas asaj që Perëndia i tha Moisiut për të shpëtuar fëmijët e tyre të parëlindur nga vdekja. Kreu i çdo shtëpi

duhet të zgjidhte një qengj apo kec të përsosur. Qengji duhet të mbahej deri ditën e 14 të muajit. Ata duhet ta therrnin qengjin në mbrëmjen e asaj dite. Qengji duhet të vdiste. Gjaku i tij, nga e cili varej jeta e tyre, duhet të lihej të rridhte. Kjo duhet t'u kujtonte izraelitëve se ndëshkimi për mëkatin është vdekja. Perëndia u tha izraelitëve të mblidhnin gjakun në një enë. Pastaj do të merrnin një degë të vogël të një farë bime dhe ta ngjyenin në gjak. Me

këtë degë ata do të vendosnin gjakun te shtalkat e dyerve dhe mbi dyert e shtëpive ku do të hanin qengjin atë natë. Ishte gjaku i qengjit te shtalkat e dyerve që do të shpëtonte të parëlindurin nga gjykimi i Perëndisë. Izraelitët duhet të kishin besim te Perëndia. Perëndia u premtoi izraelitëve se kur të shikonte gjakun në shtëpitë e tyre, fëmija i tyre i parëlindur dhe i parëlinduri i gjësë së tyre të gjallë nuk do të vdiste.

Perëndia kaloi nëpër Egjipt ashtu siç kishte thënë. Kur Perëndia vendos të gjykojë mëkatin, nuk ka rrugë shpëtimi. Perëndia tha se do të bënte të vdiste i parëlinduri në shtëpitë egjiptiane dhe e bëri. Ai tha se do të kalonte tutje çdo shtëpie ku shikonte gjak dhe e bëri. Perëndia bën gjithmonë atë që thotë. Faraoni mendoi se mund të luftonte kundër Perëndisë, por askush nuk mund të ndeshet kundër Perëndisë dhe të fitojë.

Faraoni e thirri Moisiun po atë natë dhe i tha atij të nxirrte izraelitët nga Egjipti. Zoti çliroi popullin e Tij ashtu siç kishte premtuar. Perëndia do të ndëshkojë ata që luftojnë kundër Tij, por Ai do të tregojë mëshirën e Tij ndaj atyre që kanë besim tek Ai.



Përsëritje

Plotëso këtë aktivitet dhe tregoja mësuesit.

Shiko figurën më poshtë. Gjej se çfarë mungon te figura dhe vizatoje. Mund të shikosh figurën në faqen e mëparshme për ndihmë.



Karta Awana 31 e përfunduar

Firma e mësuesit _____

Data _____

Perëndia e çliron Izraelin në Detin e Kuq



Koha e historisë

“Po shikoj që ju të dy po shkruani sërisht në bllokun tuaj të shënimeve” - tha xhaxhi Piteri.

“A po i shënoni akoma tërë plagët që Perëndia dërgoi ndaj egjiptianëve?”.

“Jo” - tha Karola. “Kemi mbaruar me plagët. Po përiqemi të kujtojmë tërë gjërat e mëdha që ka bërë Perëndia. Gjëra që askush nuk ka qenë në gjendje t'i bëjë”.

“Fjala për gjërat e mëdha që bën Perëndia është ‘mrekulli’” - tha xhaxhi Piteri. “Në Bibël ‘mrekullia’ është një vepër e veçantë e Perëndisë, në të cilën Perëndia zgjedh të bëjë diçka që nuk do të ndodhte në rrjedhën normale të ligjeve fizike që ka vendosur”.

“Nuk i kuptova tërë këto fjalë që the, xhaxhi Piter,” - tha Xhoni, - “por mendoj se e di çfarë do të thuash. Një mrekulli është diçka që mund ta bëjë vetëm Perëndia. Do të ishte e pamundur që dikush tjetër apo diçka tjetër ta bënte, as nuk do të ndodhte natyrshëm në këtë botë që Perëndia ka krijuar”.

“E vërtetë, Xhon,” - tha xhaxhi Piteri, - “dhe askush nuk mund ta shpjegojë se si ndodhi. Mund të quhet thjesht mrekulli. Bibla flet për shumë, shumë mrekulli. Ato janë pjesë e historisë së vërtetë”.

“Jam i sigurt që izraelitët janë të lumtur që Perëndia kryen mrekulli” - tha Karola.

“Pëmdryshe nuk do të ishin në gjendje të largoheshin nga Egjipti”.

“Po,” - tha xhaxhi Piteri, - “Perëndia i përdori mrekullitë për t'i çliruar izraelitët nga Egjipti. Por kujtoni, këta izraelitë kishin dëgjuar vetëm atë që kishte bërë Perëndia për Abrahamin, Isakun, Jakobin dhe Jozefin. Perëndia gjithashtu donte që ata të shikonin madhësitë, fuqinë dhe dashurinë e Tij të madhe për krijimin e Tij, dashuri ku ata bënin pjesë”.

“Më vjen keq që tërë ata qengja duhet të vdisnin” - tha Karola e trishtuar. “Do të doja që ata të mos vdisnin, në mënyrë që izraelitët të çliroheshin”.

“Kjo është për shkak të Adamit dhe të Evës, apo jo, xhaxhi Piter?” - pyeti Xhoni. “Ngaqë nuk iu bindën Perëndisë, ata u ndanë nga Ai. Kujtoni, Karola, Perëndia vrau një kafshë për të bërë veshje për ta. Perëndia u tha se për shkak të mëkatit të tyre, derisa të dërgonte Çlirimtarin, ata duhet të flijonin një qengj të përsosur, në mënyrë që të mund t'i afroheshin Atij”.

“Kjo është e vërtetë” - tha xhaxhi Piteri. “Tërë pasardhësit e Adamit dhe Evës kishin lindur mëkatarë, të ndarë nga Perëndia. Kjo është arsyeja se pse trupat e tërë njerëzve duhet të vdesin, përfshi ju dhe mua. Kur izraelitët vranë qengjat dhe gjaku u derdh, njerëzit u kujtuan që ndëshkimi për mëkatin është vdekja. Ashtu siç vdiq dashi në vend të Isakut, qengjat e përsosur, të cilët u zgjodhën dhe u vranë nga izraelitët, vdiqën në vend të fëmijëve të tyre të parëlindur”.

“Kur ndodh mrekullia e radhës në Bibël, xhaxhi Piter?” - pyeti Karola.

“Izraelitët do të përjetojnë shumë mrekulli në udhëtimin e tyre për në tokën që Perëndia u

kishte premtuar” - u përgjigj xhaxhi Piteri. “Por mrekullia e radhës ndodhi menjëherë pasi u larguan nga Egjipti”.

“Ata duhet të kenë qenë vërtet të lumtur që Perëndia ishte me ta në këtë udhëtim” - tha Xhoni.

“Duhet të ishin,” - tha xhaxhi Piteri, - “por kur Faraoni ndryshoi mendje dhe i ndoqi izraelitët, ata e harruan mbrojtjen e Perëndisë, u frikësuan për jetët e tyre dhe filluan të murmurisnin kundër Moisiut”.

“Si mund të mendonin që Perëndia do t’i harronte kur sapo kishte bërë tërë ato gjëra të mrekullueshme për ta?” - pyeti Karola.

“Shiko,” - u përgjigj xhaxhi Piteri, - “mendoj se ata ende nuk kishin mësuar t’i besonin Perëndisë. Megjithatë, Moisiu besoi te Perëndia dhe u tha izraelitëve që edhe ata duhet të besonin tek Ai. Le të lexojmë se si Perëndia i nxori izraelitët nga Egjipti”.

Le të shohim në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

Psalmi 46:10 - “Ndaluni dhe pranoni që jam Perëndi; do të ngrihem lart midis kombeve, do të ngrihem lart mbi tokë”.

Ndaluni: Pushoni apo besoni

Ngrihem lart: Do të lavdërohem

Le të mendojmë

Përgjigju këtyre pyetjeve dhe tregoja mësuesit.

1. Në Bibël, mrekulli është diçka që mund ta bëjë vetëm Perëndia? Po / Jo.
2. A kanë lindur mëkatarë tërë pasardhësit e Adamit dhe Evës? Po / Jo.
3. Cili është ndëshkimi për mëkatin?
a. Burgu; b. Asgjë; c. Vdekja.
4. A do të harrojë Perëndia krijimin e Tij? Po / Jo.
5. Kush i nxori Moisiun dhe izraelitët nga Egjipti?
a. Aaroni; b. Perëndia; c. Nuk kishin drejtues.

Mësime nga Fjala e Perëndisë



Eskodi 13:17-18, 22; 14:5-31

Perëndia çliroi izraelitët nga skllavëria në Egjipt dhe filloi t'i çonte drejt tokës që u kishte premtuar atit të tyre, Abrahamit. Nga koha kur kishin mbërritur për herë të parë në Egjipt, 430 vjet më parë, numri i izraelitëve ishte rritur nga 70 në rreth dy milion e gjysmë në kohën kur u larguan nga Egjipti.


Perëndia i drejtoi rrugës ku duhet të shkonin përmes një reje gjatë ditës dhe një kolone zjarri gjatë natës. Ai e mbante kolonën para tyre në çdo kohë: ata mund ta shikonin ditë e natë. Ata do të humbisnin dhe përfundimisht do të kishin vdekur në shkretëtirë nëse Perëndia nuk do t'i kishte drejtuar. Ai i donte dhe kështu u kujdes për ta.

Egjiptianët, edhe pse kishin parë tërë gjërat e mëdha e të fuqishme që kishte bërë Perëndia në Egjipt, akoma nuk i besonin Atij. Faraoni ndryshoi mendje pasi u larguan izraelitët. Ai donte që të ktheheshin. Faraoni dhe ushtria e tij, e drejtuar nga Satani, ndoqën izraelitët. Izraelitët, kur panë Faraonin dhe ushtrinë e tij që po vinte drejt tyre, patën frikë dhe i thirrën Perëndisë. Pastaj filluan të ankoheshin kundër Moisiut, sepse i kishte nxjerrë nga Egjipti. Megjithatë Moisiu kishte besim te Perëndia dhe u tha atyre të besonin se Perëndia do të mbante premtimin e tij për t'i nxjerrë të sigurt nga Egjipti dhe për t'i çuar në tokën që i premtoi Abrahamit. Ata nuk mund ta çlironin veten; deti ishte para tyre dhe armiqtë e tyre pas. Edhe pse izraelitët mëkatuan dhe nuk patën besim te Perëndia, Ai ishte i mëshirshëm dhe planifikoi t'i çlironte.

Ndërsa izraelitët qëndronin para detit, Perëndia zhvendosi renë që po drejtonte Izraelin dhe e vuri midis tyre dhe egjiptianëve. Egjiptianët shikonin vetëm errësirë. Megjithatë ditën tjetër egjiptianët nuk hoqën dorë për të ndjekur izraelitët.

Perëndia krijoi detin, kështu që kishte kontroll të plotë ndaj tij. Perëndia i tha Moisiut të ngrinte shkopin dhe të shtrinte duart mbi det dhe Ai do të ndante ujërat në mënyrë që izraelitët të kalonin përmes tij në tokë të thatë. Për Perëndinë nuk ishte e vështirë të hapte detin në mënyrë që izraelitët të mund të kalonin në anën tjetër. Perëndia është shumë i larti. Nuk ka asgjë të vështirë për Të.

Ushtria egjiptiane ndoqi izraelitët në det. Por pasi tërë izraelitët kishin kaluar detin e kuq, Perëndia e mbylli përsëri. Ushtria egjiptiane u mbyt. Askush nuk mund të luftojë kundër Perëndisë dhe të fitojë. Ai ndëshkon tërë ata që luftojnë kundër Tij. Perëndia mbrojtë izraelitët. Asnjë prej tyre nuk u mbyt dhe egjiptianët nuk kapën asnjë prej tyre. Perëndia i shpëtoi për shkak të dashurisë së Tij për ta dhe për shkak se premtoi t'i shpëtonte. Kur Izraeli pa gjërat e mëdha që bëri Perëndia, besoi në Të.





Plotëso këtë aktivitet dhe tregoja mësuesit.

Ngjyros shkronjat që kanë një pikë për të zbuluar mesazhin e fshehtë.

A N F D V D A E L S U G N G
D S I T D D H S G E G H P Y R
T A U N P D H O I N O I N Q B
Ë S S J D X A C M J V K P S E
E R S Ë A N D Z L D S I F G V

Mesazhi: _____

Karta Awana 32 e përfunduar

Firma e mësuesit _____

Data _____

Pyetje, pyetje, pyetje!




Moisiu dhe izraelitët: Izraelitët ishin pasardhës të Abrahamit, Isakut, Jakobit dhe Jozefit. Kur Jozefi ishte sundimtar në Egjipt, familja e tij, e cila kishte jetuar në Kanaan, u shpërngul në Egjipt për shkak se kishte zi buke në Kanaan.

1. Pse mbreti i Egjiptit i bëri izraelitët skllavër? **Sepse ata ishin bërë më të shumtë në numër sesa egjiptianët; mbreti kishte frikë që izraelitët mund të bashkoheshin me armiq të egjiptianëve për t'u ndeshur kundër tyre dhe të merrnin nën kontroll Egjiptin.**
2. Kush ishte duke e drejtuar mbretin në planet e tij të këqija? **Satani.**
3. Pse dëshironte Satani t'i shkatërronte izraelitët? **Satani e dinte se Perëndia i kishte premtuar Abrahamit, Isakut dhe Jakobit që një prej pasardhësve të tyre do të ishte Çlirimtari.**
4. Kush e gjeti Moisiun në një kosh në lumë? **Vajza e Faraonit.**
5. Pse e lejoi Perëndia vajzën e Faraonit ta birësonte Moisiun? **Sepse Perëndia planifikoi ta përdorte Moisiun për t'i çliruar izraelitët nga skllavëria.**
6. A mund ta shpëtonin veten izraelitët nga skllavëria apo mund t'i shpëtonte Moisiu? **Jo.**
7. Kush është i vetmi që mund ta çlirojë një person nga kontrolli i Satanit? **Perëndia.**
8. Pse shkurrja që pa Moisiu nuk po konsumohej, edhe pse ishte në flakë? **Shkurrja nuk u konsumua, sepse Perëndia, Shumë i Larti, ishte te shkurrja.**
9. Pse Perëndia i tha Moisiut t'i hiqte këpucët kur po qëndronte përballë shkurreve që digjej? **Për të treguar respekt ndaj Perëndisë që është i përsosur dhe i shenjtë.**
10. Cili ishte sugjerimi që kishte Moisiu për Perëndinë, kur Perëndia i tha Moisiut se e kishte zgjedhur për t'i nxjerrë izraelitët nga skllavëria? **Moisiu i tha Perëndisë që të dërgonte dikë tjetër, i cili do të ishte një zgjedhje e mirë sesa ai.**
11. A mendoi Perëndia se mbreti i Egjiptit do t'i lironte menjëherë izraelitët kur Moisiu do t'i tregonte atë që kishte thënë Zoti? **Jo, Ai e dinte që mbreti nuk do t'i çlironte izraelitët derisa të ishte i detyruar ta bënte një gjë të**

tillë. Perëndia di gjithëka.

12. Si planifikoi Perëndia ta përdorte Faraonin e keq? **Perëndia planifikoi ta përdorte këtë mbret krenar për t'i treguar kujtdo që Perëndia i Izraelit është Perëndia i vetëm i vërtetë dhe që Ai është Shumë i Larti.**
13. A e kishin parë madhësinë dhe fuqinë e Perëndisë izraelitët që jetonin në Egjipt në këtë kohë? **Jo, ata vetëm sa kishin dëgjuar për Zotin dhe atë që kishte bërë për Abrahamin, Isakun, Jakobin dhe Jozefin.**
14. Si e tregoi Perëndia fuqinë e Tij? **Perëndia dërgoi plagë të mëdha e të tmerrshme ndaj egjiptianëve.**
15. A meritonin izraelitët të mbroheshin nga plagët? **Jo, edhe ata ishin mëkatarë dhe meritonin gjykimin e Perëndisë.**
16. Sa plagë kishte dërguar Perëndia ndaj egjiptianëve para gjykimit të fundit? **Nëntë.**
17. Cili ishte gjykimi i fundit që dërgoi Perëndia ndaj egjiptianëve? **Perëndia dërgoi një plagë që vrau të parëlindurin e çdo familje egjiptiane dhe të parëlindurin e çdo gjëje të gjallë.**
18. Çfarë do të kishte ndodhur nëse izraelitët nuk do të kishin bërë gjithëka saktësisht sipas asaj që Perëndia udhëzoi Moisiun? **Fëmijët e tyre të parëlindur do të ishin vrarë.**
19. Kush është i vetmi që mund të na thotë se si mund t'i afrohem Perëndisë dhe të pranohemi prej Tij? **Perëndia.**
20. Çfarë ndodhi në shtëpitë e egjiptianëve atë natë kur Perëndia tha se do të vriste të parëlindurin e çdo familje? **Perëndia i vrau, ashtu siç tha se do të bënte.**
21. Cili ishte premtimi i Perëndisë ndaj izraelitëve? **Perëndia u premtoi që kur të shikonte gjakun te shtalkat dhe mbi dyer, Ai do të kalonte tutje.**
22. Çfarë u ndodhi izraelitëve? **Tërë fëmijët e tyre ishin të sigurt.**
23. Çfarë i tha Faraoni, mbreti, Moisiut pasi vdiqën të parëlindurit e egjiptianëve? **Faraoni i tha Moisiut që t'i nxirrte tërë izraelitët jashtë Egjiptit.**
24. Si u tregoi Zoti izraelitëve se ku të shkonin? **Perëndia i drejtoi me anë të resë gjatë ditës dhe me anë të kolonës së zjarrit natën.**
25. Çfarë do të kishte ndodhur nëse Perëndia nuk do t'i kishte drejtuar izraelitët me kolonën e resë? **Ata do të kishin humbur dhe përfundimisht do të kishin vdekur në shkretëtirë.**

26. Ku do të shkonin izraelitët? **Në Kanaan, quajtur Izrael, toka që Perëndia ua dha Abrahamit, Isakut dhe Jakobit.**
27. Çfarë bënë izraelitët kur panë ushtritë e Faraonit të vinin pas tyre? **Ata fajësuan Moisiun dhe thanë që ai duhet t'i kishte lënë në Egjipt.**
28. A kishte ndonjë mënyrë që izraelitët të shpëtonin veten? **Jo.**
29. Çfarë duhet të kishin bërë izraelitët kur panë egjiptianët të vinin? **Ata duhet t'i thërrisnin Perëndisë dhe t'i besonin Atij për t'i shpëtuar.**
30. Pse nuk ishte e vështirë që Perëndia të hapte detin?
- Sepse Perëndia krijoi detin;**
 - Sepse Perëndia është Shumë i Larti dhe nuk ka asgjë të vështirë për Të.**
31. Çfarë bëri Perëndia për t'i mbrojtur izraelitët nga egjiptianët që po ecnin përmes detit? **Perëndia vendosi renë pas izraelitëve, në mënyrë që të ishte midis tyre dhe egjiptianëve. Reja ndriçoi për t'u treguar rrugën izraelitëve, por përballë egjiptianëve ishte një re e errët dhe e zezë.**
32. Çfarë u ndodhi ushtrive egjiptiane që i ndoqën izraelitët përmes detit? **Ushtritë egjiptiane u mbytën nga Perëndia në det.**
33. Pse egjiptianët nuk mund të shpëtonin nga Perëndia? **Ngaqë Perëndia është më i madh se të gjithë, askush nuk mund të luftojë kundër Tij dhe të fitojë. Ai është Shumë i Larti.**
34. A mund të gjejë dikush një mënyrë për të shpëtuar veten nga ndëshkimi i Perëndisë për mëkatet e tij dhe ta bëjë veten të pranueshëm para Perëndisë? **Jo.**
35. Çfarë bënë izraelitët kur panë gjërat e mëdha që bëri Zoti? **Izraelitët besuan te Zoti.**



Plotëso këtë aktivitet dhe tregoja mësuesit.

Përko referencën me vargun e duhur.

1. Isaia 45:22

2. 1 Samuelit 2:2

3. Psalmi 106:8

4. Naumi 1:7

5. Psalmi 46:10

- ___ *Zoti është i mirë, është një fortesë në ditën e fatkeqësisë; ai i njeh ata që kërkojnë strehë tek ai.*
- ___ *Megjithatë Zoti i shpëtoi për hir të emrit të tij, për të bërë të njohur fuqinë e tij.*
- ___ *Ndaluni dhe pranoni që jam Perëndi; do të ngrihem lart midis kombeve, do të ngrihem lart mbi tokë.*
- ___ *Kthehuni nga unë dhe do të shpëtoni, ju mbarë skaje të tokës. Sepse unë jam Perëndia dhe nuk ka asnjë tjetër.*
- ___ *Nuk ka asnjë të shenjtë si Zoti, sepse nuk ka asnjë tjetër veç teje, nuk ka asnjë shkëmb si Perëndia ynë.*

Karta Awana 33 e përfunduar

Firma e mësuesit _____

Data _____

